

Waja



Part of the New Testament in the Waja language of Nigerea

Waja

Part of the New Testament in the Waja language of Nigerea

copyright © 2024 The Seed Company in collaboration with Language Developers and Bible Translators Association

Language: (Waja)

Contributor: The Seed Company

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners. Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-07-09

PDF generated using Haiola and XeLaTeX on 8 Jun 2026 from source files dated 9 Jul 2025
bc61fc0a-b349-5328-9699-9f7ae5bceaa7

Contents

Matayo	1
COL	34
1TH	38
2TH	41
1TI	43
2TI	47
PHM	50
JAS	51
1JN	55
2JN	59
3JN	60

Ciyei du teng a bonggo Matayo Tosugu

Nere wu bala ciyei du teng dina wii Matayo, yo twii nere wu Yudaya, wu wiino a cuḍi kwatimba Yesu wa.

Ciyei du teng a wai Matayo a juḱiya kin Yesu wii Masiya wu nuwa ce ciyei yei a miringgi lakargarindi su dooi, wii yo wu nuwa bu Yudaya wa man nij kin baa wej. A jorondi tum *Ciyei du teng a wai Matayo* a pero a juḱu nyindi su Yesu twanga cewi tu banabindi ceḱi a lakargarindi su dooi. A juḱuya kin Yesu twii nere wu duu Ibrahim. A jorondi tum a ce kin Yesu twii <<Boḱ Dawud.>> Yesu a ba yi giru Masiya, cimacima yi ku nuwa bu Yudaya wa lee jire. Anda kana yiḱo ciyei du teng dina kingga bu yigi buru wang a bonggo nuwa bu Yudaya wa. *Ciyei du teng a wai Matayo* juḱiya kin, Yesu Masiya baa dingin nuwa bu siḱa wa mwa mwa, nuwa bu Yudaya wa yi pma bu yaa yoogi nuwa bu Yudaya wa. *Ciyei du teng a bonggo Matayo* a ba juḱiya dak kin Yesu twii kulum wu gira wu kangge wu juḱugu yiri yo yi cewi yei a juḱiya kin woo yi dimbir wang, a gwala Musa.

A miringgi *Ciyei du teng a wai Matayo* nuwa cwaanga yiring tu Yesu juḱiya yi tu ningai a nuwo. Tu gawuri yei, Yesu a juḱi yiri a dwii cingu, a dwii nyindi su daa yei nuwa Yamba ba ninga songma yi tonoi (Pendi 5-7). Juḱugi yiri a dwii nere wu dee ciyei a dwii Yesu ning wej wurai yei (Pendi 8-12). Goro yiḱo woo yi balangu ciyei wundu wundu a dwii Lau Yambau (Pendi 13-17). Tu nij yei dong a juḱi ninga wu daaya nuwa bu pongguwa ba ninga (Pendi 18-23). Tu cwata goroi a juḱi tu ningdu wej a daandi su cwata goroi. (Pendi 24-25.)

Yiriḱng tu miriḱnggi yei

Bir Yesu yi pu twiwe 1:1-2:23

Wasigu ciyei Yohanna wu Ning Batisima 3:1-2

Batisima Yesu yi cuugu yoḱ 3:13-4:11

Wurangi Yesu a siḱa Galili 4:12-8:35.

Yesu duwe siḱa Galili a baa siḱa

Wurcalima. 19:1-20:34

Wurangi Yesu tu cwata goroi a

Wurcalima 21:1-27:31

Pinggu Yesu a yeu yi boori Yeḱ 27:32-66

Wunggu Yesu boore yi juḱu buri yei
nuwa 28:1-20

Dinendi kakaa Yesu wa

¹ 21Tina kuḱi kakaa Yesu Masiya wa, *
wu twii kaka Dawud, wu yoogi kaka
Ibrahim.

² Ibrahim twii mbaa Icaḱu,

Icaḱu mbaa Yakubu,

Yakubu mbaa Yahuda yi ciyamba ya,

³ Yahuda mbaa Perisa yi Serah wu

njaa pmo wii Tamar,

Perisa mbaa Esrana,

Esrana mbaa Aram.

⁴ Aram mbaa Amminadab,

Amminadab mbaa Nacon,

Nacon mbaa Salmon,

⁵ Salmon mbaa Boasa wu njaa yo wii
Rahab,

Boasa mbaa Obed wu njaa yo wii Rut,

Obed mbaa Jesse,

⁶ Jesse mbaa balaa Dawud.

Dawud twii mbaa Solomon, wu njaa yo

nang twii nure Uriya,

⁷ Solomon mbaa Rehoboam,

Rehoboam mbaa Abija,

Abija mbaa Asa,

⁸ Asa mbaa Jehocapat,

Jehocapat mbaa Joram,

Joram mbaa, Ussiya,

⁹ Ussiya mbaa Jotam,

Jotam mbaa Ahas,

Ahas mbaa Hesekiya,

¹⁰ Hesekiya mbaa Manassa,

Manassa mbaa Amon,

Amon mbaa Josiya

¹¹ Josiya mbaa Jekoniya yi ciyamba ya,

a jor du nuwa kura pma kewuri

Babila.

¹² Goro kewuri pmai a Babila,

Jekoniya mbaa Ceyaltiyal,

Ceyaltiyal mbaa, Serubabel,

¹³ Serubabel mbaa Abiud,

Abiud mbaa Eliyakim,

Eliyakim mbaa Asor,

¹⁴ Asor mbaa Sadok,

Sadok mbaa Acim,

Acim mbaa Eliyud,

¹⁵ Eliyud mbaa Eliyasar,

Eliyasar mbaa Matan,

Matan mbaa Yakubu,

¹⁶ Yakubu mbaa Yusupu bwiya

Maryamu, wu bi Yesu wu nuwa yiri

kin Masiya.

* **1:1** Masiya: Din Masiya nuwa yiri mwaasi kin Kristo. Kristo too nyan Elina wa, piḱindi din yei twii nere wu nuwa parman yo nunggu a dwii. Nang a bonggo nuwa bu Yudaya wa pma parman nere wii nunggu a dwii dingin ba juḱuya kin twii nere wu Yamba seka dingin ba yo balaa. A jor du Yamba ninga alkawal kin yo tumo wej nere mirima, dingin ba baa, ba mira nuwa ya, pero ba de pma lau Yambau, nere wu Yamba tumo wej wii nuwa yiri kin Masiya. Pero din yei Kristo. A juḱuya Yamba seka yo, pero tumwe.

¹⁷ Dingin toño toso bonggo Ibrahim bee bonggo Dawud twii kakaa kwap sur nii, pero toso bonggo Dawud bee jor du mwatanga Babila twii kakaa kwap sur nii, pero toso jor mwatangu Babila bee jor Masiya twii kakaa kwap sur nii.

Bir Yesu Masiya

¹⁸ Tina nyinou wu nuwa bi Yesu Masiya. Njaa yo Maryam ninga leengi laabwiya yi Yusupu, pu boo de bu yo a nyingga woo yi rwii a bonggo Bawe du Walwal.

¹⁹ Anda Yusupu twii nere wu nyaa yaa kasi ba dwiiyanga yo melma cudu nuwai, a kasa ba man yo tukugi.

²⁰ Anda pu woo danggu yito, bacama Mbaa Wu Gira a bammanuwe yo a miringgi dweendi kin, <<Yusupu bol Dawud, nuu yaa gwasi degu Maryam ba yoo nure mo, dingin tu miringgi pwii yei too a baa bonggo Bawe du Walwal.

²¹ Yo biru wei bwiya, ma jee ru wei din min Yesu,† dingin yo miru wei nuwa ya bonggo welemdi pmai.>>

²² Mwa mwa too a ningwa palaka ba twanga tu Mbaa Wu Gira ce a bonggo banabi kin,

²³ <<Bweecanga ning wei rwii, pero biru wei bwiya, nuwa yiri wei din yei kin Immanuel,>> pitindi yei kin, <<Yamba woo kem yi yo.>>

²⁴ Pu Yusupu romwa, a ninga tu bacama Mbaa Wu Gira sa yo, a dee Maryam ba yo nure yo.

²⁵ Anda yaa ku daa yi yo, kopo jor du bi bol yei. Pero a jee din kin Yesu.

2

Bagu kulumba bu som yiri a dwii bajwari wa

¹ Goro pu nuwa bi Yesu a Baitalami a sima Yudaya wa a jor du Balaa Hiridus jeegi lau, nuwa bu kangga twiyongo donome bu som yiringi a dwii bajwari a baanga Wurcalima

² a pira kin, <<Pu nuwa bi balaa wu nuwa bu Yudaya wa a piyau? Yi ko bajwali yo a donome yi baanga dingin yi kuraman yo sima.>>

³ Pu balaa Hiridus nuwa yito, gaanggu yoo bwiwa kem yi nuwa bu Wurcalima wa mwa mwa.

⁴ A yiwe bagiraa kuruwa wa yi kulumba teeringi wa, a pira pma pu nuwa biru wei Masiya.

⁵ Pma leeman yo kin, <<A Baitalami sima Yudaya wa, dingin tina tu balgi miringgi lakargar banabi kin,>>

⁶ <<Anda mo Baitalami bu sima Yahuda wa, ma yaa yoogi wu banyina miringgi lauri tu Yahuda, a miringgi mai balaa twiwe wei, wu yoo wei taage nuwa muwa Israila.>>

⁷ Anda Hiridus yiwe kulumba bwii tukugi ba pira jor du bajwale wii twiwe.

⁸ A tum pma Baitalami a sa pma kin, <<Ambira bu kasa pu nuwa bi bwiya wii. Ka bu nyinggi ba bu sangge palaka mi mwa n angge n kuraman yo sima.>>

⁹ Goro pu pma nuu balaa, pma taa nyinou, bajwale wu pma ko a donome wii a songma gawur pmai ba tin tiyei pu nuwa bi bwiya wii.

¹⁰ Pu pma ko bajwale wii pma twangwa yi buri degdeg.

¹¹ Pma teendo laa wii a ko bwiya wii kem yi njaa yo Maryam, anda pma kundi kwiyei kuraman yo sima. Pero pma pera swarindi pmai a nyii nii sinariya yi turale wu teng yi nyinou ku nuwa yiri kin mirr.

¹² Nuwa ningaman pma dikacene a miringgi dweendi ba pong yaa bonggo Hiridus, pma pong nyinou wu kanggu a waatanga buri sima pma.

Yusupu yi nur yo ceendo Masar

¹³ Pu pma mwatangu, bacama Mbaa Wu Gira baa bonggo Yusupu miringgi dweendi, a see kin. <<Wuni ma de bwiya woo kem yi njaa yo ma amna Masar. Ma sin siyei pwii kopo jor du sa minai, dingin Hiridus kasi wei bwiya woo ba ji yo.>>

¹⁴ Bur a wuni a de bwiya wii yi njaa yo yi kum wii a mwati Masar,

¹⁵ a sin siyei pwii kopo jor du Hiridus bwaa. A ningwa yito palaka ba twanga tu Mbaa Wu Gira a ce nyan banabi kin, <<N yiwe bol mi a Masar.>>

¹⁶ Pu Hiridus kuranga kulumba bwii welenga yo, a suko kwang kwang, a diina nuwa ba laca bakor nambirmba bu Baitalami yi gorondi tu worigi yo bu mila rop yi bu mildi pmai dwalna wa, cuungi jor du kulumba sa yo labar wii.

¹⁷ A jor dwii yiri tu banabi Irmiya cej a twangwa.

¹⁸ <<Nuwa nuu miu a Rama, wiindi yi bwiyang gaanggu wang Rahila wiindi dingin kwaraa ya a kwaa kin nuwa ba doromini ya dingin pma yaa mere.>>*

Yusupu yi nur yo waatanga Nasaret

¹⁹ Goro pu Hiridus bwaa bacama Mbaa Wu Gira bammanuwe Yusupu miringgi dweendi a Masar

† 1:21 1:21 Yesu too din Elina wa cika Jocuwa yi nyan Yudaya wa pitindi yei twii Mbaa Wu Gira wu yi mirma * 2:18 2:18 Irm. 31:15

²⁰ a ce kin, <<Wuni ma de bwiya woo kem yi njaa yo, ma amna sima Israila, dingin nuwa bu kasigu jigu bwiya woo wa, a bwaanga.>>

²¹ Dingin tono a wuni, a de bwiya wii kem yi njaa yo a aara sima Israila.

²² Anda ku nuwa kin Arkilawus jeegi lau a Yudaya a candu mbaa yo Hiridus, a nuu gwası ba aara pwii. A aara sima Galili yake ku nuwa ningaman yo dikacene a dweendi.

²³ Anda a aara sin siyei a gwei du nuwa yiri kin Nasaret. Too a ningwa yito dingin ba twanga tu banabindi ce kin, <<Nuwa yiru wei kin Nasarin.>>

3

Yohanna wu Ningi Batisıma menenga nyinou

¹ A swii daandi Yohanna wu Ningi Batisıma a baa, a wasigu ciyei a gulai Yudaya,

² a cegu kin, <<Bu ninga bwiiwa bonggo welemdi mbiri, dingin lau ku diyou a ninga nem.>>

³ Yohanna wii yo wu banabi Icaya ce ciyei a dwii yei, pu ce kin,

<<Miu ku yigu yiru a miringgi gulai, Bu carman nyinou Mbaa Wu Gira,

Bu curman nyindi yei tek!>>

⁴ See Yohanna meneggi yi kuri nggelai, bogi pii yi biyau, jeendi yei twii juwai yi niyari.

⁵ Nuwa tum a twiyongo Wurcalima, yi Yudaya, yi gorondi mwa mwa tu nem yi you ku Urdun a aanda bonggo you.

⁶ Pma ninggu bwiiwa bonggo welemdi pmai, a ningaman pma batisıma a you Urdun.

⁷ Pu Yohanna ko Parisayo yi Sadukayo bagu bonggo you dingin ba ningaman pma batisıma, a sa pma kin, <<Mba cogindi su bwii wu sambira kin bu cembir bal Yambaı su soo baa we?>>

⁸ Bu ninga ningandi tu jukuru wei kin bu ninga bwiiwa a bonggo welemdi mbiri.

⁹ Anda bu danggi ya a gaanggu mbiru min Ibrahim twii mbaa mbire. N woo sagumbiru Yamba woo yi dimbire ba waata swaringi tina ba yo kwaraa Ibrahim!

¹⁰ Nuwa gicila cenni nyan cunau a pii sou, kana kono sou ku twiya bu tutwiyari tu nyaayi buri nuwa ba kaca ba manna bwalau.

¹¹ <<N ningambiri batisıma yi gundu ba jukuya kin bu ninga bwiiwa, anda wu kangge woo baa goro mu ninga mbiru wei batisıma yi Bawei du Walwal yi bwalau. Yo gwalangge yi giru, n yinnibu kana paari yei n de.

¹² Yo tagi kaa tena yo yetu wei jama ya, pero ba kuranga goma ya, ba tena bindou you, anda taaru wei pudi yei yi bwalau ku yaa dumdu.>>

Yohanna ningaman Yesu Batisıma

¹³ A dwii jore Yesu duwe sima Galili a baa you Urdun dingin Yohanna ba ningaman yo batisıma.

¹⁴ Anda Yohanna kwaa, a see kin, <<A daaya mo, ma ningangin batisıma, dingin ca ma bagu bonggo mu?>>

¹⁵ Yesu leeman yo kin, <<Yama ba ningwa yito. Dingin tagi yi twanga tu Yamba kasi.>> Bur Yohanna a lee.

¹⁶ Pu nuwa ningaman Yesu batisıma, twiigu gundu kwii, kinangu, bur diyou wum buri, a ko Bawei Yambaı julomanuwe cika bamolo a tina dwii yei.

¹⁷ Bur miu twiwe diyou kin, <<Ma Bol mi, wu n kangne, n ningi buri degdeg yi mo.>>

4

Cuugu Yesu

¹ A dwii jore Bawei du Walwal a de Yesu gulai palaka Balaa Buwai ba cuu yo.

<<Goro pu ninga daa kun nii kume yi nyanggu yaa tu jei, Yesu nuu june.

³ Bur Balaa Buwai baa bonggo you a see kin, <<Ka ma yoogi Bol Yamba wei diin swaringi too ba waka buri, ba yoo kumaa.>>

⁴ Anda Yesu leeman yo kin, <<Lakargar Yamba ce kin, <Nere na yihi yi kumaa yi wundu, anda yi kana dono ciyei du baa bonggo Yamba.>>>

⁵ Pero Balaa Buwai a de Yesu Wurcalima, gwei du walwal, a cenna pu dekerger Laa Yambau,

⁶ a sa yo kin, <<Ka ma yoogi Bol Yamba wei, yarwe poo, dingin balgi miringgi lakargar Yamba kin,

<Yamba nyii wei bacamandi yei teere a dwii mai,

pma kangaminu wei a war pmai, dingin ma buni ya kana namau a swelei.>>>

⁷ Yesu leeman yo kin, <<Lakargar Yamba a ce kin, <Ma cuu ya Mbaa Wu Gira Yamba mo.>>>

⁸ Bambang Balaa Buwai de Yesu a cingu ku getengteng a juku yo lauri tu simai yi yilau yau mwa mwa.

⁹ Balaa Buwai see kin, <<N nyiiminu wei tina yiringi mwa mwa ka ma kun kwiyei ma kurangin sima.>>

¹⁰ Yesu leeman yo kin, <<Mwati poo Balaa Buwai! Lakargar Yamba ce kin, <Ma nyii giru Mbaa Wu Gira Yamba mo, ma kuraman yo sima yo wundu.>>>

¹¹ Bur Balaa Buwai a du Yesu, anda bacamandi baanga pma kalanga yo.

Yesu toso wurai yei a Galili

¹² Pu Yesu nuwa kin nuwa manni Yohanna a jarum, a aara sima Galili wa.

¹³ Yo yaa ku si siyei Nasaret anda a mwati si siyei a gwei Kaparnahum, gwei du nem yi kalinggu ku Galili, a sima Sabulun yi Naptali.

¹⁴ Too yiri ningwa yito palaka ba twanga tu banabi Icaya cei.

¹⁵ <<Sima Sabulun yi sima Naptali, a nyinou wu aari kalinggu, ku yero you Urdun, yi Galili, sima nuwa bu yaa yoogi nuwa bu Yudaya wa!

¹⁶ Nuwa bu pisindi pu rim wa kwee wei rangu wu girau. Pma bu pisindi sima bu yi kumjila booru wa,

Rang swii pma.>>

¹⁷ Toso dwii jore Yesu toso wasigu ciyei yei, <<Bu ninga bwiiwa bonggo welemdi mbiri dingin lau ku diyoun ninga nem!>>

Yesu yi kwatimba ya bu gawuriyo wa

¹⁸ Pu Yesu woo songma ging kalinggu ku Galili, a ko nuwa rop ciyamba buri twii nuwa bu ree jindu wa, Simon wu nuwa yiri kin Bitrus yi ciya yo Andarawus, a regu jindi a kalinggu yi lemu.

¹⁹ Yesu sa pma kin, <<Bambe bu pongge, n juku mbiri wei regu nuwau.>>

²⁰ Yoko yoko pma du lemdi pmai, a pong yo.

²¹ Yo jee gawure a ko bu kangga rop ciyamba buri, Yakubu yi Yohanna, kwaraa Sabadi wa. Pma miringgi konggoru kem yi mbaa pmo Sabadi, pma menenggu lemdi pmai. Yesu yiwe pma,

²² pma duu konggoru wii mbaa pmo, yoko yoko pma pong yo.

Yesu mira nuwa bu yi buwangi wa

²³ Yesu wora Galili, a jukugu yiringi nuwa a girindi kuri pmai, a wasigu ciyei du teng a dwii lau Yambau, pero a mira nuwa bu yi buwangi wundu wundu yi buri wulok wa pma yilanga.

²⁴ Labar yo wasi buri sima Siriya wa mwa mwa, dingin tono nuwa ninga pu demuwe yo nuwa mwa mwa bu yi buwangi wundu wundu wa bu cusanggu bonggo buwangi wundu wundu yi bu buri mwaanga buru wa, nuwa bu yi wuturindi wa yi bu yi toki wa, yi bu buri borgi wa Yesu mira pma mwa mwa a yilanga.

²⁵ Nuwa tum pong yo, toso sima Galili yi sima bu yi Gorondi Kwap wa, yake Wurcalima, yi Yudaya yi sima bu donome yi Urdun wa.

5

Wasigu ciyeu a cingu

¹ Pu Yesu ko nuwa tum kuranga buri a geero cingu, a sin siyei. Kwatimba ya kuranga buri worigi yo,

² anda a toso pirgu pmau.

³ <<Wuure bonggo pma bu som dwal pmai du bawei,

lau ku diyoun kwii kopinau!

⁴ Wuure bonggo pma bu yi bwiyanggu gaanggu wa,

Yamba diramanu wei pma gaanggu!

⁵ Wuure bonggo pma bu yi cingon dwiu wa,

pma kinggu wei sima!

⁶ Wuure bonggo pma bu nuu jun ninggu pisu wu nyaau a gawuri Yamba,

Yamba yaminu wei pma biiki pmo gekrek!

⁷ Wuure bonggo pma bu nuu bunam bu kangga,

Yamba nuu wei bunam pmau!

⁸ Wuure bonggo pma bu yi gaanggu walwal,

pma kwee wei Yamba!

⁹ Wuure bonggo pma bu teci naapu wa, Yamba yiru wei pma kin kwaraa ya!

¹⁰ Wuure bonggo pma bu nuwa turongo pma dingin ninggu pisu wu nyaau a gawuri Yamba,

lau ku diyoun kwii ko pmau!

¹¹ <<Wuure bonggo mbiru ka nuwa rweembiri, turo mbiri pero ciyei kana kono duu yiri tu bwii a dwii mbiri kin dingin bu ponggu mu.

¹² Bu ninga buri degdeg yi dirang gaanggu, dingin woriri mbiri tum a pwii diyoun. Too tu ningaman banabindi su gawuri yi mba.

Bimakwana yi rangu

¹³ <<Bu yoogi bimakwanaa nuwa mwa mwa. Anda ka bimakwanaa cwaani buri yi teng you, nuwa puunu wei teng you kwii nye? Yo ninga kwecekwece, bur nuwa ba par siyau sima ba peenga.

¹⁴ <<Bu yoogi rangu wu sima mwa mwa. Gwei du mogi dwii cingu yaa tukuri.

¹⁵ Yaa nere wu kucin bwalau kendabwala ba summo yi takale, anda nuwa cenni pu dekerger, dingin ba nyii rangu kana we wu laa wii.

¹⁶ Yito mwaasi rang mbiru ba swii buri bonggo nuwau, palaka ba ko wurangi mbiri tu nyaayi tu bu ningi, ba terenga Mbaa mbire wu diyoun.

Pirgu yiringi a dwii teere

¹⁷ <<Bu dangani ya min n baa palaka n woo siyei Teere Musa yi yiring tu banabindi balai. N baa bu n woo siyei, anda n twanga.

¹⁸ N woo sagumbiru jire kopo ka diyou yi sima woori buri, kana gon ciyei diino, kana jokugu ku banyinau, yaa ku woo wei buri miringgi Teeringi Yambai kopo ka yiringi too mwa mwa ningdi buri.

¹⁹ Dingin tono kana we wu paa teere diino du banyina i miringgi teeringi, pero pir bu kangga ba ninga yito, yoo wei wu banyina a lau ku diyou, anda kana we wu ponga pero piryo yoo wei wu gira a lau ku diyou.

²⁰ N woo sagumbiru jire, ka pisu mbir wu nyaau a gawuri Yambau gwala bu kulumba teeringi wa yi Parisayo ne, bu tembir lau ku diyou.

Pirgu yiringi a dwii sukom

²¹ <<Bu nuu tu Yamba sa kakaa yiwa nang kin, <Ma jiri ya nere, kana we wu ninga, nuwa ningamanu wei yo bali.>

²² Anda n woo sagumbiru min: Kana we wu suko yi bagon yo nuwa ningamanu wei yo bali, kana we wu yi bagon yo kin, <Ner wu nyo,> nuwa der wei gawuri bagiraa nuwa bu Yudaya wa, pero kana we wu yi bagon yo kin bapime yannu wei par bwalau.

²³ Ka ma wuni nyiigu nii Yamba a kwaare anda ma danggi min bagon mo woo yi yiri yi mo,

²⁴ ma du nii mai a gawuri kwaare, ma mwati ma nuwanga bagon mo anda ma waata ba ma nyii nii mai Yamba.

²⁵ <<Ka bacen mo der kwaram mo a gireng balu, kasa bu nuwanga jor du bu boo nyinou, pu bo bu laman bu laa balu. Ka yito ne deminu wei bonggo nere wu ning bali, wii yo wu deminu wei bonggo bagiraa, pero nuwa manminu wei jarum.

²⁶ N woo sagumbiru, yaa ku ma twii wei pwii, kopo ka mo yar kana ca tu nuwa mwar minai.

Pirgu yiri a dwii taari

²⁷ <<Bu nuu tu Yamba ce kin, <Ma ningi ya taari.>

²⁸ Anda n sagumbiru min, kana we wu suwa nure yi miyam a gacila ninga taari yi yo a gaanggu.

²⁹ Ka nung mo wu jeu diimini wei welem wei, ma yikiyo ma man siyei! Kujang ma yaa bonggo wu kangge a buri mai yiku buri mai mwa mwa nuwa manminu wei bwalau ku yaa dumdu.

³⁰ Ka wai mau wu jeu diimini wei welem wei, ma mwariya ma man siyei! Kujang ma yaa bonggo wu kangge a buri mai yiku buri mai mwa mwa nuwa mannu wei bwalau ku yaa dumdu.

Pirgu yiringi a dwii jigü laabwiya.

³¹ <<Cegi kin, <Kana we ka man nure yo kopo ka nyii lakargar jigü laabwiya.>

³² Anda yoko n woo sagumbiru min, kana we wu man nure yo, yaa dwii taari ne, a diina nure yo ba ninga welem taari, pero kana we wu yiki nure wu nuwa mana a ninga taari.

Pirgu yiringi a dwii wera

³³ <<Pero bu nuu tu Yamba sa kakaa yiwa nang kin, <Ma kiyani ya wera mo, anda ma ninga tu ma weranga gawuri Mbaa Wu Gira.>

³⁴ Yoko n sagumbiru, bu ningi ya wera a dwii kana ca. Bu wereni ya yi diyou, dingin twii candu Lau Yambau.

³⁵ kana yi sima pu cenni mwar yei, kana yi Wurcalima, dingin twii gwei Balaa wu Gira.

³⁶ Bu ningi ya wera kana yi dwii mai, dingin bu puwi wakugu kana kuu kuri kiino polo polo kana pitipiti.

³⁷ Yama <Ong,> mbire ba yoo <Ong,> pero <<Ang Ang,>> mbir ba yoo Ang Ang.> Kana ca tu bu ce ka gwal yito a baa bonggo wu bwiiye wii.

Pirgu yiringi a dwii yagu gerou

³⁸ <<Bu nuwa cegi kin, <Nunge nyan nunge, pero nwii nyan nwii.>

³⁹ Anda yoko n sagumbiru min, ma yari ya gerou bonggo nere ning tu bwii. Ka wu kangge kapa mini dwang mo wu jeu ma wakaman yo wu kanggi wii mwaasi.

⁴⁰ Ka nere wu kangge kasi der kwaram mo a laa balu palaka ba yiya min cacuwe mau, ma murman yo gatangamau mwa.

⁴¹ Ka kana we kica min songma nyan mel wiino ma amna nyan mel rop.

⁴² Ka kana we ka senggi yiri bonggo mou, ma puwa yo, ma jari ya nere wu baa kasigu cine bonggo mou.

Ma kangman bacemba ma

⁴³ <<Bu nuwa cegi kin, <Ma kangman bapun mo, ma kwaa bacen mo.>

⁴⁴ Anda yoko n sagumbiru min, bu kangman bacemba mba, bu ceman pma kuru pma bu turo mbir wa,

⁴⁵ palaka bu yo kwaraa Mbaa mbir wu diyou. Dingin yo diini nyangu swiiri nere wu bwiiye yi nere wu nyaau, pero diini gundu yar man nere wu ning pisu wu nyaau a gawuri Yambai yi pma bu yaa ning pisu wu nyaau a gawuri Yambai.

⁴⁶ Ka bu kangman nuwa bu kang mbiri wa tibak, woriri yei ca tu bu king wei? Kana nuwa bu yiri janggal wa mwa, ning yito!

⁴⁷ Anda ka bu cir basimba mba tibak, tu bu ninga tweeyei ca? Kana nuwa bu som bu Yamba wa ning yito!

⁴⁸ Tagi bu siya cimacima cika ku Mbaa mbire wu diyou cimacima.

6

Nyũgu nĩ bu yaa tonu wa

¹ <<Bu ruun tuwe, bu ningi ya wurangi tu nyaayi mĩn palaka nuwa ba ko. Ka bu ningi yito yaa ku bu nyĩngu wei woriri bonggo Mbaa mbire wu diyou.

² <<Dĩngin yito ka bu nyĩ yiri nere wu yaa tonu bu teeri ya, cika ku nuwa bu yi batal wa ningi a mĩringgu girĩndi kuri yi nyindi. Pma ningi yito palaka nuwa ba wandi pma. N woo sagumbĩru jire pma nyĩngga woriri pmai.

³ Anda ka bu kalan nere wu yaa tonu, kana basin mo wu nem ba som ya,

⁴ palaka niĩ mai ba yoo tukugi. Mbaa mo wu kweeyi tu tukugi nyĩĩminu wei woriri.

Pĩrgu yĩringi a dwii cegu kuru

⁵ <<Ka bu wuni cegu kuru bu ningi yaa cika nuwa bu yi batal wa! Pma kasi ba ce kuru a pitĩndi a girĩndi kuru yi gengelte nyindi, palaka kana we ba ko pma. N woo sagumbĩru jire, pma gicila nyĩngga woriri pmai mwa mwa.

⁶ Anda mo, ka ma wunni cegu kuru, ma dimno kane, ma laka nyinou, ma ce kuru bonggo Mbaa mo wu nuwa yaa kweeyi. Mbaa mo wu kweeyi tu tukugi nyĩĩminu wei woriri.

⁷ <<Ka bu wunni cegu kuru bu ningi ya pu perenggu, cika ku nuwa bu som bu Yamba wa ningi, pma nuu cika Yamba nuu wei pma dĩngin cewi pmai tu cokurok.

⁸ Bu ningi ya yito dĩngin Mbaa mbire a som tu bu kasigi yake pu bu senggo bu yo.

⁹ Tina nyinou wu bu ce wei kuru: <<Mbaa yire wu woo diyou, nuwa ba nyĩ giru din mai.

¹⁰ Lau mou ba baa, dangandi mai ba ningwa sima, cika ku ningi buru a diyou.

¹¹ Ma puu yir jeendi tu reni.

¹² Ma para sukum welem yiru, cika ku yo mwa yi paraman sukum pma bu wele yiru wa.

¹³ Ma de yiri ya bonggo miyam, anda ma mira yiro bonggo wu bwii wii.

¹⁴ <<Ka bu par sukum pma bu ninga mbir welem wa, Mbaa mbire wu diyou yika mwaasi para mbir wei sukum welem mbiru.

¹⁵ Anda ka bu kwaa pargu sukum pma bu wele mbir wa, yito mwaasi Mbaa mbire yaa ku para mbiru wei sukum welem mbiru.

Pĩrgu yiri a dwii degu cooji

¹⁶ <<Anda ka bu der cooji, bu bwiyani ya gaanggu cika nuwa bu yi batal wa. Pma

caari kau palaka kana we ba ko kin pmai degi cooji. N woo sagumbĩru jire pma gicila nyĩngga woriri pmai mwa mwa.

¹⁷ Anda ka ma der cooji ma car kau mau, ma swati dwii mai,

¹⁸ dĩngin nuwa ba som ya kin ma degi cooji buri Mbaa mo, wu nuwa yaa kweeyi, yo som wei. Anda Mbaa mo, wu kweeyi tu tukugi nyĩĩminu wei woriri.

Nyaau ku diyou Yambau

¹⁹ Ma ruumani ya buri mbiri gina a sima, pu bobo yi saasa bwiyanu wei, pero kuuwa kinggu wei nyinou ba jinda.

²⁰ Anda bu ruu man buri mbiri gina diyou Yambau, pu bobo yi saasa na bwiyani, pero kana kuuwa na pu repugu ba jinda.

²¹ Dĩngin pu gina mo woo miru, gaanggu mou koo pwii.

Rangu buru

²² <<Nundi twii kendabwala buru. Ka nundi mai kundi wang, mwa mwa buri mai twanggi yi rangu.

²³ Anda ka nundi yaa kundi ne, buri mai mwa mwa si wei yi kumjila. Dĩngin tonu ka rang wu buri mai twii kumjila wei, kumjila wu ma miri wang!

Yamba yi gina

²⁴ <<Yaa nere wu kuramanu wei sima nuwa bu girawa rop, ma kangmanu wei wiino, ma kwaa wu kangge. Ma cedo wu wiino, ma pong wu kangge. Yaa ku ma kuramanu wei sima Yamba bambang ma kuramanu sima kene.

²⁵ Dĩngin tonu n woo sagumbĩru, bu miyani ya buri yi piĩma mba, yi yiri tu bu jee wei yi tu bu naa wei, kana see wu bu teeru wei a buri. Piĩma gwala bu jeendi ru? Buri gwala bu see ru?

²⁶ Bu suwa yidi, pma yaa piri yaa kaci, pero yaa gamani ba parna bindou, anda Mbaa mbire wu diyou pu pma jeendi! Bu gwala bu yidi kwaara ru?

²⁷ Wii we a cudu mbiri dĩngin miyanggu buru puu wei cwatugu kana daa kiino a mĩringgi daa yo?

²⁸ <<Anda dĩngin ca bu miyani buru dĩngin see? Bu suwa pundi tu gulai giri, yaa pu ninggu kana ca dĩngin buri pmai, yaa pu ba ninga waandi dĩngin buri pmai.

²⁹ Anda n woo sagumbĩru kana Balaa Solomon yi gir you mwa ninga bu waandi sii yilau cika tonu.

³⁰ Ka cembere Yamba pu ningaman sii tu gulai waandi tu too reni anda punge nuwa parnu wei bwalau, dwiyaman mba tee mbiru wei see, mba bu yi dwal leegu jire.

31 <<Dingin tonu, bu miyani ya buri, bu cegu min, <Tu yi jee wei ca? Tu yi naa wei ca? Tu yi teeru wei ca?>

32 Nuwa bu pma som bu Yamba wa, a kasanggu too yiringi mwa mwa, Mbaa mbire wu diyau a som biiki mbire.

33 Anda tu gawuriyo, bu kasa lau you yi pišu wu nyaau a gawuri yei, anda yo nyiimbiri wei too yiringi mwa mwa.

34 Dingin tonu bu miyani ya buri yi punge, punge a yi biiki yo. Kana kono nyanggu yi biiki yo.

7

Bu ningamani ya nuwa bali

1 <<Bu ningamani ya bali nuwa, palaka Yamba ba ninga mbir ya bali,

2 dingin Yamba ning mbir wei bali yito cika ku bu ningaman bali nuwa. Yi bosoro wu bu cuuman nuwa yi tonu, Yamba cuu mbiri wei yi tonu.>>

3 Dingin ca mo suugu bosiyau ku nung bagon mou, anda ma yaa kogu gulsou wu nung mou?

4 Ningdu wei nye ma sa bagon mo min, <Yama n deman bosiyau ku nung mou,> anda mo yiri mai ma woo yi gulsou a nung mo?

5 Mo wii batal, ma toso demanggu gulsou wu nung mou bati, palaka mo, kwee wei sima kundi, ma podoman bagon mo bosiyau ku nung you.

6 <<Bu nyii ya baindi yiri tu walwal. Ma mandi ya siyei gisi tu yi piru a gawur bakambi su lai, pma penu wei yi mwari pmai! Anda ba waata bonggo mou ba pwara mina.

Ma celo, ma kasa, ma kupo

7 Bu ninga pu celo, nuwa nyiimbiri wei. Bu ninga pu kasigu, bu nyinggu wei. Bu ninga pu kupugu, nuwa wunmbiru wei.

8 Dingin kana we wu celo, nuwa nyii wei. Kana we wu kasa, nyinggu wei, pero dong kana we wu kupo, nuwa wunmanu wei yo.

9 Mba kwiimba, wii we a cudu mbiri wu ka bol yo cel yo kumaa, nyii wei swel?

10 Pero ka cel yo jingne, nyii wei coogu we?

11 Ka mba bu bwiiwa bu som nyiiu tu nyaayi kwaraa mba wei, dwiyamin Mbaa mbire wu diyau, yo nyii wei yiringi tu nyaayi nuwa bu senggu yo wa!

12 Dingin tonu, cika ku bu kasi nuwa ba ningambira, yito mwa bu ningaman pma, too pitindi teering Musa yi banabindi.

Nyinou wu lepek yi wu gurcik

13 <<Bu tembiro nyinou wu gurcik. Dingin nyinou wu lepek der nere par bwalau, pero nuwa tum teendi.

14 Anda nyinou wu banyinau pero gurcik twii nyinou wu der nere pijima, anda nuwa banyina tibak kinggi.

Bu som wei nuwa bonggo wurangi pmai

15 <<Bu ruun tuwe bonggo banabindi leendi wa. Pma baanga wei bonggo mbiru a miringgi biyau cika puuri, anda a miringgi pmai twii geppindi.

16 Bu kuranu wei pma bonggo tutwiyari pmai. Yaa ku nuwa war wei tutwiyari inabi a bonggo kurille, yito mwa yi pwaari pwalgu a bonggo sou calau.

17 Yito mwaasi yi kana kono sou ku nyaau nyii tutwiyari yei, anda sou ku bwiiu nyii tutwiyari tu bwii.

18 Sou ku nyaau yaa nyii tutwiyari tu bwii. Yito mwa sou ku bwiiu yaa nyii tutwiyari tu nyaayi.

19 Kana kono sou ku yaa nyii tutwiyari tu nyaayi nuwa kacinu wei sima ba manna bwalau.

20 Yito mwaasi, bu kuranu wei pma bonggo tutwiyari pmai.

21 <<Yaa kana we wu yinggi kin, <Mbaa Wu Gira, Mbaa Wu Gira,> diiru wei lau ku diyau, anda buri nere wu tum dangandi Mbaa mi wu diyau.

22 A nyanggu balu, nuwa tum sanggu wei kin, <Mbaa Wu Gira, Mbaa Wu Gira, yi ce tu ningdu wei pina yi gawuri a miringgi din mai, yi din mai yi yikongo wuturindi, yi ninga yiringi riyandi buri tum.>

23 N saru wei pma gembel min, <N tij bu songgumbiru. Bu laanga poo bonggo mu, mba nuwa bu tum tu bwii wa.>

Ba mweme wu pwiyaagi yi wu yaa pwiyaagi

24 <<Dingin tonu kana we wu nuu ciyei mi pero ningi wurai yi tonu cika nere wu pwiyaagi wu monni laa you dwii sweli.

25 Pu gundu toso yarugu, youri twanganga, wutur baa a buu laa wii anda yaa ku yarau, dingin nuwa man taayau dwii sweli.

26 Anda kana we wu nuu ciyei mi anda yaa ku ninga wurai yi tonu cika nere wu yi cini wu monni laa you a swai.

27 Pu gundu toso yarugu, youri twanganga, pero wuture ninga, a buu laa wii, a yara, yarangu you a ninga wang.>>

28 Pu Yesu mata cegu to yiringi, nuwa bwii riyanga buri yi yiringi tu jukugu,

29 dingin a jukugu yiringi cika nere wu yi dimbire, yaa cika kulumba teeringi pma wa.

8

Nere wu yi butangi

1 Goro pu Yesu julo cingu kwii, nuwa tum pongwe yo.

2 Nere wu kangge wu yi butangi baa bonggo you a kun kwiyau a ce kin,

<<Mbaa Wu Gira, ka ma leei, ma mirangge n yila a bonggo butangi mi.>>

³ Yesu a yaku wai a cerman yo, a see kin, <<N lee, yila!>> Yoko yoko butangi twii a du nere wii.>>

⁴ Yesu sa yo kin, <<Ma sari ya kana we, too yiri, Anda ma amna ma juku buri mai kuru Yamba ba suwa mina, pero ma nyii nii du Musa ce kin nuwa ba nyiyya, dingin ninggu walwal. Ma ninga yito dingin nuwa ba soma kin ma yila.>>

Leegu jire bagira kacaraa wu Roma

⁵ Pu Yesu diiro Kaparnahum, kacala Roma wa wu kangge baa kinga yo a sengo yo kin,

⁶ <<Nere wu gira, kewe mi woo pidau lai, buri yei borgi a cusugu wang.>>

⁷ Yesu see kin, <<N anggu wei n mira yo.>>

⁸ Bagira kacaraa wii ce kin, <<Ang ang yaa yito Mbaa Wu Gira, mi yinnibu ma baa laa mu, anda mo ce ciyei tibak, kewe mi yil wei.

⁹ Dingin mi mwa n woo kuu nere wu kangge, pero dong n woo yi kacara kuu mu, ka n sar wuna min, <Amna> yo ba aara, wu kangge dong n see min, <Bame!> bur ba baa, pero ka n sar kewe mi min, <Ninga yiri nyo!> Bur ba ninga.>>

¹⁰ Pu Yesu nuwa yito, a riyanga buri, a sa nuwa bu ponggu yo wa kin, <<N woo sagumbiru jirei yaa ku n nyingga nere wu leegu jire ku yi dimbire cika kinaa a Israila.

¹¹ N woo sagumbiru nuwa tum baanga wei bonggo donome yi nyambiranggu ba sindi siyau, a jegu a naagu kem yi Ibrahim yi Icau yi Yakubu a lau ku diyau.

¹² Anda pma bu daaya ba teendo lau ku diyau nuwa parnu wei pma kumjila, pu pma jii wei wiindi yi dumonggu nyiyau.>>

¹³ Anda Yesu sa bagira kacaraa wii kin, <<Mwati lai, cika ku ma pu jire nindu wei yito.>> Anda kewe bagira kacaraa wii a yila kinangu.

Yesu mira nuwa tum

¹⁴ Yesu aara laa Bitrus, a kingga sii Bitrus wa nure a pidau yi buri wulok.

¹⁵ A mwaanga wai yau, bur buri wulok swii man yo, a wuni, a ningaman yo jeendi.

¹⁶ Ku lam nyambiranggu nuwa demuwe. Yesu nuwa bu yi wuturindi wa tum. Yesu yikongo wuturindi yi ciyei tibak, a mira pma bu yaa cingcing wa pma yilanga mwa mwa.

¹⁷ Too ningwa yito palaka ba twanga tu banabi Icaya ce kin, <<A de dwal buri cingcing yiru

yi buwangi yiri.>>

Ponggu Yesu yi buu

¹⁸ Pu Yesu kuranga kin nuwa tum wora yo, a sa kwatimba ya kin ba yerongo gingu kalinggi kwii.

¹⁹ Kulum teeringi a baa bonggo yau a ce kin, <<Kulume, mi pongminu wei kana piyau pu mo amnu wau.>>

²⁰ Yesu nyii lee kin, <<Bapirmisindi boo yi boring pmai, yidi mwa yi cwaaringi pmai, anda Bol Nere yaa pu daa miru.>>

²¹ Wu kangge cu di kwatimba ya a ce kin, <<Mbaa Wu Gira, dungge bati n angge n tingwe mbaa mi.>>

²² Yesu see kin, <<Pongguwe du nuwa bu bwangi wa ba tingi kappima bu bwaangi wa.>>

Yesu yera wuture yi gwerai gundi

²³ Yesu diiro konggoru anda kwatimba ya pong yo.

²⁴ Yaa temandi bur wutur gundu a wunuwe. Gwerai gundi a paringgu gundu a miringgu konggoru, anda Yesu a diima.

²⁵ Kwatimba ya aanda bonggo you a romya pma ce kin, <<Mbaa Wu Gira, mira yiro, yi bwanu wei.>>

²⁶ <<Yesu sa pma kin, <<Dingin ca bu nuugu gwasi, mba bu leegu jire mbiru banyina wa?>> Bur a wuni a yera wuture yi gwere gundu dwii, bur a sin siyei tok.

²⁷ Kana we riyanga buri kin, <<Kinaa kono duu neru? Wu kana wuture yi gwerai gundi ningi pongondi yi yo!>>

Yesu yil nuwa rop bu yi wutur wa

²⁸ Pu Yesu aara bonggo sima Gadara* a ging kalinggi kwii, a kaanga yi nuwa rop bu twiyongo dwiyongi puringi, nuwa bwii yi wuturindi. Pma yi kwei wang dingin tono yaa nere wu pong wii nyinou.

²⁹ Pma ninga duwai kinangu kin, <<Bol Yamba ma kasigu ca yi yo? Ma baa pina ma turo yiro bo jor lam bu ru?>>

³⁰ Kan bakambi su lai soo nem yi poo wii, a taagu taawu.

³¹ Wuturindi swii sengo Yesu kin, <<Ka ma yiki yire ma sukka yiro yi teendo miringgi bakambi su lai swii.

³² Yesu sa pma kin, <<Bu ambira>> Pma twiyongo, teendo bakambi su lai swii. Mwa mwa kan bakambi swii a mwatanga kilang kilang a julomana cerau a yaramana gundu a bwaamana a miringgi.

³³ Nuwa bu taagu bakambi su laa swii pma ceendo gwei, pma nyii nuwa labar yiringi tu ningwai yi nuwa bu yi wuturindi bwii.

* 8:28 8:28 Lakargarindi su kanggi a bala kin sima Gargasina wa bu kangga bala kin sima Garasinawa

³⁴ Kana we a miringgi gweɪ dwii, a mwati dingin ba kanga yi Yesu, anda pu ko yo a senggo yo ba du sima pma.

9

Yesu mira nere wu buri borigi

¹ Yesu geero konggoru a waata buri, a yeri bonggo kalinggi a aara gweɪ yeɪ.

² Nuwa demuwe yo nere wu buri borgi a pidau yuu. Pu Yesu ko leegu jire pmaw, a sa nere wu buri borgi wii kin, <<Ciko gaanggu bol mi, nuwa paramin sukom welemdi mai.>>

³ Kulumba teeringi wa bu kangga yanna cegu ciyeɪ yi buri pmai kin, <<Nere woo bwiyanggu din Yambai!>>

⁴ Yesu kuranga tu pma dangangi a ce kin, <<Dingin ca bu danganggu yiringi tu bwii a gaanggi mbiri yito?>>

⁵ Tu leelee tono, yiku n sa nere wo min, <N paramin sukom welem mau.> yi ku n see min, <Wuni ma ninga songma?>

⁶ Anda n kasi bu soma min, Bol Nere woo yi dimbire a sima ba para sukom welem.>> Anda a sa nere wu buri borigi wii kin, <<Wuni, ma de yuu mau, ma mwati lai.>>

⁷ Nere wii wuni, a mwati laa you.

⁸ Pu nuwa bu kurangi buri ko yo, pma nuu gwasɪ, pma teranga Yamba dingin woo dimbire wu nyii nuwa.

Yesu yi Matayo

⁹ Yesu du poo wii, anda pu songmau, a ko nere wu yiri janggal wu din yeɪ Matayo, a pisu pu nuwa yiri janggal. A see kin, <<Pongguwe.>>

Matayo wuni, a pong yo.

¹⁰ Pu Yesu woo jegu jeendi laa Matayo, nuwa bu yiri janggal wa tum yi nuwa bu kangga bu yi welem wa pma baanga je jeendi kem yi yo yi kwatimba ya.

¹¹ Parisayo bu kangga ku ko yito pma pira kwatimba ya kin, <<Dingin ca kulum mbire a jegu jeendi yi nuwa yir janggal yi bu yi welem wa?>>

¹² Pu Yesu nuwa, a sa pma kin, <<Nuwa bu cingcing wa yaa kasi kulume, bur nuwa bu yaa cingcing wa.>>

¹³ Ambira bu yesa tu lakargar Yamba ceɪ, <Tu n kasi twii nuwa ba juɪki bunam, twii nyiiɲu niɪ ne.> N baa bu dingin nuwa bu ningi pisu wu nyaau a gawuri Yambai anda n baa dingin nuwa bu yi welem wa.>>

Pira dwii degu cooji

¹⁴ Kwatimba Yohanna wu Ningi Batisima baanga bonggo Yesu a pira kin, <<Dingin ca yo yi Parisayo yi ning cooji nyikirik anda kwatimba ma yaa ningi?>>

¹⁵ Yesu nyii lee kin, <<Ningduwe nye basinba laabwiya wa ba de cooji pu bo woo kem yi bwiya wu laabwiya weyo ru?>> Anda daandi soo baayi su nuwa demanu wei bwiya wu laabwiya weyo a bonggo pmaw, bur pma ningi wei cooji.

¹⁶ <<Yaa wu cwakinu wei see wu puce a dwii wu milga, ka nindi yito wu nuwa cwakina wii kwaciranu wei see wii ba diina ba pwarwa wang.>>

¹⁷ Pero yaa nere wu deru wei gundu inabi ku pucu ba parna cweindi biyari tu milgai, ka nindi yito gundu inabi ku puci kwii, repanu wei cweindi biyari twii, pero gundu inabi kwii ba par siyau. Anda nuwa ba parna a cweindi biyari tu puci, mwa mwa pmaw ba ningga kundi.

Bweecanga nere wu gira yi nur wu mwaanga gatamau Yesu

¹⁸ Pu Yesu woo cegu tina yiringi, nere wu gira wu gireng kuru a baa bonggo you a kun kwiyau gawuri yeɪ, a ce kin, <<Bweecanga mi a bwaa yoko kina, bame ma cenni wai wuni wei yi piima.>>

¹⁹ Yesu wuni a pong yo, kem yi kwatimba ya.

²⁰ Nur wu kangge wu tiigu kuulu yi buwai pargu siyeɪ timau nyan mildi kwap sur rop, a baa gorou Yesu a pilo nyan gatamau you.

²¹ A sa buri yeɪ kin, <<Ka n pili kana gatamau you, n yilu wei.>>

²² Yesu waka kau a ko yo, a ce kin, <<Bweecanga mi ciko gaanggu, leegu jire mau a miramina.>> A dwii jore nure wii ninga cingcing.

²³ Pu Yesu lama laa nere wu gira wu gireng kuru, ku ko nuwa kwarindi yi bu kangga wuugu bagaati boore,

²⁴ a ce kin, Kana we ba twiyo. <<Bweecanga woo yaa bwaagi, a diima!>> Pma rii yo.

²⁵ Ku nuwa yiku nuwa bwii twalange, Yesu tee wai, a wuni.

²⁶ Labar yo wasi buri kana piyau a sima bwii.

Yesu mira kerma rop

²⁷ Pu Yesu du poo wii, kerma rop pongu yo pma ningi duwau a cegu kin, <<Bol Dawud, nuu bunam yiru!>>

²⁸ Pu Yesu diiro laa wu pisu miri, kerma bu rop bwii baanga bonggo you anda a pira pma kin, <<Bu lee jireɪ n puu wei kalanggi mbir du?>>

Pma leeman yo kin, <<Ong nere wu gira.>>

²⁹ Yesu mwaanga nundu pmai a ce kin, <<Yama ba ningwa cika ku bu lee jireɪ!>>

³⁰ Nundi pmai toso kogu, Yesu sa pma kin, <<Bu sari ya kana we!>>

³¹ Anda pma mwatanga a wasi ciyei dwii Yesu kana piyau a sima bwii.

Yesu mira nere wu yaa ce ciyei

³² Pu pma twiyongo, nuwa bu kangga dee nere wu yaa ce ciyei dingin yi wuturindi a bonggo Yesu.

³³ Anda ku Yesu yiki wutur wii, nere wii toso cegu ciyeu, kana we riyanga buri pma ce kin, <<Yaa ku yi ti kogu yiri cika tina a Israila!>>

³⁴ Anda Parisayo ce kin, <<Twii bagira wuturindi a nyii yo dimbire ba yiki wuturindi.>>

Yesu nuu bunam nuwau

³⁵ Yesu wora gorondi tu girai yi tu nyititi, A jukugu yiringi a girindi kuri pmai, a wasigu ciyei du teng a dwii lau Yambau pero a mira nuwa tum yi buwangi wundu wundu yi buri wulok pma yilanga.

³⁶ Ku ko nuwa kuranggi buri tum, a nuu bunam pmau dingin pma tiigu kuulu pero tetengi, yaa nere wu kalanu wei pma, cika puuri su yaa taage.

³⁷ A sa kwatimba ya kin, <<Jama bu biya wa a ninga tum, anda nuwa bu kaci wa ninga banyina.

³⁸ Dingin tono, bu senggo Nere wu kondo wa yau ba tumuwe nuwa wura wa a kondo you.>>

10

Yesu tum kwatimba kwap sur rop

¹ Yesu yiwe kwatimba ya kwap sur rop pweyau piinou, a nyii pma dimbire ba yiki wuturindi pero ba mira kana koŋo du buwai.

² Tinaa dinendi nuwa tumandi wa Yesu wa bu kwap sur rop wu gawuriyo wii Simon, (wu nuwa yiri kin Bitrus) yi ciya yo Andarawus, Yakubu bol Sabadi yi ciya yo Yohanna,

³ Pilibus yi Bartalamawus yi Toma yi Matayo wu yiri janggal, yi Yakubu bol Alpayo, yi Tadawus,

⁴ yi Simon wu yi bwii dingin sima ya yi Yahuda Iskariyoti wu cuu Yesu.

⁵ Nuwa bu kwap sur rop bu Yesu tuma bwii a nyii pma dikaceŋe kin, <<Bu ambir ya bonggo nuwa bu yaa yoogi nuwa bu Yudaya wa, yi gorondi nuwa bu Samariya wa.

⁶ Bu ambira bonggo nuwa bu Israila wa bu liyanga cika puuri su yaa taage.

⁷ Ambira bu wasi ciyei min, <Lau ku diyow ninga nem!>

⁸ Bu mira bu yaa cingcing wa, bu wumongo bu bwaanga wa, bu mira babutanga, pero bu yikongo wuturindi. Nuwa nyiimbira nyo bu nyiia nyo.

⁹ Bu deri ya sinariya yi asurpa, yi kana kene a swari mbire,

¹⁰ bu deri ya swari songmai kana landari rop yi paari, yi jwalu dingin nere wurai a yinno nuwa ba nyii jeendi.

¹¹ <<Ka bu tembiro gwei du girai yi du banyina bu kasa nere wu yi mbir wei bu sindi siyei a pwii kopo nyangu ku bu duru wei poo wii.

¹² Ka bu tembir laa wii bu ci pma.

¹³ Ka nuwa bu laa wii yoo bu nyaa wa, yama pidau gaanggu mbiru ba siya bonggo pmau, ka kwaai yama pidau gaanggu ba waata buri bonggo mbiru.

¹⁴ Anda kana piyau pu nuwa kwaa yigu mbiru pero kwaa ba ka twiyau yi mba, bu kapa gur du mwar mbiri, ka bu dur gwei dwii.

¹⁵ N woo sagumbiru jire, a nyangu balu, Yamba nuu wei bunam nuwa bu Sodom yi Gomora yiku ba nuu bunam gwei dwii!

Tiigu kuule ku ko baawu

¹⁶ N woo tumgu mbiru cika puuri a cudi geppindi. Bu yoo pwiyangi cika coogindi pero tok cika bamori.

¹⁷ Bu sindi siyei cipigi buri, nuwa rembiru wei, ba dembira laa balu pero ba wacambira wei a girindi kuru.

¹⁸ Nuwa dembiru wei gawuri gomnandi yi balamba dingin mi. Anda too yoo mbiru wei nyinou wu bu wasiri wei ciyei du teng a dwii mi a bonggo balamba yi nuwa bu yaa yoogi nuwa bu Yudaya wa.

¹⁹ Ka rembiri bonggo balu bu domi ya buri min tu bu ce wei ca yi kanda ku bu ce wau, ka jori yei lam Yamba nyimbiri wei tu bu ce wei.

²⁰ dingin bwii mba bu cegu ciyei ne anda twii Bawe Mbaa mbiri a cegu ciyei a miringgi mbiru.

²¹ <<Ciyate nyii wei ciya yo nuwa ba jiyo, yito mwa mbaate yi bol yo. Kwaraa wunmanu wei kwiimba diinu wei nuwa ba laca pma.>>

²² Nuwa mwa mwa kwaambiri wei dingin mi. Anda kana we wu boo gaanggu lam nyangu ku pungu nyinggu wei mirma.

²³ Ka pma turo mbiri dina gwei bu cembiro du kanggi. N woo sagumbiru jire yaa ku bu mati wei worugu gorondi Israila Bol nere baa wei.

²⁴ <<Nere wu tilanggu yiru yaa gwali kulum yo, kewe yaa gwali nere wu gira yo.

²⁵ Nuwa bu tilanggu yiringi wa a daaya ba ninga cika kulum pmo yito mwa kewaa a daaya ba ninga cika nere wu gira pmo. Ka nuwa yiri nere wu gira wu laa kin, Baalsabul, gwalanga nuwa bu laa wii wa, nuwa yiru wei pma yi din du gwala doo!

Wu daaya yi gwasa

²⁶ <<Bu nuu ya gwasi nuwai, Yaa yiri tu sumgi tu nuwa na wumdi, pero yaa yiri tu tukugi tu nuwa na soni.

²⁷ Yiri tu n sa mbiru kume, bu wasiri wei yi nyangu. Pero yiri tu bu sewai a tweendi mbiri, bu teeru wei dwii kani.

²⁸ Bu nuu ya gwasi nuwa bu jiri buri wa anda yaa ku puu jigu bawei, waka bu nuu gwasi Yambai, yo wu puu bwiyanggu mwa mwa buri yi bawei a pari bwalai.

²⁹ Nuwa yaa cuuri banyili nyan kobo rop ru? Anda yaa banyili su yari sima yaa kem yi somgu Mbaa mbiru.

³⁰ Kana kuri mbiri tu dwii a som ku ci yei.

³¹ Dingin tono, bu nuu ya gwasi dingin bu gwala banyili wang.

³² <<Dingin kana we wu ce cudu nuwa kin yo wongge, mi mwa n ningi wei yito a gawuru Mbaa mi wu diyow.

³³ Anda kana we wu gwelengge a gawuri nuwai, mi mwa n gwelu wei yo, a gawuri Mbaa mi wu diyow.

N dee bu pidau gaanggu, anda buri kasigar

³⁴ Bu dangani ya min n baa dingin n dee pidau gaanggu a sima. Ang ang, n baa bu n dee pidau gaanggu, anda n dee kasigar.

³⁵ N baa n din cere

<Cudu nere yi mbaa yo,

bweecanga yi njaa yo,

siite wu nure, ning wei cere yi sii yo wu nure

³⁶ bacen mo wu bwiiye yo wei a miringgi laa mau.>

³⁷ <<Kana we wu kangman mbaa yo yi njaa yo gwalanggi yaa ku yinno yoogu kwaa mi, ka kangman bol yo wu nambare yi wu nure gwalanggi yaa ku yinno ba yoogu kwaa mi.

³⁸ Anda kana we wu de bu yeu you, ba pongguwe yinnibu yoogu kwaa mi.

³⁹ Kana we wu nyingga piima ya mandu wei siyau, kana we wu mansi yei piima ya dingin mi nyingu wei.

Yigu woriri

⁴⁰ <<Kana we wu yimbira a yingge, kana we wu yingge a yi wu tunguwe.

⁴¹ Kana we wu yi banabi, dingin twii banabi, yo yiri wei woriri banabi. Pero kana we wu yi nere wu nyaa dingin twii nere wu nyaa yiri wei woriri nere wu nyaa.

⁴² Kana we wu puu gundu naagu wu wiino wu banyina a miringgi bu yoogi kwatimba muwa, n woo sagumbiru jire, yiru wei woriri yei.>>

11

Yohanna tum nuwa bonggo Yesu

¹ Goro pu Yesu mata nyigu kwatimba ya dikacene, a du poo wii a mwati gorondi tu nem a wasigu ciyeu yi jukugu yiringi.

² Pu Yohanna woo jarum a nuu yiringi tu Masiya ninggu, a tum kwatimba ya,

³ ba pira Yesu kin, <<Woo mo wu bagu wii ru? Yikwii yi yam wu kanggu ru?>>

⁴ Yesu sa pma kin, <<Bu waatanga bu sa Yohanna yiringi tu bu nuu wai yi yiringi tu bu koi,

⁵ kerma boo kogu simau, guwongi boo ninggu songmau, babutanga boo yilangu, bapimba boo nuugu simau, nuwa bu bwaanggi wa a wunongu yi piima, pero nuwa boo wasiman ciyei du teng bakuuluwa.

⁶ Yamba diiman wuure pma bu waatan bu yi gorou dingin mi wa.>>

⁷ Pu kwatimba Yohanna wa mwatanga, Yesu toso sagu ciyei nuwa bu kuranggi buri wa a dwii Yohanna, <<Bu ambira sugu ca a gulai? Bu ambira sugu siyang tu cokurok tu wutur mwangu ru?

⁸ Ka yaa yito ne bu twiyongo bu ko ca ki? Nere wu pargi see wu nyaa ru? Yaa yito nuwa bu pari see wu nyaa boo caame balambai.

⁹ Min na, bu twiyongo bu ambira sugu cau? Banabi ru? N woo sagumbiru, yo a gwala banabi.

¹⁰ Wunaa yo Yohanna wu Lakargar Yamba ce ciyei dwii yei kin, <N tummo wei nere tumandi mi gawuriyo yi mo, wii yo cardu wei nyinou dingin bagu mou.>

¹¹ N woo sagumbiru jire a miringgu nuwa bu nurumba bi pma wa, yaa wu gwala Yohanna wu Ning Batisima yi giru. Anda wu banyina a lau ku diyow Yambau a gwala Yohanna yi giru.

¹² Toso jor du Yohanna wu Ning Batisima wasi ciyei, baa dina jore lau ku diyow a tii kuule, nuwa bu bwii wa kasa ba jee yi dimbire.

¹³ Mwa mwa banabindi yi teeringi Musa a ce ciyei dwii lau ku diyow kopo jor Yohanna,

¹⁴ ka bu kasi bu yi ciyei dwii wei, Yohanna woo Iliya, wu banabindi ce bagu you,

¹⁵ Yama nere wii twendi dingin nuugu, ba ka twiyau.

¹⁶ Anda Yesu je gawure yi ciyei kin, <<N cipiranu wei nuwa bu sina daandi yi ca? Pma cika bakwara pisindi nyan lummou. A yiyanggu buri pmai a cegu kin,

¹⁷ <Yi wuu mbiri bagaati, bu kwa sigu kolou!

Yi pii mbiri pii boori, bu kwaa wiye.>

¹⁸ Pu Yohanna baa yaa jee jeendi, yaa naa gundu inabi, anda bu cegu min, yo woo yi wuture.

19 **Bo!** Nere a ba a jegu a naagu, bu cegu min, <Suwa yo woo yi swawu a jegu, a naagu, yo yoogi basin nuwa bu yiri janggal wa, yi nuwa bu yi welem wa.> Anda pwii Yambai jukur kin twii jire a bonggo wurang yei.

Gwei du kwaa leegu jireu

20 Nuwa bu gorondi tu Yesu ninga yiringi riyandi buri tum dwii yaa ku ninga bwiiwau, dingin tono a yerenga gwei dwii.

21 <<Ai mba! Nuwa bu Korasin. Ai mba! Nuwa bu Betsaida! Dingin wurang riyandi buri tu nuwa ninga a miringgi mbiri, ka nuwa na ninga a Taya yi Sidon wei, pma na ninga bwiiwa kilang, na tee gusuringi pero na parni buro dwii pmai!

22 N woo sagumbiru, a nyanggu balu, Yamba nuu wei bunam nuwa bu Taya yi Sidon yiku ba nuu bunam mbiru.

23 Bika nuwa bu Kaparnahum, bu dangani min nuwa dembiri wei diyow ru? Kana banyina, waka nuwa julumbiri wei Hades!* Ka yiringi riyandi buri tu nuwa ningai a bonggo mo, ka na ningwa Sodom wai, reni pma na boo!

24 N woo sagumbiru a nyanggu balu, Yamba nuu wei bunam gwei Sodom yiku ba nuu bunam mbiru.

Bambe bonggo mu bu yorongu

25 A dwii jore Yesu ce kuru kin, <<Mbaa, mo Mbaa Wu Gira wu yi diyow yi sima, n wanamina, dingin mo tuko tina yiringi a bonggo pma bu pwiyanggi wa yi bu yi somandi, anda mo juku bakwara bu nyititi wa.

26 Yito Mbaa, too yiringi ningwa cika ku mo kasu.

27 Mbaa mi nyinggi yiringi mwa mwa. Yaa nere wu som Bwiya wii bur Mbaate, pero yaa wu som Mbaate bur Bwiya wii yi bu Bwiya wii kasa ba juku pma Mbaa yo.

28 <<Bambe bonggo mu, mba bu janganga pero deegi see komburoom wa, n nyii mbir wei yorongu.

29 Bu dee sou garama mu pero bu tilanga bonggo mu dingin n bubuk yi dwii du cinggai, pero bu nyingu wei yoronggu bonggo bawei.

30 Dingin sou garama mu yaa komburoom, see wu n ceri mbiri wei sakirak.>>

12

Pira dwii nyanggu sabadu

1 A dwii jore Yesu songma a koondi alkama nyanggu sabadu, kwatimba ya nuu june pma cora alkama a woo.

2 Ku Parisayo ko, pma sa Yesu kin, <<Suwa! Kwatimba ma ninggu yiri tu teeri yiri jee kin nuwa ba ning ya nyanggu sabadu!>>

3 A leeman pma kin, <<Celeke bu tii bu cegu yiri tu Dawud ninga pu yo nuu june yi basinba songma ya wa ru?

4 Yo diiro Laa Yambau, yo yi barauwa ya pma jee kumaa wu coogi, kana ku teere jee pma ba jee ya, bur kuruwa Yamba wa ba jee.

5 Pero yaa ku bu tii bu cegu miringgi teere Musa kin kuruwa Yamba wa pma pari teere a laa Yambau nyanggu sabadu anda kana yito pma yaa welem.

6 N woo sagumbiru woo yi wu kangge a pina wu gwala Laa Yambau yi giru.

7 Lakargar Yamba ce kin, <Tu n kasi twii nuwa ba juke bunam, twii nyigu nii ne,> ka bu som too yiringi yaa ku bu ningamanu wei nuwa bali min yi welem anda yaa welem.

8 Dingin Bo! Nere twii Mbaa Wu Gira nyanggu sabadu.>>

Yesu mira nere wu wai borgi nyanggu sabadu

9 Pu Yesu du poo wii, a aara diiro gireng kuru pma,

10 woo yi nere wu wai borgi pwii. Pma dwaagu ba nyingga yo yi welem. Pma pira yo kin, <<Teere yiri jee nuwa ba miri ya nere nyanggu Sabadu ru?>>

11 Anda a lee man pma kin, <<Yikwii wii we a cudu mbiri ka puuri yo yanni bou nyanggu sabadu na taa ba yiki we?

12 Anda nere gwala bu puure kwaara ru? Ong teere lee nere ba ninga yiringi tu nyaayi nyanggu sabadu.>>

13 Bur a sa nere wii kin, <<Tari wai mou.>> Nere wii tari wai you, bur wai you waata buri cingcing cika wu kanggu wii!

14 Anda Parisayo a twiyongo twalange palaka ba kasa nyindi su pmai jiru wei Yesu.

Yesu kewe wu Yamba seka

15 Yesu som tu pma kasigu ninggi. Dingin tono a du poo wii, nuwa tum pong yo. A mira pma bu yaa cingcing wa mwa mwa, pma yilanga.

16 A nyii pma dikacene kin, ba ce ya ka yo we wei.

17 Too a twanga yiri tu banabi Icaya ce a dwii yei kin,

18 <<Suwa kewe mi wu n seka.

Wii yo wu n kangman yo, wu dirangin gaanggu.

N diinu wei Bawei mi a miringgi yei, anda yo sar wei jire nuwa bu sima wa.

19 Yaa ku ninggu wei gwela

* 11:23 11:23 Hades pwii pu nuwa bu bwaanggi wa sij miru

kana ba wun miu you a nyindi.

²⁰ Yaa ku penu wei bu yaa cingcing wa, kana ba nuu buu nuwa bu yaa dimbire wa,

kopo ka diini jirei je gawure.

²¹ Anda miringgi din yei nuwa bu sima wa mannu wei ni.

Yesu yi Baalsabul

²² A dwii jore pma demuwe Yesu nere wu kangge wu yi wuturindi twii kermo pero yaa ce ciyei. Yesu mira nere wii palaka ba ko pero ba nuu sima.

²³ Nuwa bwii riyanga buri a pira kin, <<Yikwii woo Yesu Bol Dawud ru?>>

²⁴ Anda ku Parisayo nuwa yi to pma ce kin, <<Mwele, nere wo, woo Baalsabul tibak, bagira wuturindi, a nyii yo dimbire ba yiki wuturindi.>>

²⁵ Anda Yesu kuranga dangandi pmai, yo sa pma kin, <<Kana kono lau ku cwaanga buri rop bagu cere yi buri pmai, ko lau bwii ru wei, yi to mwa yi kana dono gwej kana laa ka cwaani buri bagu cere yi buri pmai wo laa na tin tiyei.

²⁶ Anda ka Balaa Buwai yikir Balaa Buwai, a cwaanga buri yei, a bagu cere yi dwii yei. Lau you ning wei nye ba tin tiyau?

²⁷ Ka n yikigu wuturindi yi dimbire Baalsabul wei, nuwa mba rei? Pma yikiri yi dimbir we? Dingin tono, pma ningi mbiru wei bali.

²⁸ Anda ka n yikiri wuturindi yi dimbiri Bawei Yamba wai, lau Yambau baa dwii mbiri.

²⁹ Bang bang, yaa neru wu puu wei dimma laa nere wu yi dimbire ba dee see yo, kopo ka twali neru wu dimbir wii bati, anda ba puu degu see yo.

³⁰ Nere wu yaa kem yi mi, yo bagu cere yi mi, nere wu kalanggu bu kuranggu, yo weenggu siyau.

³¹ <<Dingin tono n sagumbiru, Yamba paramanu wei sukom welem di nuwa yi kana ca tu bwii tu pma ce wei, anda kana we wu ce ciyei du bwii a dwii Bawei du Walwal, Yamba na paraman yo sukom welem you.

³² Kana we wu ce ciyei du bwii a dwii Bol Nere Yamba paramanu wei yo sukom welem you, anda kana we wu ce ciyei du bwii a dwii Bawei du Walwal Yamba na paraman yo sukom welem you, kana sina daandi kana daandi su baai.

³³ <<Nuwa kuran sou bonggo tutwiyari yei. Ka sou kundi tutwiyari yei ningu wei kundi. Ka sou yaa kundi ne, tutwiyari yei na ningi kundi.

³⁴ Mba coogindi su bwii! Nindu wei nye nuwa bu bwiiwa cika mba ba ce tu kundi?

Yiring tu nere ciyei twiiwei miringgu gaanggu you.

³⁵ Nere wu nyaai ning wurang tu nyaayi, dingin wurang tu nyaayi twiiwei miringgu gaanggu you. Nere wu bwiiye ning wurang tu bwii, dingin wurang tu bwii twiiwei miringgu gaanggu you ku bwii.

³⁶ Anda n woo sagumbiru, a nyanggu balu nuwa nyii wei lee a dwii kana dono ciyei du nyoi du pma ce.

³⁷ Dingin gon ciyei du bu cej pera mbir wei bonggo bali pero twala mbir wei bonggo balu.>>

Somdi Yunana

³⁸ Nyanggu ku kanggu kulumba teeringi wa yi Parisayo pma baanga bonggo Yesu a ce kin, <<Kulume, yi kasi ma juku yir somdi yiri riyandi buri.>>

³⁹ Yesu nyii pma lee kin, <<Mba nuwa bu bwii wa bu sinaa daandi wa, bu yaa gwasu Yamba wa, bu kasi yiri somdi riyandi buri, yaa ku n ningambiri somdi riyandi buri ka gwal tu banabi Yunana.

⁴⁰ Dingin cika ku Yunana woo pwii jingne wu dudu yo nyan daa kunong yi kum kunong, yi to Bol Nere ninggu wei daa kunong miringgu sima nyanggu yi kume.

⁴¹ Nuwa bu Ninebe wa baa tindi tiyandi kem yi mba nuwa bu sina daandi wa a nyanggu ku Yamba ningamanu wei bali nuwa, pma sambiri wei kin bee welem, dingin pma ninga bwiiwa a jor du Yunana wasiman pma ciyei Yambai, nere wu gwala Yunana woo pina.

⁴² Balaa wu nure wu sima bu taadi wa, ba tiro tiyei kem yi mba nuwa bu sina daandi a nyanggu ku Yamba ningamanu wei bali nuwa, yo sambiri wei kin bee welem, dingin yo duwe sima ya kwaara dingin ba baa nuu pwii Balaa Solomon, anda nere wu gwala Solomon woo pina.

⁴³ <<Ka wutur twii buri neri, mwatir pu yaa gundu a kasanggu pu yoronu. Ka yo kingga bu ne,

⁴⁴ yo ba ce kin, <N waatu wei buri a laa mu wu n twiiwe miru.> Ka baa kinggi laa wii candigi, pero menengi yaa tu kanggi,

⁴⁵ bur yo ba waata ba de kapina wuturindi a nibiyo su gwala yo yi tuwe baa ba sindi siyau a pwii. Cwata goro you, pisu nere wii gwala wei pisu you wu gawuriyo yi bwii ge. Tinaa kanda ku nindi wei yi pma nuwa bu bwiiwa bu sina daandi wa.>>

Njaa Yesu yi ciyamba ya

⁴⁶ Pu Yesu woo cegu ciyei yi nuwa tum njaa yo yi ciyamba ya boo pitindi twalange, kasi ba sa ciyei.

⁴⁷ Wu kangge cudu pmai sa Yesu kin <<Njaa mo yi ciyamba ma boo pitindi twalange kasigu ba ce ciyei yi mo.>>

48 Yesu pira kin, <<Njaa mi wii we? Ciyamba muwa bwai bu we?

49 Bur a juka kwatimba ya a ce kin, <<Bu suwa tina njaa mi yi ciyamba muwa.

50 Kana we wu tum dangandi Mbaa mi wu diyow twii ciya mi wu nure yi wu nambare yi njaa mi!>>

13

Balanggu ceu a dwii bajome wu waci duu

1 A nyanggu kwii Yesu duu laa wii a mwati a sin siyau ging kalinggu.

2 Nuwa tum kuranga buri bonggo you, dingin tono a geero konggoru, a sin siyau pwii. Nuwa pma ka pitindi ginggu.

3 A sa pma yiringi tum yi balanggu ciyeu kin, <<Bu ka twiyau! Nere wu kangge a de duu aara wacigu kondo you.

4 Pu woo wacigu duu kwii, goma bu kangga yaramana dwii nyinou, yidi baa kwama.

5 Bu kangga yaramana pu yi swaringi, pu yi swai banyina. A boro kilang kilang dingin swai dwii yaa tum.

6 Anda pu nyanggu biya a kusuwu dingin yaa swandi.

7 Goma bu kangga yaramana pu yi turi, turi twii gira, a kicanga pma.

8 Goma bu kangga dong yaramana sima bu nyaa wa, a biyo a gwala tu nuwa waci daa kuno kunong yi kun nokono, yi woon woon.

9 Yama nere wii twendi dingin nuugu, ba ka twiyau.>>

10 Kwatimba ya baanga pira yo kin, <<Dingin ca ma ce ciyei yi balanggu ciyeu ka ma pirgu yiri nuwa?>>

11 Yesu nyii lee kin, <<Mba, Yamba leembira, bu som tu tukugi tu lau ku diyow, anda bu kangga yaa yito.

12 Kana we wu woo yi tono nuwa cwatamanu wej yo ba ninga tum. Kana we wu yaa yiri dong, kana tu woo yi tonoi nuwa yiyamanu wej yo.

13 Too tu diina n nindi wurai yi ciyei du balanggai,

Dingin pma suwi, anda pma yaa kweeyi. Pma nuwi, anda yaa kar twiyau kana ba kuranga.

14 A twanga tu banabi Icaya ce a dwii pma kin,

Bu ning wej pu nuugu anda bu kurani, Bu ning wej pu suugu anda bu kwei.

15 Dingin nuwa boo gaanggiri pmai cingcing

pero twendi pmai yaa nuu sima, pma lakanga nundu pmai.

Ka yito ne pma kwee wej sima yi nundi pmai,

pero nuu wej sima yi twendi pmai, ba kuranga yi gaanggiri pmai,

ba waatanga bonggo mu palaka n mira pma.>

16 <<Anda wuure bonggo nundi mbiri dingin bu kweeyi pero twendi mbiri nuuwi.

17 N woo sagumbiru jirei, banabindi tum yi nuwa bu nyaa wa tum kasa kogu yiringi tu bu kogu tina anda pma ko bu, a kasa pmai nuu yiringi tu bu nuugu, anda pma nuu bu.

18 <<Yoko bu ka twiyau pitindi ciyei du balanggai dwii bajome a pigu yiru.

19 Goma bu yaramana a nyinou wa twii nuwa bu nuu ciyei lau diyow anda yaa ku kuranga. Bur Balaa Buwai ba a yiyaman siyei a miringgi gaanggu pma.

20 Goma bu dwii swaringi wa twii nuwa bu nuu ciyei dwii, a yiya yoko yoko yi buri degdeg.

21 Anda yake ku yaa swandi ko, yaa ku siya wang. Pu kuulu yi cusugu bammanuwe pma dingin ciyei dwii, yoko yoko pma ba yaranga.

22 Goma bu yaramana miringgi turi wa twii nuwa bu nuu ciyei Yamba, anda dangandi see wu sima yi gina a welenga, a gwala dimbiri ciyei dwii a ja ninggu goma.

23 Goma bu yaramana swai du nyaayi twii nuwa bu nuu ciyei Yamba a kuranga. Wii wu bi goma kuno kunong yi kun nokono, yi woondi a gwala ku nuwa piyau!>>

Ciyei du balanggai a dwii alkama yi kule

24 Yesu nyii balanggu ciyeu ku kanggu kin, <<Lau ku diyow cika bajome wu pii duu ku nyaau a kondou you.

25 Anda ku nuwa boo diima yi kume, bacen yo ba pii kule a miringgi alkama wii a liya mwati.

26 Pu girau a teen goma, kule dwii mwaasi a twiyo.

27 Kewaa nere wu kondou we you anda sa yo kin, <Nere wu gira, tu ma piya twii duu ku nyaau ne ru? Anda na kule wuna twiwe piyau?>

28 <<Bajome wii ce kin, <Twii balente ninga yito!> Pma ce kin, <Yi aanda yi podo ru?>

29 A sa pma kin, <Ka bu ningi yito, bu podo wej alkama.

30 Bu du pma ba giranga kem kopo nyanggu kacigi. N saru wej nuwa wurai wa a jor kacigi dwii pma ba seka kule wii, ba bweenga gwelendi gwelendi ba taa, ba teeni alkama mi a bindou.>>

Ciyei du balanggai a dwii gon mustad

31 Pero Yesu sa pma balanggu ceu du kanggu kin, <<Lau ku diyow cika gon mustad du nere wu kangge de aara piya a kondou you.

³² Kana ku too gon duu du banyinai a miringgi duu mwa mwa, anda ka giri gwali kana kono duu wandi ali, pero ba yoo sou. Yidi baangai ba cwaani cwaaringi pmai a betindi yei.>>

Ciyei du balanggai a dwii yisti

³³ Yesu pero sagu pma balanggu ceu du kanggu kin, <<Lau ku diyoo cika yisti wu nure wu kangge dee tuura yi lemine kunong ku miima alkama wa, miima bwii mwa mwa yoo yisti.>>

³⁴ Yesu ning wurai yi balanggi ciyei pu sagu mwa mwa too yiringi nuwa bu tum bwii. Manggu yaa sar pma ciyei kopo yi balanggu ciyei.

³⁵ A twanga tu banabi ciyei kin:
<<N sa mbiru wei ciyei yi ciyei du balanggai.

N yesa mbiru wei yiringi tu tukugai yake toson taa ruugu simau.

Pitindi ciyei du balanggai a dwii alkama yi kule

³⁶ Bur Yesu du nuwa twalange, a diiro laa wii. Kwatimba ya baanga bonggo yo pma ce kin, <<Kam kam sa yir pitindi balanggi ciyei a dwii kule du kondou dwii.>>

³⁷ Yesu nyii lee kin, <<Bol Nere twii bajome, wu pii duu ku nyaa kwii.

³⁸ Kondou twii sima, mwa mwa, pero duu ku nyaa kwii twii nuwa bu lau ku diyoo wa. Kule wii, twii kwaraa Balaa Buwai.

³⁹ Bacente wu pii kule miringgi alkama wii Balaa Buwai. Nyanggu kacigu twii nyanggu ku cwata gorou, nuwa bu kacigu wa twii bacamandi.

⁴⁰ <<Cika ku nuwa yikiri kule ba taa, nindu wei yito nyanggu ku cwata gorou.

⁴¹ Bol Nere tumo wei bacamandi, pma demanu wei kana we wu diini nuwa ba ninga welem wa, yi wu ning tu bwii a lau you.

⁴² Pero bacamandi swii parnu wei pma par bwalai, pu pma jii wei wiindi yi dumonggu nyiyau.

⁴³ Anda nuwa bu ningi pisu wu nyaau a gawuri Yambai nyilanu wei cika nyanggu a lau Mbaa pmau. Yama nere wii twendi dingin nuugu, ba ka twiyau.

Balanggu ciyei a dwii gina wu tukugi

⁴⁴ <<Lau ku diyoo cika gina wu tukugi a kondou. Pu nere wu kanggi kinggau a pero tukugu, a ninga buri degdeg a aara cuu kana ca tu woo yi tonoi a ten kodou wii.

Ciyei du balanggai dwii gisou

⁴⁵ <<Lau ku diyoo cika, nere wu kasanggu gisi tu nyaai,

⁴⁶ anda ku nyingga gisou kiino ku yi pircu wang, a aara cuu kana ca tu woo yi tonoi a tena.

Balanggu ciyei a dwii lemu

⁴⁷ <<Mwaasi, lau ku diyoo cika, lemdi su nuwa parna you ree kana kono du jindu.

⁴⁸ Pu lem wii twangwa, pma yikuwe a gingu a sin siyandi a seka jindi su nyaayi a parna tacingi pmai, su yaa kundi a par siyei.

⁴⁹ Nindu wei yito nyanggu ku cwata gorou. Bacamandi cwano wei nuwa bu ningi pisu wu nyaau gawuri Yamba wa yi nuwa bu bwii wa.

⁵⁰ Parnu wei pma par bwalai pu pma jii wei wiindi yi dumonggu nyiyau.

Jire wu puce yi wu milga

⁵¹ Yesu pira kin, <<Bu kuranga too yiringi ru?>>

Pma lee kin, <<Ong.>>

⁵² Anda a sa pma kin, <<Too yiri pitindi twii, kana wono kulum teere wu yoo bwiya wu lau ku diyoo, yo cika nere wu laa wayau, wu yikiwe gina wu puci yi wu milgai miringgi kandi tu ruuni see yei.>>

Nuwa kwaa Yesu a gwei yei

⁵³ Pu Yesu mata sagu pma ciyei du balanggai, a du poo wii.

⁵⁴ A waata buri gwei yei. A toso jukugu yiringi nuwa a gireng kuru, nuwa bu nuugu yo wa pma riyanga buri. Pma ninga pira kin, <<Nere woo nyingga too somandi yi yiringi riyandi buri too piyau?

⁵⁵ Too bol kapinta woo ne ru? Njaa yo wii Maryam yi ciyamba ya Yakubu yi Yusupu yi Simon yi Yahuda ne ru?

⁵⁶ Ciyamba ya bu nurumba wa yaa pisindi pina mwa mwa kem yi yo ru? Nere woo nyingga too yiringi piyau?>>

⁵⁷ Pma bwiya gaangu a kwaa yo.

Yesu sa pma kin, <<Banabi kinggi nyiigu giru kana piyau, anda yaa kinggi gwei yei yi laa you.>>

⁵⁸ Yaa ku ninga yiringi riyandi buri tum a pwii, dingin pma lee bu jire.

14

Boori Yohanna wu Ningi Batissima

¹ A dwii jore Hiridus balaa wu Galili, a nuu labar Yesu.

² A sa wula ya kin, <<Wii Yohanna wu Ningi Batissima, a wuni boore, twii tonoi a ninggu too yiringi riyandi buri.>>

³ Dingin conggo you a din nuwa twala Yohanna, cala yi cali a manna jarum. A ninga yito dingin Hirudiya twii nure cija yo Pilibus, wu yo yiki yo.

⁴ Dingin Yohanna ninga pu sagu Hiridus kin, <<Yaa cimacima yi teeri Yambai ma yiki nure cija mo!>>

⁵ Hiridus kasa ba ji yo, anda a nuu gwasi nuwa bu Yudaya wa, dingin pma dee Yohanna twii banabi.

⁶ Nyangu danggugu yi bir Hiridus bol Hirudiya wu nure sii kolo gawuri runnguwa ya mwa mwa. A bwalaman dwii Hiridus

⁷ a ningaman yo alkawal kin, <<N werenga n nyiiminu wei kana ca tu ma senggo!>>

⁸ Njaa yo saa, ba sa Hiridus kin, <<Nyiinggi dwii Yohanna wu Ningi Batisima yoko yoko a pilai!>>

⁹ Balaa gaangu you bwiiwa, anda yake ku ninga alkawal yi wera a gawur runnguwa ya a diin nuwa nyii tu kasai.

¹⁰ Dingin tono a sa nuwa ba mwarwe dwii Yohanna wu Ningi Batisima a jarum.

¹¹ Nuwa dee dwii yei a pilai nuwa nyii bweecanga wii, a deman njaa yo.

¹² Kwatimba Yohanna wu Ningi Batisima wa baanga ba de buri yei aanda tingo, pma mwatanga sa Yesu.

Yesu puu jeendi nuwa tedu nuwo

¹³ Pu Yesu nuu labar Yohanna, a geero konggoru, a aara pu yaa nuwau yo wundu. Ku nuwa nuu tu ningi wa pma twiyo gorondi pma a pee yi mwari pong yo.

¹⁴ Yesu julo konggoru a ko nuwa tum a nuu bunam pmau a mira pma bu yaa cingcing wa pma yilanga.

¹⁵ Pu nyambirangu ninga kwatimba ya baanga bonggo you a see kin, <<Poo wuna tina gulai, yoko nyambirangu ninga. Sa nuwa boo ba aanda gorondi tu nem, palaka ba tenmanuwe buri pmai jeendi.>>

¹⁶ Yesu nyii pma lee kin, <Kopo ba mwatanga ne, anda mba bu nyii pma yiri ba je!>>

¹⁷ Pma see kin, <<Tu yi boo yi tonoi mwa mwa tina kumaa nuwo yi jindi rop tibak.>>

¹⁸ Yesu sa pma kin, <<Bu denguwe pina.>>

¹⁹ A sa nuwa bwii ba sindi siyei, a dwii siyangi. A dee kumaa wu nuwo wii yi jindi su rop swii, a wun dwii diyau, a ninga wandima a gelenga kumaa wii. A nyii kwatimba ya ba cwaanga, pma cwaanga nuwa bwii.

²⁰ Anda mwa mwa pmau je riyanga. Kwatimba ya gamanga buburingi tu nyonai, a twanga tacingi kwap sur rop.

²¹ Kuci nuwa bu je jeendu wa bwii twii nambirmba tedu nuwo yaa muringgi nurumba yi bakwara.

Yesu aari songma a dwii gundu

²² Yoko yoko Yesu sa kwatimba ya ba teendo konggoru ba cwiwongo yerou you, pma du yo anda a sa nuwa bwii ba mwatanga.

²³ Pu nuwa bwii mwatanga, Yesu geero cingu yo wundu dingin ba ce kuru. Kum ninga woo pwii yo wundu.

²⁴ Anda a doo jore konggoru wii ninga kwaara yi gingu you, gwere gundu turonggu pma dingin wuture wii jagu pma songma.

²⁵ Pu kacu ninga, Yesu aara bonggo pmau yi nau a dwii gundi.

²⁶ Pu kwatimba ya ko yo songma dwii gundi pma nuu gwasi, pma ninga duwai kin <<Twii pitingga!>> Pma nuu gwasi wang.

²⁷ Yoko yoko, Yesu sa pma ciyei kin, <<Bu bo gaangu, bu nuuya gwasi, wuna mi!>>

²⁸ Anda Bitrus see kin, <<Mbaa Wu Gira ka woo mo wei sangge n baa bonggo mou n ninga songma gundu.>>

²⁹ Yesu leman yo kin. <<Bame.>>

Bur Bitrus twiyo miringgi konggoru a yanna songma a dwii gundu aara bonggo Yesu.

³⁰ Anda pu ko wutur gundu wii yi dimbire a nuu gwasi a toso jimgu a gundu. A ba kwarama kin, <<Mbaa Wu Gira, mirangge.>>

³¹ Yesu yaki wai you a taa yo ce kin, <<Ma yaa leegu jireu. Dingin ca ma cwaanga gaangu rop?>>

³² Pu pma teendo miringgu konggoru wii, bur wutur wii gwata.

³³ Nuwa bu miringgi konggoru bwii kuraman sima Yesu a cegu kin, <<Manggu ma Bol Yamba.>>

Yesu mira nuwa bu yaa cingcing a Jenesarata

³⁴ Pu pma yerongo kalinggu kwii, pma julongo a Jenesarata.

³⁵ Pu nuwa bu gwei dwii kuranga Yesu, pma tumamin sima bwii mwa mwa. Pma ninga pu degu nuwa bu buri yaa cingcing wa bonggo Yesu.

³⁶ Pma senggo yo ba du nuwa bu yaa cingcing wa ba mwaanga nyan landa you, anda kana we wu mwaanga nyan landa you a yila.

15

Pirgu ningandi kakai

¹ Parisayo bu kangga kem yi kulumba teeringi wa bu baanga Wurcalima wa, pma baanga bonggo Yesu a pira kin,

² <<Dingin ca kwatimba ma yaa pong tu kakaa pir yei? Pma yaa cardi wari ka wunni jegu jeendi!>>

³ Yesu nyii lee kin, <<Dingin ca mba bu par teeri Yambai dingin pu pong ningandi mbiri?>>

⁴ Dingin Yamba ce kin, <Ma nyii giru mbaa mo yi njaa mo,> anda <Kana we wu

semntanga mbaa yo yi njaa yo, nuwa ba jiyoye.>

⁵ Anda mba bu jukuri min nere ba kwaa kalangu mbaa yo yi njaa yo jor du booyi biiki, ba ce kin, kana ca tu n woo yi tonon nyii Yamba.

⁶ Dingin tono bu jukiya min nere ba nyii ya giru mbaa yo, bu kwaa teeri Yambai palaka bu pong ningandi mbiri.

⁷ Mbaa bu yi batal wa! Icaya ce cimacima pu ciyei du baa bonggo Yambai a dwii mbiri, a ce kin,

⁸ <Nuwa booyi nyiingi giru yi nyandi pmai tibak

anda gaanggiri pmai kwaara yi mi.

⁹ Pma kurangi sima nyo, yiringi tu pma jukugu, twii teeringi nuwa tibak!>>>

Yiri tu bwiyani nere ba ninga yaa walwal

¹⁰ Yesu yiwe nuwa bu kurangi buri wa bwii ba baanga bonggo you, a sa pma kin, <<Bu ka twiyau bu kuranga!

¹¹ Yiringi tu diiri nyan neru twii tu diini nere ba ninga yaa walwal ne anda yiringi tu twiiwei nyiyau neru bwiyani nere ba ninga yaa walwal.>>

¹² Kwatimba ya baanga bonggo yo ce kin, <<Ma soma min tu ma ce too a bwiyanan gaangu Parisayo ru?>>

¹³ Yesu nyii lee kin, <<Kana ca tu Mbaa mi wu diyoyi pi bu, nuwa podu wei.

¹⁴ Bu du pma, too nuwa bu taman jwalu kermo wa, anda kermo yaa taman jwalu kermo, dingin mwa pmau yaraman wei booyu.>>

¹⁵ Bitrus ce kin, <<Sa yiri pitindi balangu ciyei du ma ce doo.>>

¹⁶ Yesu sa pma kin, <<Karai kwii bu kuran bu ru?

¹⁷ Bu som bu min kana ca tu diiro nyiyau aari pwii pero ba twii buri du?

¹⁸ Anda yiringi tu twiiwei nyiyau twiiwei miringgu gaangu, too tu diini nere ba ninga yaa walwal.

¹⁹ Dingin a miringgi gaangu dangandi tu bwii twiiwei, jigu neru, taari, taari yi nurumba buru wa, kuwi, seedaki leendi, yi bwiyanggu dinu.

²⁰ Too yiringi diin nere ning yaa walwal. Anda jegu jeendi wari yaa cargi, yaa diini nere ba ninga yaa walwal.>>

Leegu jire nuru wu Kanana

²¹ Yesu du poo wii a mwati sima Taya yi Sidon.

²² Nur Kananiya wa wu bonggondi swii baa bonggo you a wun miu yi duwai kin, <<Mbaa Wu Gira, Bol Dawud, nuu bunam mu, bweecanga mi woo yi wuturindi a cusugu.>>

²³ Anda Yesu yaa ku sa yo ciyei Kwatimba ya baanga bonggo you senggo a ce kin, <<Kee ba mwati! A ponggu yiru ninggu duwau!>>

²⁴ Yesu nyii lee kin, <<Nuwa tunguwe bonggo nuwa bu Israila yi wundu bu cika puuri su liyangai wa.>>

²⁵ Nure wii baa kun kwiyei gawuri yei ce kin, <<Mbaa Wu Gira kalangge.>>

²⁶ Yesu lee kin <<Yaa kundi nuwa ba de jeendi bakwarai ba nyii baindi.>>

²⁷ A nyii lee kin, <<Mbaa Wu Gira, too jire, kana baindi jee tu ywiyongo bonggo nere yo.>>

²⁸ Yesu nyii lee kin, <<Ma yoogi nure wu yi leegu jirau! Nuwa ningaminu wei tu ma kasugu.>> Kinangu kwii bweecanga yo yila.

Yesu mira nuwa tum

²⁹ Yesu du poo wii a mwati kalangu ku Galili. A gero cingu sin siyei.

³⁰ Nuwa tum baa bonggo you dee guwongi yi kermo yi nere wu mwar borgi, yi bapime yi nuwa bu buri pmai yaa cingcing a bonggo Yesu, a mira pma, pma yilanga.

³¹ Nuwa bwii riyanga buri pu pma ko bapime cegu ciyeu, guwongi a yila, nere wu mwar borgi a songma, kermo kogu sima. Buri pma terenga Yamba wu Israila.

Yesu puu jeendi nuwa tedu nii

³² Yesu yiwe kwatimba ya a sa pma kin, <<N nuugu bunam nuwa booyi, dingin pma ninga daa kunong kem yi mi anda yi yaa jeendi tu yi jei, n yaa kasi baa mwatanga yi june, ko mwa ba jaanga songma nyinon ka wuni mwatangu.>>

³³ Kwatimba ya pira kin, <<Yi nyingga wei jeendi tum piyau pina gulai tu yirmanu wei nuwa bu tum booye?>>

³⁴ Yesu pira pma kin, <<Bu booyi kumaa sono?>>

Pma nyii lee kin, <<Yi booyi kumaa a nibiyo yi jindi banyina.>>

³⁵ Yesu sa nuwa bu tum bwii kin ba sindi siyendi sima.

³⁶ A de kumaa wu nibiyo wii yi jindi swii a wananga Yamba, a gelenga nyii kwatimba ya, kwatimba ya cwaanga nuwa bwii.

³⁷ Pma jee riyanga mwa mwa.

Kwatimba ya kuranga bubiringi tu nyonai a twanga tacingi nibiyo.

³⁸ Kuci nuwa bu je jeendi wa lam tedu nii, yaa miringgi nurumba yi bakwara.

³⁹ Goro pu Yesu tum pma mwatanga, a diiro konggoru a yeri bonggondi Magadan.

16

Nuwa Kasigu somdi yiringi riyandi buri

¹ Parisayo bu kangga yi Sadukayo pma baanga bonggo Yesu palaka ba cuu yo, pma see kin, <<Juku yiri somdi yiri riyandi buri, ka ma baa diyou Yamba wai.>>

² Anda Yesu nyii pma lee kin, <<Ka nyambiranggu ningi, bu ce min, <Sima ningu wei teng dingin diyou ninga wing.>

³ Pero yi pinu bu ce min, <Gundu yaru wei, dingin diyou ningi wing pero ninga pitipiti!> Bu kurani tu ningdu wei diyou, anda bu jaanga kuranggu tu ningdu wei a daandi su yokoi.

⁴ Mba nuwa bu bwii wa bu sinaa daandi wa, bu yaa gwasi Yamba wa, bu kasi yiri somdi riyandi buri, yaa ku n ningambiri somdi riyandi buri ka gwal tu banabi Yunana.>>

Bur Yesu a du pma mwati,

Yisti Parisayo yi Sadukayo

⁵ Pu kwatimba ya yerongo kalinggu kwii, pma mondo ba de kumaa.

⁶ Yesu sa pma kin, <<Bu ruun tuwe, yi yisti Parisayo yi Sadukayo.>>

⁷ Pma toso gwela yi buri pmai kin, <<A ce yito dingin yi dee bu kumaa kana banyina.>>

⁸ Yesu som tu pma cegi, dingin tono a pira pma kin, <<Dingin ca bu ninggu gwela yi buri mbiri min bu yaa kumaa? Leegu jirau mbiru banyina!

⁹ Lama yoko bu kuran bu ru? Bu dangga bu yi kumaa nuwo wu n jee nuwa tedu nuwo wo ru? Bu kuranga tacingi twangi sono?

¹⁰ Kumaa nibiyo wu n jee nuwa tedu nii woo dong dei? Bu twanga tacingi sono?>>

¹¹ Dingin ca bu yaa kurani min n yaa cegu kumaa? Bu swera buri mbiri bonggo yisti Parisayo yi Sadukayo.>>

¹² Kwatimba ya bwii kuranga kin yaa cegu kin ba swera buri pmai bonggo yisti wu miringgi kumaa anda bonggo yiringi tu Parisayo yi Sadukayo jukur.

Ciyei Bitrus a dwii Yesu

¹³ Pu Yesu mwati gwei Kaisariya du Pilipi, a pira kwatimba ya kin, <<Nuwa ciyei kin Bol Nere we?>>

¹⁴ Pma lee kin <<Bu kangga ce kin ma yoogi Yohanna wu Ningi Batisima, bu kangga kin ma Iliya, bu kangga kin ma Irmiya yikwii ma wu wiino miringgi banabindi.>>

¹⁵ A pira pma kin <<Anda mba, bu ce min, mi we?>>

¹⁶ Simon Bitrus lee kin, <<Ma Masiya, Bol Yamba wu yi piima.>>

¹⁷ Yesu leeman yo kin, <<Ma yoogi wu yi wuure Simon bol Yunana, dingin woo jire

yaa ku baa bonggo neru. Mbaa mi wu diyou a juku mina.

¹⁸ Yoko n sagu mou, ma Bitrus, (pitindi yei twii sweli.) * Ma yoogi sweli du n moru wei ikkilisiya mi, kana boore na gwali.

¹⁹ N nyiiminu wei tu wundi nyinoi lau ku diyou, kana ca tu ma kwee a sima, a kwauwa a diyou, tu ma pera a sima, a perwa a diyou.>>

²⁰ Goro yito Yesu sa kwatimba ya kin, ba sari ya kana we kin yo Masiya.

Yesu ce booru yei

²¹ A toso dwii jore Yesu toso sagu kwatimba ya dak kin, <<Tagi n angge Wurcalima n tii kuule wundu wundu bonggo bagiraa Yudaya wa yi bagiraa kuruwa wa yi kulumba teeringi wa. Tagi nuwa jinggu wei, anda nyangu ku kunong, yo wuni wei yi piima.>>

²² Bitrus wuu yo bonggo a toso yerenggu kin, <<Mbaa Wu Gira! Too na nindi yi mo!>>

²³ Yesu waka kau sa Bitrus kin, <<Lamana bonggo mu Balaa buwai! Ma yoogi sweli puti, too dangandi baa bu bonggo Yambau, anda bonggo neru.>>

²⁴ Yesu sa kwatimba ya kin, <<Kana we ka kasi ba pongge, tagi ba kwaa buri yei, ba de yeu you ba pongge.

²⁵ Kana we wu kasi ba mira piima ya mandu wei siyau, anda kana we wu mansi yei piima ya dingin mi nyinggu wei.

²⁶ Tu nere pulu wei ca ka nyinggi yiringi tu sima mwa mwa anda nyingga bu piima ne? Tu nere nyii wei ca ba waka piima ya.

²⁷ Dingin Bol Nere baa wei yi yilau Mbaa yo yi bacamandi yei, pero nyii wei kana we woriri cimacima yi yiri tu ningai.

²⁸ N woo sagumbiru jire bu kangga boo pitindi pina, yaa ku bwaanu wau kopo ka kwee Bol Nere bagu yi lau you.

17

Buri Yesu waku wa

¹ Goro daa nokono Yesu de Bitrus yi Yakubu yi ciya yo Yohanna a geendo cingu ku getenteng pma yi wundu pmaw.

² Pu pma boo pwii Yesu wakuwa, kau you a nyilanggu cika nyangu, see yo ninga populok rang.

³ Bur kwatimba Yesu wa bu kunong wa bwii ko Iliya yi Musa baanga toso cegu ciyei yi Yesu.

⁴ Bitrus sa Yesu kin, <<Mbaa Wu Gira a ninga yiro kundi ku yi boo pina! Ka ma lei n menenu wei cukuringi kunong, diino dingin mo, diino dingin Musa, diino dingin Iliya.>>

* 16:18 16:18 Pitindi din Bitrus twii sweli

⁵ Pu woo cegu ciyei, buri tinene du nyilani baa summo pma, pero miu twiwe tinene dwii kin, <<Tina Bol mi wu n kangni, wu dirangin gaanggu, Bu nuu yo!>>

⁶ Pu kwatimba ya bwii nuu miu kwii pma nuu gwasi wang pma gonjo kau sima.

⁷ Yesu baa bonggo pmau a mwaanga pma a ce kin, <<Bu wunongo, Bu nuu yaa gwasi!>>

⁸ Pu pma wun dwiyongi pma ko bu kana we bur Yesu.

⁹ Pu pma julonggu cingu kwii Yesu sa pma kin, <<Bu sar ya kana we tu bu koi kopo ka Bol Nere wuni boore.>>

¹⁰ Kwatimba ya pira yo kin, <<Dingin ca kulumba teeringi wa ce kin tagi kopo ka Iliya waatai bati anda Masiya ba baa?>>

¹¹ Yesu nyii lee kin, <<Manggu Iliya baa wei, pero waata wei kana ca mwa mwa.

¹² Anda n woo sagumbiru Iliya gicila baa, nuwa yaa ku kuranga yo, pma ningaman yo kana ca tu pma kasai, Yito mwaa Bol Nere aari tigu kuulu a wari pmai.>>

¹³ Buri kwatimba ya kuranga kin a cegu ciyei dwii Yohanna wu Ning Batisima.

Yesu yiki wuture a buri babwiyai

¹⁴ Pu pma waatanga buri bonggo nuwau, nere wu kangge baa bonggo Yesu, a kun kwiyowu bonggo you.

¹⁵ A ce kin, Mbaa Wu Gira, nuu bunam bol mu! Yi toki pero a tigu kuuli wang, sii yarunggu bwalau yi gundu.

¹⁶ N demuwe kwatimba ma anda pma jaanga mirgu.>>

¹⁷ Yesu nyii pma lee kin, <<Mba nuwa bu yaa leegu jire wa yi nuwa bu bwiiwa! N singgu wei siyei yi mba kopo pene? N tari wei kanadi yi mba kopo pene? Bu nyiingu wei bwiya woo pina!>>

¹⁸ Yesu yera wutur wii, a twiyo buri bwiya wii swii kinangu a yila.

¹⁹ Bur kwatimba Yesu baanga wulak pira yo kin, <<Dingin ca yi jaanga yikugu wutur wii?>>

²⁰ Yesu nyii lee kin, <<Dingin leegu jire mbiru banyina, n sagumbiru jire ka bu boo yi leegu jire banyina cika gon mustad, bu saru wei cingu kina min, <Mwati pina ma amna pwii!> Mwatir wei. Yaa tu bu puu ninggi.

²¹ Koo duu wutur yaa twii kopo yi kuru yi cooji.>>*

Yesu ce ciyei dwii boori yei dong

²² Pu mwa mwa kwatimba ya kuranga buri Galili, Yesu sa pma kin, <<Nuwa curu wei Bol Nere a war nuwai,

²³ Nuwa jiru wei, anda goro daa kunong wunu wei boore.>> Anda kwatimba bwiyanga gaanggu wang.

Yagu janggal a Laa Yambau

²⁴ Pu Yesu yi kwatimba ya baanga Kaparnahum, nuwa bu yiri janggal Laa Yambau baanga bonggo Bitrus pira kin, <<Kulum mbir yar janggal wu Laa Yambau ru?>>

²⁵ Bitrus lee kin, <<Ong.>>

Pu Bitrus waata miringgi lai, Yesu ninga pira kin., <<Wu yar janggal balamba we? Nuwa bu sima bwii ru? Rungguwa ru? Ma ce min ca Bitrus?>>

²⁶ Bitrus nyii lee kin, <<Tu yar Rungguwa.>> Yesu lee kin, <<Kundi, ma cegu min nuwa bu sima boo pma yaa yari.

²⁷ Anda n yaa kasi yi welaman nuwa boo. Dingin tono mwati you ma manni godim. Ma wuwe, jinde wu ma taa, a nyiyau yau ma nyingu wei kene du yinno yagu janggal, ma dee, ma ya pma janggal yire.>>

18

Wu gwala yi gira a lau ku diyowu we?

¹ A dwii jore kwatimba Yesu wa baanga bonggo you a pirgu kin, <<Wu gwala yi gira we a lau ku diyowu?>>

² Yesu yiwe babwiya wu banyina a ruwo cudi pma

³ a ce kin, <<N woo sagumbiru jire kopo ka bu waka buri bu yoo cika babwiya wu banyina, ka yito ne, yaa wu diru wei lau ku diyowu.

⁴ Dingin tono kana we wu cingo dwii yei cika babwiya wu banyina, yoo wei wu gwala yi gira a lau ku diyowu.

⁵ Kana we wu yi babwiya banyina cika wuna dingin din mi, a yingge.

Yiringi tu dee welem

⁶ <<Anda kana we wu diini wu wiino miringgi bu nyititi, bu puu jire yi mi wa ba yaranga a welem, kujang nuwa ba kwangman yo nii du duuyi a kwii ba manna miringgi kalinggu ba bwaa.

⁷ Toq yiri bunam a sima, dingin nyindi welem tagi ba baa, anda yoo wei yiri bunam a bonggo nere wu de yari.

⁸ <<Ka wai mau yi naa mau diiminu wei welem wai, ma mwar ya, ma man siyei! Kujang ma nyingga piima bu yaa matigu wa, yaa wari yi mwari yi ku nuwa manu wei mwa mwa wari mai yi mwar mai miringgu bwalau ku yaa dumdu.

⁹ Ka nung mo diimini wei welem wai, podo ma man siyei! Kujang ma nyingga piima yi nung wiino yi ku nuwa manminu wei yi nundi rop a bwalau ku yaa dumdu.

* 17:21 17:21 Yaa kana wono lakargar wu murni bonggo ciyei 21.

Balanggu ciyei a dwii puure wu liya

¹⁰ <<Suwa kii, bu cedi ya kana we cudu bu nyititi boo. N woo sagumbiru bacamandi pmai su diyow kana pene pene boo gawuri Mbaa mi wu diyow.

¹¹ * Bo! Nere baa dingin ba mira pma bu liyanggi wa.

¹² Bu dangani min? Ka nere wu kangge woo yi puuri woon anda wu wiino liyari, na dur su kun toro sur toro swii a taagu taawu a cingu, ba mwati ba kasanga puure wu wiino wu liya wii ru?

¹³ Ka nyingai, n sagumbiru jire ninggu wej buri degdeg a dwii puure wiino wii gwalu wej su kun toro sur toro su liyani bu swii.

¹⁴ Yito mwaasi, Mbaa mbire wu diyow yaa kasi kana wiino miringgi bu nyititi boo ba liyanga.

Bagon mo wu ningamin welem

¹⁵ Ka bagon mo ningamin welem, ma amna bonggo you ma juku yo liyari yei, dwii mbir rop tibak. Ka kar twiyau ma mira bagon mo.

¹⁶ Anda ka, ka bu twiyau ne ma de nere wiino kana nuwa rop kem yi mo, palaka kana ca tu ma see ba yoo jire a cudu nuwa rop kana kunong bu twii seedaki bwii.

¹⁷ Pero ka kwa kagu twiyau ma dee bonggo ikkilisiya, ka kwaa kagu twiyau ikkilisiya, bu dee twii nere wu som bu Yamba yi nere wu yiri janggal.

Tu nuwa kwee yi tu nuwa pera

¹⁸ <<Pero n woo sagumbiru jire kana ca tu bu kwee a sima a kwauwa a diyow tu bu pera a sima a perwa a diyow.

¹⁹ <<Bambang n cwatugu sagumbiru, kana pene pene ka nuwa rop cudu mbiri neki dwii a pinaa sima, ce kuru a dwii kana ca Mbaa mi wu diyow ninga mbiru wej.

²⁰ Dingin pu nuwa rop kana kunong kuranga buri yi din mi, n woo kem yi pma.>>

Balanggu ciyei a dwii kewe wu yaa par sukum

²¹ Bur Bitrus baa bonggo Yesu a pira kin, <<Mbaa Wu gira, n paramanu wej bagon mi sukum daa sono, ka ninga ngin welem? Daa nibiyo ru?

²² Yesu nyii lee kin, <<Yaa yito, yaa daa nibiyo, anda kun nibiyo daa nibiyo.

²³ Dingin tono lau ku diyow cika balaa wu kangge wu kasi ba suwa gina yo wu bonggo kwaa ya.

²⁴ Pu toso sugu, nuwa demuwe yo kewe yo wu pong talenti tedu kwap.†

²⁵ Kewe wii yaa ku pu bu yagu cin dwii, dingin tono nere wu gira yo wii a diina nuwa ba tee ba cuu yo kem yi nuru yo yi kwaraya yi mwa mwa yiringi tu woo yi tonoi ba ya cine dwii.

²⁶ Kewe wii a yara kun kwiyow yi dinendi a gawuri balaa a ce kin, <Ninga kanadi yi mi, n senggu mau, n yaminu wej kana ca!>

²⁷ Nere wu gira yo wii nuu bunam you, a duu cin dwii, a dwiya mwati.

²⁸ Bur nere wii baa kaanga yi basin wurai yo wu kangge wu pong yo dinari woon. A tee kwii a cegu kin, <Yangge cine mi!> ‡

²⁹ Basin wurai yo a kun kwiyow yi dinendi a gawuri yei a senggo kin, <Ninga kanadi yi mi, n yaminu wej!>

³⁰ Anda a kwaa, waka a dee manna jarum kopo ku ya yo cine yei.

³¹ Ku kewaa bu kangga bwii ko tu ning wai gaanggir pmai bwiiwa, pma aanda sa nere wu gira pma kana ca tu ning wai.

³² Nere wu gira yo wii yiwe kewe wii a see kin, <Ma kewe wu yi tuwe, n yapa min cine mai mwa mwa, dingin ma senggge.

³³ Daabu na ma nuu bunam bagon mo kewe cika ku n nuu bunam mau ru?>

³⁴ Nere wu gira yo wii suko wang, a manni kewe wii jarum, nuwa ba turongo kopo ka yar cine dwii mwa mwa.>>

³⁵ <<Too tu n Mbaa mi wu diyow ninga manu wej kana wono mbire kopo ka bu paraman sukum kambaa yi gaanggu kiino.

19

Jigu laabwiya

¹ Pu Yesu mata cegu too yiringi, a du Galili mwati sima Yudaya bonggo wu kangge wu you ku Urdun.

² Nuwa tum pong yo pwii a mira pma yilanga.

³ Parisayo bu kangga baanga bonggo you ba cuu yo, pma pira kin, <<Teere lee kin nere ba ji laabwiya nure yo dwii kana ca ru?>>

⁴ A nyii lee kin, <<Bu ce bu tu balgi ru? <Yake toson taawu Yamba ruu pma nambare yi nure,>

⁵ pero a ce kin, <<Dingin tono nere dur wej mbaa yo yi njaa yo ba neca buri yi nure yo pma bu rop boo yoo wej buri kiino.>

⁶ Pma yaa rop mere anda buri wiino. Dingin tono tu Yamba neca nere ba cwaani ya.>>

* **18:11 18:11** Yaa kana wono lakargar wu murni bonggo ciyei 11. Cika Luka 19:10 † **18:24 18:24** Talentu tedu kwap, tum you lam ken wurai neri, nyan mi ja kuna rop a dwii jore ‡ **18:28 18:28** Dinari twii ken wurai neri a nyan kiino a dwii jore

⁷ Pma pira kin, <<Dingin ca Musa sa pma kin nere ba nyii nure yo lakargar jigu laabwiya anda ba mana?>>

⁸ Yesu nyii lee kin, <<Musa leembira bu ji laabwiya nurumba mba dingin gaanggir mbiri cingcing. Anda gwak yaa yito yake taa you.

⁹ N woo sagumburu min, kana we wu man nure yo ka yaa dwii taari ne, ka yikir nure wu kangge a ninggu taari yi yo.>>

¹⁰ Kwatimba ya see kin, <<Ka cudu nure yi bwiyaate yito wei, kujang nere ba ningi yaa laabwiya.>>

¹¹ Yesu sa pma kin, <<Yaa kana we wu lee wei yi doo ciyei, kopo pma bu Yamba kalanga pma wa.

¹² Bu kangga ninga bu laabwiya dingin twii pole, nuwa bi pma yi twii, bu kangga nuwa diin pma, pero bu kangga dingin lau ku diyoyou. Anda kana we wu lee wei yi do ciyei, ba lee yi tono.>>

Bakwaraa yi Yesu

¹³ Nuwa bu kangga dee bakwaraa bu nyititi wa bonggo Yesu ba cerman pma wari ba ceman pma kuru. Anda kwatimba ya yera pma bu dee bwii.

¹⁴ Yesu ce kin, <<Bu du bakwaraa bu nyititi wa ba baanga bonggo mu bu jari ya pma, dingin lau ku diyoyou kwii ku pma bu cika bakwaraa wa.>>

¹⁵ Pu cerman pma wari, a mwati.

Bwiya wu yi gina

¹⁶ Nere wu kangge baa bonggo Yesu a pira kin, <<Kulume, tu nyaayi yei ca tu ninggu wei palaka n nyingga piima bu yaa matigu wa?>>

¹⁷ Yesu nyii lee kin, <<Dingin ca ma pirangge tu nyaayi? Wu nyaa wiino tibak, ka ma kasi piima bu yaa matigu, ma ninga pongondi yi teeringi.>>

¹⁸ Nere wii pira kin, <<Twii, tono?>>

Yesu nyii lee kin, <<Ma jiri ya nere, ma ningi ya taari, ma ningi ya kuwii, ma nyii ya seedaki leendi,

¹⁹ ma nyii giru mbaa mo yi njaa mo, pero ma kangman bapun mo cika buri mai.>>

²⁰ Nere wii ce kin, <<N pong too teeringi mwa mwa, tu nyona ca?>>

²¹ Yesu nyii lee kin, <<Ka ma kasi ma yoo nere wu twanga wei, mwati ma cuu gina mo ma cwaanga bakuuluwa, ma nyingga wei gina a pwii diyoyou Yambau. Anda ma baa ma pongguwe.>>

²² Pu bwiya wii nuwa yito, a mwati yi bwiya gaanggu, dingin yi gina wang.

²³ Yesu sa kwatimba ya kin, <<N sagumburu jire, ning wei buu wang nere wu yi gina ba diiro lau ku diyoyou.

²⁴ Pero n sagumburu, ning wei lee lee nggela ba diiro bou lippirau, yi ku bagina ba diiro lau Yambau.>>

²⁵ Pu kwatimba ya nuwa yito, pma riyanga buri wang pero a pira kin, <<Ka yito wei wu nyingga wei mirma we?>>

²⁶ Yesu suwa pma a ce kin, <<Too gwala dimbiri neri, anda yaa tu gwala dimbiri Yambai.>>

²⁷ Bitrus lee kin, <<Yi du kana ca yi pongmina. Tu yi kinggu wei ca?>>

²⁸ Yesu sa pma kin, <<N sagumburu jire, jor du kana ca waatu wei buri puci, pero pu Bo! Nere siinu wei candu lau you ku yi yilau, mba bu ponggu wa bu siinu wei cannindi lauri kwap sur rop bu ningamanu wei bali duuri kwap sur rop tu Israila.

²⁹ Anda kana we wu du laandi kana ciyamba bu nambiramba kana nurumba wa, kana mbaate kana njaate kana kwaraa kana koondi dingin mi nyingga wei tum you daa woon pero nyingga wei piima bu yaa matigu wa.

³⁰ Anda nuwa tum bu gawuriyo wa, yoo wei bu goroyo wa, pero nuwa tum bu goroyo wa yoo wei bu gawuriyo wa.

20

Balangu ciyei a dwii bawura

¹ <<Lau ku diyoyou cika nere wu yi kondou wu twiyo yi pinu kilang a nyii nuwa wurai a kondou you.

² A nuwanga yaru wei pma dinari a nyanggu, a teni pma kondou you.

³ <<Ku jor du toro ninga a twiyo a ko bu kangga pisindi lummo yaa tu ninggi.

⁴ A sa pma, <Mba mwa bu ambira bu ninga wurai a kondou mu, n ya mbiru wei tu daayai.>

⁵ Dingin tono pma aanda ba ninga wurai a kondou wii.

<<Yo pero mwati yi cudi nyanggu yi jor du kunong dong, a ninga cika ku conggo nuwanga.

⁶ Pu jor du nuwo wu nyambiranggu ningau, pero a twiyo a nyingga bu kangga pitindi. A pira pma kin, <Dingin ca bu pitindi pina yaa tu bu ninggi nyanggu mwa mwa?>

⁷ <<Pma nyii lee kin, <Yaa nere wu dee yiro wurai.>

<<A sa pma kin, <Mba mwaasi bu ambira bu ninga wurai a kondou mu.>

⁸ <<Pu nyambiranggu ningau nere wu kondou weyou yiwe nere wu sugu kondou a see kin, ba yiwe nuwa bu ninggu wurai bwii, toso bu baa yi gorou wa a bee bu gawuriyo wa.>

⁹ <<Nuwa bu toso wurai jor du nuwo wu nyambirangu pma baanga nuwa nyii pma dinari.

¹⁰ Dingin tono bu nuwa nyii wurai gawuriyo wa, pma baanga dangani kin nuwa yaru wei pma tum gwala wei bu goroyo wa. Anda kana wono pmo nuwa nyii dinari.

¹¹ Pu nuwa nyii pma nyina, pma toso jangga ceu bonggo nere wu sima boo ya.

¹² Pma ce kin, nuwa bu baa yi goru boo pma ninga wurai nyan jor du wiino anda bu ya yiro kiino yi pma yo bu yar nyangu wurai wa.>

¹³ <<A sa wu kanggi pma kin, <Basin mi, yaa ku n ninga dwal jire, Ma lee bu min ma ninggu wei wurai nyan dinari ru?

¹⁴ Ma yi tu nuwa ya mina ma mwatanga. N kasi n ya nere wu baa yi goru yito mwaasi cika ku n ya mina.

¹⁵ N puu ninggu tu n kasi yi ken mi ru? Ma ninggu bwiiu dingin mi nii ru?

¹⁶ <<Dingin tono, nuwa bu goroyo wa, yoo wei bu gawuriyo wa, pero nuwa bu gawuriyo wa yoo wei bu goroyo wa.>>

Yesu ce ciyei a dwii boori yei ku kunong

¹⁷ Pu Yesu woo mwatugu Wurcalima, a de kwatimba ya bu kwap sur rop bwii a bonggo a sa pma kin,

¹⁸ <<Yi mwatangu Wurcalima anda nuwa cuuru wei Bol Nere bonggo bagiraa kuruwa yi kulumba teeringi wa. Pma mwarmanu wei yo bal boori,

¹⁹ ba nyii yo war nuwa bu yaa yoogi nuwa bu Yudaya wa, pma ningamanu wei yo nyasi, waciru wei pero piini wei yeu. Nyangu ku kunong wuni wei yi piima.>>

Senggo njaa Yakubu yi Yohanna

²⁰ Goru yito njaa kwaraa Sabadi baa gawur Yesu kem yi kwaraa ya a kun kwiyei a senggo yo ba ningaman yo yiri tu kanggi.

²¹ Yesu pira kin, <<Tu ma kasigu ca?>>

A see kin, <<Ma nyii kwaraa muwa bu rop binaa pisu wu nyaayi a lau mau, wu wiino a wai mau wu jeu wu kangge a wai mau wu miyu.>>

²² Yesu sa pma kin, <<Bu som bu tu bu senggu. Bu puu wei tigu kuule wu n tii wei ru?>>

Pma leeman yo kin, <<Yi puu wei.>>

²³ Yesu sa pma kin, <<Bu tii wei kuule wu n tii wei. Anda n yaa dimbire n seka wu sinu wei wai wu jeu mu kana wai wu miyu mu. Soo pisindi kopo bu Mbaa mi meneman pma wa.>>

²⁴ Ku kwatimba bu kwap bwii nuwa yito pma sukongo yi ciyamba bu rop bwii.

²⁵ Yesu yiwe pma mwa mwa a ce kin, <<Bu soma nuwa bu jeegi lau dwii nuwa bu yaa yoogi nuwa bu Yudaya wa jukur

nuwa pma lau pero bagiraa pma jee lau dwii pmai.>>

²⁶ Anda yaa yito yi mba. Wu kasi ba yo wu gira a cudi mbiri, ba yoo kewe mbire.

²⁷ Kana we wu kasi ba yoo wu gawuriyo tagi ba yoo kewe mbire,

²⁸ cika ku Bol Nere baa bu nuwa ba yoo kewaa ya anda a baa ba yoo kewe nuwa pero ba nyii piima ya, palaka ba mira nuwa tum.

Kerma rop ko sima

²⁹ Pu Yesu yi kwatimba ya dugu Yeriko, nuwa tum pong pma.

³⁰ Kerma rop pisindi gingu nyinou, pu nuwa kin Yesu cwiigu, pma ninga duwai kin, <<Mbaa Wu Gira, Bol Dawud, nuu bunam yiru!>>

³¹ Nuwa bu kurangi buri bwii a yera pma ba sin siyendi tok, anda pma cwata duwai kin, <<Mbaa Wu Gira, Bol Dawud nuu bunam mu.

³² Yesu a tin tiyau a yi pma, a sa pma kin, <<Tu bu kasi n ningambira ca?>>

³³ Pma leeman yo kin, <<Mbaa Wu Gira yi kasi yi ko sima.>>

³⁴ Yesu nuu bunam pmaw, a mwaanga nundi pmai. Yoko yoko pma ko sima, pma pong yo.

21

Yesu aara Wurcalima

¹ Pu Yesu yi kwatimbaya ninga nem Wurcalima pma baanga gwei Betpaji a dwii Cing Souri Setun, Yesu tum kwatimba ya rop,

² a sa pma kin, <<Bu ambira gwei du gawuri mbiri, ka bu tengma bu kwee wei bakoro twalgi pwii, yi twiyaa yo bonggo you. Bu pera bu dengguwe,

³ Ka kana we sambir ciyei, bu see min, <Mbaa Wu Gira kasigu.> dumbiri wei bu dee yoko yoko.

⁴ Toq yiringi ningwa, palaka ba twanga tu banabi ce,

⁵ <<Bu sa nuwa bu Wurcalima min,

<Bu ko, balaa mbire baaggu yi dwii du cinggai geenggi a dwii bakoro, a dwii twiyaa bakoro.>>

⁶ Kwatimba ya bwii mwatanga ninga cika ku Yesu sa pma.

⁷ Pma dee bakoro yi twiyaa bakoro, pma kenaman gatanggamandi pmai dwii bakori swii, Yesu sijana dwii gatanggamandi twii.

⁸ Nuwa tum ninga pu kenenggu gatanggamandi pmai a nyinou a gawuri yei, anda bu kangga pma kaca yendi souri a kenamana nyinou.

⁹ Nuwa tum bu gawuri yei wa yi bu ponggu yo goru wa, pma ninggu duwai kin,

<<Yi teranga bol Dawud!

Wuure bonggo yo wu bagu miringgi din
Mbaa Wu Girai.

Yi teranga Yamba wu woo diyow.>>

¹⁰ Pu Yesu diiro Wurcalima, mwa mwa gwej dwii piro, a ninggu pira kin, <<Woo we?>>

¹¹ Nuwa bu tum bwii nyii lee kin, <<Woo Yesu banabi wu baa Nasaret du Galili.>>

Yesu miringgi Laa Yambau

¹² Yesu diiro Laa Yambau a kekenga nuwa bu cuugu yi tenggu yiringi wa a pwii. A sukaman siyau tebur nuwa bu waki ken wa, yi pisindi nuwa bu cuugu bamori Masar wa.

¹³ A sa pma kin, <<Balg, laa mu nuwa yiri wei kin, laa kuru, anda mba bu dee bu yoo laa kuuwau.>>

¹⁴ Kermo yi guwongi baanga bonggo yo a laa Yambau, a mira pma yilanga.

¹⁵ Pu bagira kuruwa yi kulumba teeringi wa ko yiringi riyandi buri tu ningai pero nuu tu bakwara bu ninggu buri degdeg a miringgi laa Yambau cegu kin, <<Yi teranga Bol Dawud, Hossana!>> Pma sukongo.

¹⁶ Pma pira kin, <<Ma nugu tu bakwara boo cegu ri?>> Yesu nyii lee kin, <<Ong, yaa ku bu ce miringgu lakargar ru? <Wii mo ma juku bakwaraa bu nyititi wa yi bweegaa ba tera mina.>>>

¹⁷ A du pma mwati gwej Betani a daa pwii.

Yesu semtanga sou pwalgu

¹⁸ Yi pinu kilang, pu waatigu gwej Yesu nuu june.

¹⁹ A ko sou pwalgu ku kanggu a nyinou a aara bonggo you anda yaa tu nyinggai bur wandi. Bur a ce kin, <<Yama ma peri ya twiyagu mere!>> Buri sou kwii kusuwa kinangu.

²⁰ Pu kwatimba ya ko yito pma riyanga buri. Pma ninga pira kin, <<A ningwa nye sou pwalgu koo kusuwa kinengu yito?>>

²¹ Yesu nyii pma lee kin, <<N woo sagumbiru jirei, ka bu lee jire, bu ninga bu gaanggir rop ne, bu ning wei tu ningwa yi sou pwalgu koo, anda buri too yi wundu ne, bu saru wei cingu kina min, <Mwati, ma manni buri mai kalinggu.> ningdu wei.

²² Ka bu lee jire, kana ca tu bu senggo miringgu kuru bu kinggu wei.

Pira dwii dimbire Yesu

²³ Yesu diiro laa Yambau, pu woo jukugu yiringi nuwa, bagiraa kuruwa wa yi bagiraa nuwa wa a baanga bonggo you, pma pira kin, <<Ma ninggu too yiringi yi dimbire we? Pero wu nyimin woo dimbire we?>>

²⁴ Yesu nyii pma lee kin, <<Mi mwa n pirambiri wei pira wiino, ka bu nyiinggi lee n sambiri wei, ka ninggu tina yiringi yi dimbire we wei.

²⁵ Dimbire wu Yohanna Ningi Batisima yi tonu, a baa piyau, a baa diyow ru? A baa bonggo nere ru?>>

Pma ninga pu dangandi a cudu pmai kin, <<Ka yi ce min, a baa diyow, pirayiri wei kin, <Dingin ca bu kwaa leegu jire yi yo?>>

²⁶ Anda ka yi ce min, <A baa bonggo neru.> yi nugu gwasu nuwa dingin pma mwa mwa lee kin Yohanna tuii banabi.>>

²⁷ Dingin tonu pma nyii lee Yesu kin, <<Yi som bu.>>

A sa pma kin, <<Mi mwa n sambire ka n ninggu too woo yi dimbire we wei.>>

Balangu ciyei a dwii bakwara rop

²⁸ <<Bu danggu wei min ca, a dwii ciyei dina? Woo yi nere wu yi ba kwaraa rop. A aara bonggo wu gawuriyo a see kin, <Amna ma ninga wurai a kondou.>

²⁹ A nyii lee kin, <N anggi.> Anda cwata gorou a waka dangandi yei a aara.

³⁰ <<Mbaate wii aara bonggo wu kanggi wii a see cika ku conggo ceu, a lee man yo kin, <N anggu wei mbaa,> anda yaa ku aarau.

³¹ <<Wu ninga tu mbaa pma kasigu we cudu pmai?>>

Pma nyii lee kin, <<Wu gawuriyo wii.>>

Yesu sa pma kin, <<N woo sagumbiru jire nuwa bu yiri janggal yi karmajindi gicila mbir wei tengma lau Yambau.

³² Dingin Yohanna baa ba juku mbir nyinou ninggu pisu wu nyaau a gawuri Yamba, bu kwaa leegu jire, anda nuwa bu yiri janggal wa yi karmajindi pma lee. Pero kana pu bu ko too yiringi bu kwaanga bwiiwa yi leegu jire yi yo.

Balangu ciyei a dwii nere wu nyii kondou inabi

³³ <<Bu ka twiyau ciyei du balangai du kanggi. Woo yi nere wu kangge wu yi kondou, a ruu souri inabi. A wora yi garu. A wul bou dudu a sweli du karkar pu nuwa yamnu wei gundu inabi pero a mo cire. Bur a duu bajomba bu kangga a ninga songma.

³⁴ Pu jor wagu inabi ningau, a tum kewaa ya a bonggo bajomba bwii, ba yimuwe yo tutwiyari inabi.

³⁵ Bajomba bwii ta kewaa bwii, pma buwanga wiino, a ji wu kangge pero bacanga wu kunong.

³⁶ Bambang a tum kewaa bu kangga bonggo pmawu gwala bu gawuriyo wa, bajomba bwii ninga cika ku conggo ningau,

³⁷ Cwata gorou a tum bol yo bonggo pmau. A ce kin, <Pma nyii wei giru yake ku twii bol mi ko.>

³⁸ <<Pu bajomba bwii ko bwiya wii bagu, sa buri pmai kin, <Suwa nere wu kondou wuna yoo wei weyau woo baayi, yama yi jiyo palaka gina yo ba yoo woyire.>

³⁹ Dingin tono pma ta yo, a baciwe siyei goro kondou wii, a jiyo.

⁴⁰ Dingin yito ka nere wu kondou wayau baayi, ningü wei nye yi bajomba bwii?>>

⁴¹ Pma ce kin, <<Nere wii baa lacuwej bajomba bu bwiiwa bwii yi boori du yi buwi, ba nyii kondou wii bajomba bu kangga bu nyii wei yo tutwiyari kondou wa ka jor wagu ningi.>>

⁴² Yesu sa pma kin, <<Bu ce bu miringgu Lakargar Yamba ru?

<Sweli du mweemba kwaanga, a yoo sweli du nyaayi du mweemba cenna gengelte.

Too ninggu Mbaa Wu Gira, too yiringi riyandi buri a nundi yiri.>

⁴³ Dingin tono, n sagumbiru nuwa demanu wei lau, Yambau bonggo mbiru, ba nyii nuwa bu twiya wei tutwiyari yei.

⁴⁴ Kana we wu yaramana swele dwii repuru wei cuk cuk, pero ka swele dwii yarman kana we, koo wei pwangge lingling cika miima.>>

⁴⁵ Pu bagiraa kuruwa yi Parisayo nuu ciyei du balanggai du Yesu cei, pma kuranga kin a cegu pma.

⁴⁶ Pma kasa ba ta yo, anda pma nuu gwasu nuwa dingin pma dee twii banabi.

22

Balanggu ciyeu a dwii waandi laabwiya

¹ Yesu sa pma ciyei du balanggai dong kin,

² <<Lau ku diyou cika balaa wu ninga waandi laabwiya bol yo.

³ A tum kewaa ya ba sa ciyei nuwa bu yo yiwe wa ba baanga waandi swii anda pma kwaanga baaggu.

⁴ <<A pero tum kewaa bu kangga a ce kin, Bu sa pma bu nuwa sa pma ciyei wa min n mata menenggu jeendi, N laca gomtorongi yi tanggi mi su mwalanggi, kana ca menenggi. Bambe waandi laabwiya.>

⁵ <<Anda pma yaa ku ka twiyau, pma mwatanga, bu kangga aanda kondou, bu kangga aanda lummo.

⁶ Bu kangga taa kewaa bwii a turongo pma, a laca pma.

⁷ Balaa wii suko wang. A tum kacara ya laca nuwa bu laca kewaa bwii, a taa gweji dwii mwa mwa.

⁸ <<Pero a sa kewaa ya bu tum bwii kin, <Waandi laabwiya sina cipigi anda

nuwa bu n gicila n tum man pma wa pma yinnibu ba baanga.

⁹ Ambira nyindi su miringgi gwei bu sa ciyei kana we wu bu nyingga ba baa waandi sina.>

¹⁰ Dingin tono kewaa bwii mwati a ponggu nyindi a kuranga nuwa mwa mwa bu nyingga wa, bu nyaa wa yi bu bwii wa, laa laabwiya twangwa yi rungguwa.

¹¹ <<Pu balaa diiro ba ko rungguwa, a ko nere wu kangge wu yaa see laabwiya.

¹² A pira kin, <Basinte, a ning wei nye ma dimmuwe pina yaa see laabwiya?> Nere wii yaa puuna.

¹³ <<Balaa wii sa kewaa ya bu sugu pma bwii kin, <Twala wari yi mwari ma yikiyo twalange ma manna pu yi kumjila, pma jii wei wiindi yi dumonggu nyiyau.>

¹⁴ <<Nuwa bu nuwa yiyanga wa tum, anda bu nuwa seka wa banyina.>>

Yagu janggal Balaa Kaisar

¹⁵ Buri Parisayo twiyongo twalange a kasa nyindi, ba ciman Yesu tandau a bonggo ceu yei.

¹⁶ Pma suka kwatimba pma kem yi nuwa Hiridus wa pma ce kin, <<Kulume, yi soma mai jire. Pero ma jukur nyinou Yambau yi jire, ma yaa seki nuwa, ma de nuwa mwa mwa waiyou wiino.>>

¹⁷ Yoko sa yiro, a kogu mou cimacima yi ya janggal Balaa Kaisar ru, ba yari ya ru?>>

¹⁸ Yesu som dangandi pmai tu bwii, a ce kin, <<Mba nuwa bu yi batal wa, dingin ca bu kasi bu ciingin mu tandau?

¹⁹ Bu jukunggi ken du nuwa yari janggal dwii.>> Pma de nyiia,

²⁰ a ce kin, <<Wekilei yi din dinaa du wei?

²¹ Pma ce kin, <<Doo du Balaa Kaisar.>> A sa pma kin, <<Bu nyii Balaa Kaisar tu yoogi tu Balaa Kaisar, pero bu nyii Yamba tu yoogi tu Yambai.>>

²² Pu pma nuwa yito pma riyanga buri, Dingin tono pma mwatanga.

Pira dwii wunonggu boore

²³ A dwii nyanggi Sadukayo pma bu ce kin, wunonggu booru ya, pma baanga bonggo you yi pira.

²⁴ Pma ce kin, <<Kulume, Musa sa yiro kin ka nere boori yaa kwaraa ne, tagi ciya yo ba yiki wutukolo wii palaka ba biman kwaraa ciya yo.

²⁵ Boo yi nuwa bu kangga nibiyo twii ciyamba buri a cudu yiri. Wu gira pmo ninga laabwiya a bwaa, yake ku yaa kwaraa a du nure yo ciya yo.

²⁶ Yito mwaasi a ningi wa yi wu rop yi kunong be wu nibiyo yei.

²⁷ Cwata gorou you, nure wii bwaa.

28 Yoꝓo sa yiro, yake ku ning pma mwa mwa pmau nibiyo ko, a nyangu wunggu boore, yoo wej nure we?>>

29 Yesu nyii lee kin, <<Bu liyanga dingin bu som bu tu Demteere ciyei, pero bu som bu dimbir Yamba.

30 Nyangu wunonggi boore, nuwa na ningi laabwiya, kana ba nyii laabwiya, pma yoo wej cika bacamandi a diyou Yambau.

31 Anda dwii wunggu boore, bu ce bu tu Yamba sambira ru? Yamba sambira kin,

32 <Mi n Yamba wu Ibrahim, Yamba wu Icahu, Yamba wu Yakubu.> Yo yaa yoogi Yamba wu nuwa bu bwaanggi wa, yo yoogi Yamba nuwa bu yi piima wa.>>

33 Pu nuwa tum nuwa yito pma riyanga buri yi yiringi tu jukuya.

Teere du gwala yi giru

34 Pu Parisayo nuwa kin Yesu diini Sadukayo sindi siyei tok, pma kuranga buri.

35 Wu wiino pmo wu som teeringi wang, a cuu yo yi wuna pira.

36 <<Kulume, miringgi teeringi du gwala yi giru dono?>>

37 Yesu nyii lee kin, <<Ma kangman Mbaa Wu Gira Yamba mo yi gaangu mou mwa mwa, yi bawei mai mwa mwa yi dangandi mai mwa mwa.

38 Too teere du gawuriyo yi du gwala yi giru.

39 Du rop yei cika doo mwaasi, <Ma kangman bapun mo cika buri mai.

40 Teeringi yi yiringi tu banabindi jukuri mwa mwa daangi laa teeringi tu rop too.

Kristo too bol we

41 Pu boo Parisayo boo kuranggi buru, Yesu pira pma kin,

42 <<Bu dangani ca dwii Masiya? Yoogi bol we?>>

Pma nyii lee kin, <<Too bol Dawud.>>

43 A sa pma kin, <<Dingin ca ki, Dawud ce ciyei yi dimbire Bawei du Walwal, a yigu Masiya kin Mbaa Wu Gira? Dingin a ce kin,

44 <<Mbaa Wu Gira sa Mbaa Wu Gira mi <Sin siyei wai mu wu jeu kopo ka n diini baceмба ma kuu mou.>>>

45 Ka Dawud yi Masiya kin, Mbaa Wu Gira wai, <<A ningwa nye ba yoo bol yo?>>

46 Yaa wu pun ciyei, yake kwii nyangu yaa wu pero ninggu ma yo pirandi.

33

Yesu tukulanga kulumba teering wa yi Parisayo

1 Yesu sa nuwa tum yi kwatimba ya kin,

2 <<Kulumba teeringi wa yi Parisayo bwii pma bu jukuri pitindi teeringi Musa.

3 Dingin tono bu ninga pongondi yi kana ca tu sa mbirai, bu ningi ya tu pma ninggi, dingin pma yaa pongi tu pma wasigi.

4 Pma der see wu komburum ba cerman nuwa, anda pma yiri pmai yaa lee mwangu yi wai.

5 Pma ningi kana ca palaka nuwa ba ko. Pma bali ciyei Yambai ba cwaki balayandi gembirendi yi tono ba bongna dwii, pero cwaki nyandi gatanggamandi pmai cokurondi.

6 Pma kasi pisindi bagirai a jor waandi, yi pisindi su kundi wang a girindi kuru.

7 Pma kasi nuwa ba ci pma a lummondi pero nuwa ba yi pma kin kulumba.

8 <<Anda mba, bu lee ya nuwa ba yi mbira kin, <Kulume,> dingin bu boo kulum wiino tibak pero bu yoogi ciyamba buri.

9 Pero bu yirya kana we a sima min, <<Mbaa,> dingin bu boo yi Mbaate wiino tibak a diyou.

10 Kana mba, bu lee ya nuwa ba yi mbira kin, <Kulume,> dingin bu woo yi kulum wiino tibak, wii Masiya.

11 Wu gwala yi gira cudu mbiri ba yo kewe.

12 Dingin kana we wu wun dwii yei nuwa cingo wej anda kana we wu cingo dwii yei nuwa nyii wej giru.

13 <<Bu yoogi yiri bunam, mba kulumba teeringi wa yi Parisayo, mba bu yi batal wa! Bu laka nyinou lau ku diyou a bonggo nuwau, mba yir mbiri dong bu teembiri bu pero bu du pma bu teendu wej wa ba teendo. [

14 Bu yoogi yiri bunam, mba kulumba teeringi wa yi Parisayo, mba bu yi batal wa! Bu ningaman wutu kola lelu, ba yi see wu laandi pmai, pero ce kuru cokurok cika nuwa bu nyaa wa. Boo nuwa tii wej kuulu wang.]*

15 <<Bu yoogi yiri bunam, mba kulumba teeringi wa yi Parisayo mba bu batal wa, bu kereni kana piyau a sima yi you ku piu palaka bu wuu nere wiino ba pong mbira, pero ka baayi, bu dina ba yo bol bwalau gwala mbira daa rop.

16 <<Bu yoogi yiri bunam, mba kerma bu taagu nuwa wa! Bu ce min, <Kana we, ka wereni yi laa Yambau too yiri tu kanggi ne anda ka kana we wereni yi sinariya wu laa Yambau, tiji wera yo.>

17 Mba bacinba kerma wa, tu gwala yi giru tono? Sinariya ru, laa Yambau yo wu diini sinariya ba ninga walwal ru?

18 Bambang bu ce min, <Kana we wu werenga yi kwaare Yamba too yiri tu

* 23:14 23:14 Lakargarindi su kanggi yaa ku bala bonggo ciyei kwap sur niji!

kanggi ne, anda kana we wu werenga yi nii du miri, tiini wera yo.>

¹⁹ Mba nuwa bu yoogi kerma, tu gwala yi giru tono? Nii ru, kwaare du diini nii ba ninga walwal ru?

²⁰ Dingin tono kana we wu werenga yi kwaare werenga yi kana ca tu miri.

²¹ Kana we wu werenga yi laa Yambau a werenga yi tono yi wu sii miri.

²² Kana we wu werenga yi diyau Yambau a werenga yi candu Lau Yambau yi wu siini miri.

²³ <<Bu yoogi yiri bunam, mba kulumba teeringi wa yi Parisayo mba bu batal wa. Bu nyii tiino miringgi kwap wu see ali mbire, baabu, dauri, yi waasa yi bunggul, anda bu kwaa tu gwala yi kundi you, bu tumgu jirei yi bunam yi ninggu yiringi cimacima. Toq tu daa yei na bu ninga, bu dur ya tu conggoi.

²⁴ Mba kerma bu taagu nuwa wa, bu tosi gundu dingin bu yiki gumpi su kitindi anda bu mi nggela.

²⁵ <<Bu yoogi yiri bunam, mba kulumba teeringi wa yi Parisayo, mba bu batal wa. Bu cardi gorou kaagu yi gorou panane anda miringgi yei twangi yi yawo yi ninggu tu gaanggu mou kasi.

²⁶ Kerma Parisayo wa! Bu car miringgi kaage yi panane bati, palaka gorou you ba ningi wei walwal mwaasi.

²⁷ <<Bu yoogi yiri bunam, mba kulumba teeringi wa yi Parisayo mba bu batal wa! Bu cika purongi tu nuwa banni tone du populok, kogu you kundi a twalange anda miringgi yei twangi yi kuri nuwa bu bwaanga wa, pero kana ca yaa walwal.†

²⁸ Bu yiito, a twalanga bu cika nuwa bu ninggu pisu wu nyaau wa bonggo nuwau anda miringgi mbiri twangi yi batal yi tuwe.

²⁹ <<Bu yoogi yiri bunam, mba kulumba teeringi wa yi Parisayo mba bu batal wa, bu mween dwiiyongi puringi banabindi, pero bu yekiri purongi nuwa bu nyaau wa.

³⁰ Pero bu ce min, <Ka na yi boo jor kwiimba yuwa wei, na yaa ku yi necu wei dwii yi pma yi laca banabindi.>

³¹ Yiito mwa bu jukuya min bu yoogi kakaa pma bu laca banabindi wa.

³² Bu jee gawure bu twanga wurai du kakaa mba toso.

³³ <<Mba coogindi, mba kwaraa bageci wa! Nindu wei nye bu ce mbir bali par bwalai?

³⁴ Dingin tono, n woo tum mbir banabindi yi nuwa bu pwiyanggi wa yi kulumba. Bu jiru wei bu kangga, bu piini bu kangga yeu, bu wacanü wei bu kangga

a girindi kuru pero bu kekenu wei pma gwei yi gwei.

³⁵ Nuwa ninga mbiru wei bali dwii tijma nuwa bu ning pisu wu nyaau a gawuri Yamba bu nuwa par siyei a sima, toso dwii tijma Abila nere wu ninga pisu wu nyaau bee bu Sakariya boi Berekaya wu bu jiyo cudu laa Yambau yi kwaare.

³⁶ N woo sagumbiru jire mwa mwa too yiringi julo wei dwii nuwa bu sinaa daandi wa.

³⁷ <<Aing! Wurcalima! Mba bu laci banabindi wa, pero bu bacanga nuwa bu Yamba tumuwe bonggo mbiru wa! Daa sono n kasi n kura mbira cika ku cwiyo kuran kwaraa ya miringgi kongondi yei, anda bu kwaanga!

³⁸ Suwa, nuwa duu mbiri laa mbiru koni!

³⁹ N woo sagumbiru, bu peri kogu mu, kopo nyangu ku bu ce min, <Wuure, a bonggo yo, wu bagu a miringgi din Mbaa Wu Gira!> >>

24

Somdi daandi su cwata gorai

¹ Yesu du laa Yambau, a mwatugu, kwatimba ya baanga bonggo you pma jukugu yo mweendi twii.

² A sa pma kin, <<Bu kogu tina yiringi mwa mwa, n sagumbiru jire Yaa sweli du nuwa duru wei a dwii bagon yo, kana dono nuwa kwianu wei.>>

³ Pu boo Yesu woo pisu dwii Cingu Souri Setun, kwatimba ya baanga bonggo you wulak pma ce kin, <<Sayiro, too yiri ningdu wei pene pero somdi bagu mai ca, yi daandi su cwata goroi?>>

⁴ Yesu nyii lee kin, <<Bu ruun tuwe kana we ba ciye mbiri ya.

⁵ Dingin nuwa tum baanga wei yi din mi, a cegu kin, <N yoogi Masiya,> pero pma cionu wei nuwa tum.

⁶ Ka bu nuu cewi kwai wundu wundu, anda bu nuu ya gwas, tagi too yiringi ba ningi wa, anda boo nyangu ku cwata gorou baa bu.

⁷ Sina wunmanu wei sima, lau wunmanu wei lau, June yari wei pero sima siktü wei buri pendü wundu wundu.

⁸ Toq mwa mwa too toson taa kuulu.

⁹ <<Nuwa diinu wei nuwa ba pumbiri kuule, pero ba lacambira, bambam nuwa bu sima mwa mwa kwaambiri wei dingin mi.

¹⁰ A dwii jore nuwa tum yaranu wei miringgi leegu jirei, cuuru wei buri pmai pero kwaa wei buri.

† 23:27 23:27 Nuwa bu Yudaya wa banni tone du populok a purongi a Wurcalima palaka rungguwa ba mwani ya ba ninga yaa walwal.

11 Pero banabindi leendi twiyongo wei tum, pero ciyonu wei nuwa tum.

12 Tuwe cwatu wei buri dingin tono kangam nuwa tum ningi wei yututu.

13 Anda kana we wu boo gaanggu lam nyanggu ku pungu nyiinggu wei mirma.

14 Anda kopo ka nuwa wasir ciyei du teng du lau Yambau kana piyau a sima mwa mwa dingin nuwa mwa mwa ba nuwa, anda nyanggu cwata goro baa.

15 <<Ka bu kweyi yiringi pusi twii tu dee sentangi, pitindi pu walwal a Laa Yambau cika tu banabi Daniel bala kin, yama kana we wu cegu dinaa ciyei ba kuranga too.

16 A dwii jore, yama pma bu miringgi Yudaya wa ba ceendo cingiri.

17 Kana we wu dwii kani ba julo ya dingin ba dee kana ca a lai.

18 Kana we wu woo kondou ba waata ya lai degu gatangamu.

19 A kwii nyanggu, nurumba bu yi rwiinggi wa yi bu puugu nyii kwaraa wa, ningamanu wei pma yi buu.

20 Bu ce kuru cuu mbiru ba yoo ya yi jundu kana nyanggu Sabadu.

21 Dingin a dwii jore nuwa tii wei kuulu wang, wu boo nuwa tii bu tigu yake toson taa simau kopo yoko, pero yaa ku perdu wei.

22 Ka na nuwa gwandila bu daandi swii ne yaa wu yilu wei, anda dingin pma bu Yamba seka wa, nuwa gwandila daandi swii.

23 A dwii jore kana we ka ce kin, <Ko, Masiya yo wuna!> kana ce kin, <Yo wii!> bu lee ya jire yi tono.

24 Dingin Masiya wu leendi yi banabindi leendi twiyongo wei, pero ninggu wei yiringi riyandi buri ba welenga kana bu nuwa Yamba seka pma wa, ka pma puu wei wai.

25 Bu suwa, n sambira kilang, boo jor ninga bu.

26 <<Dingin tono kana we wu sambira kin, <Yo wii a gulai> bu twiyoni ya, kana ce kin, <Yo wuna miringgi kani> bu lee ya jire yi tono.

27 Dingin cika ku nyil gundu nyildi donome nuwa kwei nyambiranggu, yito yi bagu Bol Nere.

28 Pu komdi soo miru, baperi kurani buri pwii.

29 <<Goro kuuli wu daandi swii, a kinangu,

<Nyanggu yo wei kumjila, pero pwalau na swiiri buri,

bajwari yaranga wei diyou, pero yiringi tu diyou siktu wei buri.>

30 <<A dwii jore somdi Bol Nere twii wei a diyou, pero mwa mwa duuri tu sima bwiyanu wei gaanggu, ka pma kwee wei

Bol Nere bagu miringgu tinendi a diyou yi dimbire yi yilau wang.

31 Yo diinu wei nuwa ba wuu jume yi miu ba tummu wei bacamandi yei, kana piyau ba kuranga bu yo seka wa a miringgi kengandi nii su simai.

32 <<Yoko n kasi bu tilanga too yiri bonggo sou pwalgu. Ka bu kwee tosi bulugu, wandi yei tori bu soma min jundu ninga nem.

33 Yito mwaasi, ka bu kwee too yiringi mwa mwa, bu soma min a ninga nem, woo nyinou.

34 N woo sagumbiru jire nuwa bu sina daandi wa pma na bwaan kopu ka yiringi too mwa mwa ningi buri.

35 Diyau yi sima woru wei anda ciyei mi yaa ku woru wei kana banyina.

Yaa wu som nyanggu yi jor yei.

36 <<Yaa wu som nyanggu kwii kana jor yei, kana bacamandi su diyau, kana Bwiya, buri Mbaate.

37 Cika ku ningi wa a daandi Nuhu, yito mwaasi nindu wei a jor bagu Bol Nere.

38 Cika ku ningi wa kamin daandi su jame dee, nuwa jegu yi naagu, nuwa ninggu laabwiyi yi nyigu laabwiyi kopo nyanggu ku Nuhu diiro konggoru.

39 Yaa ku pma som tu nindu wei, kopo ku jame baa dee pma. Yoo wei yito a jor du Bol Nere baa wei.

40 Nuwa kinggu wei nuwa rop kondou nuwa deru wei wiino, ba du wu wiino.

41 Nuwa nyinggu wei nurumba rop kogu yiri ni nuwa deru wei wiino ba du wu wiino.

42 <<Dingin tono, bu ninga pu swerigu dingin bu som bu nyanggu ku Mbaa Wu Gira mbiri baa wei.

43 Anda n kasi bu kuranga min, ka nere wu laa wayau, na som jor du kuwe baa wei yi kume na sweru wei, yaa ku duru wei kuwe ba diwe laa you.

44 Dingin tono bu siya cipigi buri, dingin Bol Nere baa wei a jor du bu yaa temandi.

45 <<Wii kewe yo we wu yi jire yi pwii, wu nere wu gira yo diinu yo ba suwa kewaa bu laa you wa, ba nyii pma jeendi pmai cimacima a jor du daa yei?

46 Wuure bonggo woo nere, wu nere wu gira yo ka waatai ba kinggi wei a ninggu wurai yei cimacima.

47 N woo sagumbiru jire, yo cernu wei nere wii a dwii gina yo mwa mwa.

48 Ka cika kewe wii yi tuwe wei pero sar buri yei kin, <Nere wu gira mi daawe tum,>

49 pero tosi buwanggu kapima kewaa, pero yo wun jegu a naagu kem yi ba naamba nyinma.

⁵⁰ Nere wu gira kewe wii waata wei a jor du nere wii teman bu, pero a jor du yo som bu,

⁵¹ baa puu wei kuule wang, ba neca yo yi nuwa bu yi batal wa, pu ji wei wiindi yi dumonggu nyiyau.

25

Balanggu ciyei a dwii bakorcanga kwap

¹ <<A dwii jore, lau diyou ningi wei cika bakorcanga kwap bu dee pitilari pmai aanda dingin ba terenga bwiyakaa wu laabwiya wa yo.

² Bu nuwo wa twii bacinba anda bu nuwo wa pwiyanggi.

³ Bacinba bwii dee pitilari pmai yaa nunggu.

⁴ Bu pwiyanggi bwii pma dee nunggu a pitilari pmai yi cweindi pmai.

⁵ Bwiyakaa wii siuwe yaa ku baa kilang, mwa mwa pmau toso jusonggu dimau.

⁶ <<Yi cudu kumdi, nuwa nuu duwai kin, <Bwiyakaa laabwiya yo wuna bu twiyongo bu de rau.>

⁷ <<Buri bakorcanga bwii wunongo, a menenga pitilari pmai.

⁸ Bacinba bwii sa bu pwiyanggi bwii kin, <Bu pu yir nunggu mbiru pitilari yiri a bwanggu.>

⁹ <<Pma nyii lee kin, <Ang ang yaa ku yiri yiri wei kem yi mbaa, kujang bu ambira bu tenmanuwe buri mbiri bonggo nuwa bu cuugu wa.>

¹⁰ <<Anda pu pma mwatanga tenggu nunggu, bwiyakaa laabwiya lamuwe. Bakorcanga bu cipigi buri wa bwii de rau kem yi yo a waandi laabwiya. Pero nuwa laka nyinou.

¹¹ Gorou you, bu kangga bwii baanga, pma ce kin, <Nere wu gira, Nere wu gira, wun yiri nyinou!>

¹² <<A nyii lee kin, <N woo sagumbiru jire n sommbiru bu.>

¹³ <<Dingin tono bu cipa buri, dingin bu som bu nyanggi yei kana jor yei.

Balanggu ciyei a dwii kewaa kunong

¹⁴ <<Bambang, cika nere wu kangge wu ninggu songmau, a yiwe kewaa ya nyii pma gina yo ba suwa yi tono.

¹⁵ Wu wiino a nyii ken talenti nuwo, wu kangge talenti rop, pero wu kangge talenti wiino, kana wono cuunggi dimbir yo, a ninga songma ya.*

¹⁶ Nere wu nuwa nyii talenti nuwo, a mwati yoko yoko a ninga duu yi tono a ningga cwata talenti nuwo wu kangge.

¹⁷ Yito mwaasi, wu nuwa nyii talenti rop a ningga cwata talenti rop wu kangge.

¹⁸ Anda wu nuwa nyii talenti wiino wii a mwati wul bou a sima ting ken nere wu gira yo.

¹⁹ <<Goro daandi tum nere wu gira kewaa bwii waata buri songma ya a kasa ba suwa gina yo wu bonggo kewaa ya.

²⁰ Nere wu nuwa nyii talenti nuwo a dee talenti wu kangge a nuwo a ce kin, <Nere wu gira, ma nyiingge talenti nuwo ko, n nyingga cwata wu kangge nuwo.>

²¹ <<Nere wu gira yo see kin, <Wusa, ma yoogi kewe wu nyaa wu yi jirei! Ma ninga jirei dwii yiringi banyina, n diiminu wei sugu yiringi tu tum. Bame ma ninga buri degdeg kem yi nere wu gira mo!>

²² <<Nere wu talenti rop wii mwaasi a baa a ce kin, <Nere wu gira ma nyiingge talenti rop n nyingga cwata talenti rop.>

²³ <<Nere wu gira yo nyii lee kin, <Wusa, ma yoogi kewe wu nyaa wu yi jirei! Ma ninga jirei dwii yiringi banyina, n diiminu wei sugu yiringi tu tum. Bame ma ninga buri degdeg kem yi nere wu gira mo!>

²⁴ <<Bur nere wu yi talenti wiino wii baa, a ce kin, <Nere wu gira n soma ma yoogi duu nere ku ningandi yei yi buu, ma kaci pu ma pi bu, pero ma kurani pu ma wasi bu goma.>

²⁵ Dingin tono n nuu gwas, n mwatingge, n tuko talenti mo miringgi sima. Ko! Yiri mai yo tina.>

²⁶ <<Nere wu gira yo nyii lee kin, <Mo, kewe wu yi tuwe yi kuule! Ma soma min n kaci pu n pi bu pero n kurani pu n wasi bu goma?>

²⁷ Na ninga kundi, na ma ruu ken mi a betal kene, palaka ka n waata buri n nyingga a cwata buri.

²⁸ Bu yi talenti woo bonggo you bu nyii wu yi talenti kwap.

²⁹ Dingin kana we wu woo yi tono nuwa cwatamanu wei yo, ba ninga tum. Kana we wu yaa tono kana tu yi tonoi nuwa yiyamanu wei yo.

³⁰ Bu manni woo kewe wu bwii woo twalange, miringgi kume, pu ninggu wei pu windi yi dumonggu nyiyau.>

Nyanggu balu

³¹ <<A jor du Bol Nere baa wei yi yilau you, kem yi bacamandi yei mwa mwa, yo sinu wei candu lau you wu yi yilau.

³² Nuwa bu sima mwa mwa kuraru wei buri gawuri yei, yo kenu wei nuwa wundu wundu, cika ku taage kari puuri bonggo kwamali.

³³ Yo ruu wei puuri a wai you wu jeu, kwamali a wai you wu miu.

³⁴ <<A dwii jore Balaa wii sar wei pma bu wai you wu jeu kin, <Bambe, mba bu yi

* 25:15 25:15 Talentu wiino tum you lam ken wurai neri nyan mila kuna rop a dwii jore

wuuri wa bonggo Mbaa mi, bu je lau ku nuwa ruwo dingin mba yake taawu sima.

³⁵ Dingin n nuu june bu nyiinggi jeendi, n nuu jii bu punggu gundu, n yoo rungge bu julunggi bu,

³⁶ n yaa see bu paringin see, n yaa cingcing bu suwangge, n woo jarum bu kacangguwe.>

³⁷ <<Nuwa bu ning pisu wu nyaa wa bwii lee wej kin, <Mbaa Wu Gira, yi ko mina pene yi june yi jee mina, yi jii yi puu min gundu ma naa?>

³⁸ Yi ko mina pene ma rungge, yi yi mina, pero ma yaa see, yi pari min see?>

³⁹ Yi ko mina pene yaa cingcing kana a jarum yi kaca mina?>

⁴⁰ <<Balaa wii nyii wej lee kin, <N woo sagumbiru jire, kana ca tu bu ningaman wu wiino wu banyina a cudu ciyamba muwa hina, bu ningangina.>

⁴¹ <<Pero sa ru wej pma bu wai you wu miu kin, <Bu lamanga poo bonggo mu, mba bu sentanggi wa, bu tembiro bwalau ku yaa dumdu, ku nuwa menenga dingin balaa buwai wa kem yi bacamandi yei.

⁴² Dingin n nuu june yaa ku bu nyiinggi jeendi, n nuu jii yaa ku bu punggu gundu.

⁴³ N rungge yaa ku bu julungge, n yaa see yaa ku bu paringin see, n yaa cingcing pero n woo jarum yaa ku bu suwangge.>

⁴⁴ <<Pma mwaasi nyii wej lee kin, <Mbaa Wu Gira, yi ko mina pene yi june, yi jii, ma rungge, ma yaa see, ma yaa cingcing pero ma jarum anda yi kala min bu?>

⁴⁵ <<Yo nyii wej lee kin, <N woo sagumbiru jire, kana ca tu bu ningaman bu wu wiino wu banyina a cudu pmai, bu ningangin bu.>

⁴⁶ <<Nuwa bwii teendu wej kuule wu yaa matigu anda nuwa bu ning pisu wu nyaau a gawuri Yamba wa, aandi wei pu yi piima bu yaa matigu wa.>>

26

Bagiraa ciiman Yesu tandau

¹ Pu Yesu mata cegu too yiringi mwa mwa, a sa kwatimba ya kin,

² <<Bu soma min Waandi Yerigu a du daa rop, nuwa nyii wej Bol Nere nuwa ba piina yeu.>>

³ A dwii jore bagiraa kuruwa yi bagiraa nuwa wa, pma kuranga buri caame bagira kuruwa, wu dini yei Kayapa,

⁴ pma cipa buri dingin ba taa Yesu tukugi ba ji yo.

⁵ Anda pma ce kin, <<Yaa jor Waandi Yerigi, daakal nuwa ba wun kwai.>>

Nur parman Yesu nunggu a Betani

⁶ Pu Yesu woo Betani a miringgi laa Simon wu woo yi butangi nang,

⁷ nure wu kangge baa yi kukulo* wu yi nunggu ku yi pircu wang ku run teng, a parman yo dwii pu woo jegu jeendi.

⁸ Pu kwatimba ya ko too yito, pma bwiyaanga gaanggu, pma ce kin, <<Woo kwala yo ca?>

⁹ Nunggu koo nuwa na cuu yo yi ken tum ba nyii bakuuluwa.>>

¹⁰ Yesu som tu pma cegu, a sa pma kin, <<Dingin ca bu doma yi nure woo a dwii yiri tu nyaayi tu ningangina?>

¹¹ Bu boo yi bakuuluwa kem yi mba kana pene, anda yaa ku n sii wej kem yi mba kana pene.

¹² Paringgu nunggu ku run teng ku paringina buri koo, a cipigu mu bonggo boore,

¹³ N woo sagumbiru jire, kana piyau pu nuwa wasiru wej ciyei du teng dina a sima mwa mwa, nuwa ce wej tu ningai dingin danggigu yi yo.>>

Yahuda lee ba cuu Yesu

¹⁴ A dwii jore wu wiino cudu bu kwatimba ya bu kwap sur rop bwii, wu dini yei Yahuda Iskariyoti a aara bonggo bagiraa kuruwa wa,

¹⁵ a sa pma kin, <<Tu bu nyiinggu wej ca ka n din yo war mbiri?>> Pma ce ken asurpa kuna kunong nyii yo.

¹⁶ Yake doo jore, Yahuda kasa nyindi su yo cuuru wej yo.

Yesu je jeendi Waandi Yerigi kem yi kwatimba ya

¹⁷ A nyanggu ku gawuriyo a Waandi Burodi wu yaa Yisti, kwatimba Yesu wa baanga pira kin, <<Ma kasi yi menenga jeendi Waandi Yerigi piyau dingin mo?>>

¹⁸ A nyii lee kin, <<Bu ambira gwei bonggo nere wu kangge bu see min, <Kulum ce kin: Jor mi ninga nem. N je wej Waandi Yerigi kem yi kwatimba mu wa a laa mau.>>

¹⁹ Kwatimba ya bwii ninga cika ku Yesu sa pma ba ninga, pma menenga Waandi Yerigi.

²⁰ Pu nyambiranggu ninga, Yesu si siyau aari jegu jeendi kem yi kwatimba ya kwap sur rop.

²¹ Pu pma boo jegu jeendi, a ce kin, <<N woo sagumbiru jire, wu wiino cudu mbiri cuunggu wej.>>

²² Pma bwiyaanga gaanggu, pma toso sagu yo wiino, wiino kin, <<Mbaa Wu Gira, wii mi ne?>>

²³ Yesu nyii lee kin, <<Wu diini wai you miringgi panane kem yi mi cuunggu wej.

* 26:7 26:7 Kukulo wii nuwa meneni yi swei du yi yilau, du nuwa yiri kin alabasta.

24 Bo! Nere bwaaru wej cika ku balgi a dwii yei, anda toq yiri bunam bonggo nere wu cuu Bo! Nere, kujang ku nuwa na bi bu yo.>>

25 Yahuda wu yo cuuru wej yo a ce kin, <<Kulume, wii mi ru?>> Yesu nyii lee kin, <<Ong ma ce.>>

26 Pu pma boo jegu jeendi, Yesu dee kumaa, a wananga Yamba, a gelenga, a nyii kwatimba ya, a ce kin, <<Bu yiya bu jee, too buri mi.>>

27 Pero a dee bosoro gundu inabi, a wananga Yamba, a nyii pma, a ce kin, <<Mwa mwa bu naa miri.

28 Toq tiima muwa, bu twanga tu Yamba kwee yi nuwa ya, bu pardu wej siyei buri dingin pargu sukum welemdi nuwa tum.

29 N woo sagumbiru, yaa ku n peru wej naagu gundu inabi kopo kwii nyanggu ku n naa wej ku pucu kem yi mba a Lau Mbaa mu.>>

30 Goro pu pma pii pii pma mwatanga Cingu Souri Setun.

Yesu ce kin Bitrus gwelu wej yo

31 Goro yito Yesu sa pma kin, <<Yi kum wunaa mwa mwa mbiru bu nyinggu wej gorou, dingin balgi miringgi lakargar Yamba kin,

<N buu wej taage, n jiyu, kan puuri weenu wej.

32 Anda goro pu n wuni n cwii wej gawur mbiri n anggi Galili.>>

33 Bitrus nyii lee kin, <<Kana, kana we waatu wej buri yi gorou dingin mo, mi yaa ku n waatu wej.>>

34 Yesu see kin, <<Bitrus, n woo sagumou jire, a kum wunaa kamın koloo ba tee teere ma gwelenggu wei daa kunong.>>

35 Anda Bitrus ce kin, <<Kana n booru wej kem yi mo, yaa ku n gweleminu wej.>> Pero mwa mwa kwatimba ya bu kangga bwii mwaasi ce yito.

Yesu ce kuru yi kwatimba ya a Gesimani

36 Goro yito Yesu mwati kem yi kwatimba ya a pu nuwa yiri kin, Gesimani, a sa pma kin, <<Bu sindi siyei pina mi n ko n songge gawure n ce kuru.>>

37 A dee Bitrus yi kwaraa Sabadi bu rop kem yi yo, a toso bwiyang gaanggu yi miyanggu buru.

38 A sa pma kin, <<Bawei mi twangi yi bwiyang gaanggu cika n bwaa. Bu sindi siyandi pina bu siya cipigi buri kem yi mi.>>

39 A kosuro banyina a yara, a suni kau sima, a ce kuru kin, <<Mbaa mi, ka nindu wai wej mo demangin kina cusugu. Anda dangandi mi ne, anda too mai.>>

40 A waata bonggo kwatimba ya baa nyingga pma diimandi, a pira Bitrus kin,

<<Yaa ku bu puu wej bu siya cipigi buri kem yi mi nyan jor banyina ru?

41 Bu siya cipigi buri, bu ce kuru daakal bu yanna miyam. Bawei kasigu anda buri yaa dimbire.>>

42 A mwati ku rop a ce kuru kin, <<Mbaa mi, ka yaa ku nindu wej koo cusugu ba lamana kopo ka n cusi, yama dangandi mai ba ningwa.>>

43 Pu waata a nyingga pma diimandi dong, dingin nundi pma ninga kombirom.

44 A du pma a waata buri dong, a ce kuru ku kunong a pero tu conggo ciyei.

45 Pero a waata buri bonggo kwatimba ya a sa pma kin, <<Boo bu boo diimandi ru? Bu yoronggu ru? Suwa jor ninga nuwa cuu Bo! Nere a war nuwa bu yi welemdi wa.

46 Bu wunongo yi mwatanga! Nere wu cuugu mu wii woo bagu!>>

Nuwa ta Yesu

47 Pu boo Yesu woo cegu ciyeu, Yahuda wu wiino cudu bu kwap sur rop bwii lamuwe kem yi nuwa tum yi dompouri yi gumongi, bu bagiraa kuruwa wa yi bagiraa nuwa wa tumuwe.

48 Yo wu nere wu cuuru wej a ru somdi tu pma kuranu wei kin, <<Nere wu kuuna buri wii yo, bu tee.>>

49 Ku pma lama, yoko yoko Yahuda aara bonggo Yesu see kin, <<N ci mina kulume.>> pero a kuunu yo buri.

50 Yesu nyii lee kin, <<Basin mi, ninga tu demuwe.>>

Nuwa bwii twiyongo parnu wari taa Yesu.

51 Ku ningwa yito, wu wiino cudu baruwa Yesu a yaku wai a podo dompou you a kaca twiyau kewe bagira kuruwa a mwariya.

52 Yesu se kin, <<Pun dompou mou miringgi laa you, dingin wu podo dompou boori dompou.

53 Ma nuu min n pu yigu Mbaa mi, ba suka bacamandi tum yoko kina ru?

54 Anda ka n ning yito, ciyei Denteere du ce kin, tagi ba ningwa yito, nindu wei nye ba twangwa?>>

55 A dwii jore Yesu sa nuwa bu tum bwii kin, <<Dingin ca bu baanga yi dompouri yi gumongi bu tangge cika n kuwe? Kana kono nyanggu n sii laa Yambau n pirgu yiri nuwa anda bu tanggu bu.

56 Anda too mwa mwa a ningwa palaka ba twanga tu banabindi bala kin nindu wei.>> Kwatimba ya mwa mwa du yo a ceendo.

Yesu gawur bagiraa nuwa bu Yudaya wa

57 Nuwa bu ta Yesu wa a dee yo bonggo Kayapa kuru wu gira pu kulumba teeringi wa yi bagiraa Yudaya wa kuranga buri.

⁵⁸ Anda Bitrus pong yo gantın, a lama bonggo laa kuru wu gira . A diiro sin siyei kem yi nuwa bu swerigu yo wa ba ko tu nindu wei buri.

⁵⁹ Bagira kuruwa yi bagiraa nuwa bu Yudaya wa mwa mwa pma kasigu seedaki leendu a dwii Yesu palaka pma ba ji yo.

⁶⁰ Anda pma nyingga bu kana ca, kana ku baleenda twiyongo.

Cwata goro you nuwa rop twiyongo,

⁶¹ a ce kin, <<Nere woo ce kin, <N puu wei bwiyanggu laa Yambau n mwe nyan daa kunong.>>

⁶² Bur bagira kuruwa wii wuni a sa Yesu kin, <<Yaa ku ma nyii wei lee a dwii weleceu wu nuwa boo cegu a dwii ru?>>

⁶³ Yesu sin siyei tok.

Bagira kuruwa wii sa yo kin, <<N neca mina yi Yamba wii yi piima yi wera sa yiro ka ma Masiya Bol Yamba wai.>>

⁶⁴ Yesu nyii lee kin, <<Ong cika ku ma ce koo, anda n woo sagumbiru pina yi gawure bu kwee wei Bol Nere pisu a wai wu jeu Yambau wu yi Dimbire a bagu miringgu tinendi a diyou.>>

⁶⁵ Bagira kuruwa wii pwaranga see yo dingin ba juku bwiyan gaangu you, a ce kin, <<A ce cewi bwiyan din Yambai! Dingin ca yi kasigu seedaki wu kangge dong? Suwa, yoko bu nuu koo bwiyanu din Yambau.

⁶⁶ Bu ce min ca? Pma leeman yo kin, <<A yinno boore!>>

⁶⁷ Bur pma tuuman yo tiima kau, pero cumongo. Bu kangga kapanga yo.

⁶⁸ A ce kin, <<Masiya, ka ma banabi wai, sa yiro, wu buu mina we?>>

Bitrus gwela Yesu

⁶⁹ Bitrus woo pisu miringgi laa kuru wu bagira , bur bweecanga wu kangge wu twii kewe baa bonggo yo ce kin, <<Mo mwaasi ma woo kem yi Yesu nere wu Galili.>>

⁷⁰ Anda a gwela yo a gawuru pmai mwa mwa kin, <<N som bu tu ma cegi.>>

⁷¹ Pu twiyo nyinou, bweecanga wu kangge wu twii kewe ko yo, a sa nuwa bu pwii bwii kin, <<Wuna nere woo kem yi Yesu wu Nasaret.>>

⁷² A gwela dong, a werenga ce kin, <<N som bu woo nere.>>

⁷³ Gorou banyina pma bu pitindi pwii bwii aanda bonggo Bitrus a ce kin, <<Mangu, ma woo cudu pmai, dingin miu ce mou a jukuya.>>

⁷⁴ A toso werenggu kin, <<Bwiige ba tangge ka n cegu leendi wai, n som bu nere woo.>>

Kinongu koloo tee teere.

⁷⁵ Bitrus dangga tu Yesu sa yo, <<Kamin koloo ba tee teere, ma gwelenggu wei daa

kunong min ma songgu bu.>> A twiyo twalange, a ji windi wang.

27

Yahuda yaka buri yei

¹ Yi pinu kilang, bagiraa kuruwa yi bagiraa nuwa wa mwa mwa pma suwa tu pma ningu wei ba ji Yesu.

² Pma twala yo, mwatanga yi yo de bonggo Bilatus wu twii gomna.

³ Pu Yahuda wu cuu yo ko nuwa mwar man Yesu bali boori. A ninga mondo mondo, a puu ken asurpa kuna kunong dwii bagiraa kuruwa wa wii yi bagiraa nuwa bwii.

⁴ A ce kin, <<N ninga welem, n cuu nere wu yaa weleceu.>>

Pma ce kin, Do yiri dono, too biiki mo.>>

⁵ Yahuda para ken dwii miringgi laa Yambau, a mwati yaka buri yei.

⁶ Bagiraa kuruwa wa wii dee ken dwii a ce kin, <Teeri lee bu nuwa ba parni doo ken a betal, dingin too ken tiimai.>>

⁷ Pma lee ba dee ken dwii ba ten sima nere wu mweeni dinendi, dingin ba yo pu nuwa ting rungguwa.

⁸ Twii tono nuwa yiri kin, Sima Tiima wa lama yoko.

⁹ Too twang tu banabi Irmiya cei, <<Pma dee asurpa kuna kunong, too duu wu nuwa bu Israila wa ru woo kin nuwa ba cuu yo.

¹⁰ Pma dee ten sima nere wu mweeni dinendi cika ku Mbaa Wu Gira sangge.>>

Bilatus ningaman Yesu bali

¹¹ Yesu tin tiyei gawur gomna, gomna pira kin, <<Ma yoogi balaa wu Yudaya ru?>>

A lee kin, <<Ong cika ku ma ce koo.>>

¹² Pu bagiraa kuruwa wa yi bagiraa nuwa wa ce welemdi a dwii yei, yaa ku nyii lee.

¹³ Bilatus pira kin, <<Ma yaa nuugu seedaki wu pma cegu dwii ma ru?>>

¹⁴ Anda Yesu yaa ku sa pma ciyei, a dwii cewi tu pma ce dwii yei kana banyina, gomna riyanga buri wang.

¹⁵ Cika ku gomna mee ningu, kana sono Waandi Yerigu yo man nere wiino wu jarum wu nuwa kasa.

¹⁶ A dwii jore woo nere wu jarum wu nuwa soma wang yi ninga wu bwiye, dini yei Barabas.

¹⁷ Dingin tono pu nuwa kuranga buri, Bilatus pira pma kin, <<Wu bu kasi n man mbira we Barabas ru, Yesu wu nuwa yiri kin Masiya ru?>>

¹⁸ Dingin a soma kin pma taa Yesu bonggo you dingin bwii.

¹⁹ Pu Bilatus woo pisu a pisu wu yo ning balu, nure yo ninga man yo tune kin,

<<Ma ningamani ya nere wu yaa weleceu woo kana ca dingin reni n turuwa yi dweendi dingin yo.>>

²⁰ Anda kuruwa bu bagiraa wa yi bagiraa nuwa wa pma ciyongo nuwa ba ce kin nuwa ba man Barabas, nuwa ba ji Yesu.

²¹ Gomna pira kin, <<Cudu pmai bu rop, n man mbuwe we?

Pma nyii lee kin, <<Barabas.>>

²² Bilatus pira pma kin, <<N ning ca yi Yesu wu nuwa yiri kin Masiya?>>

Mwa mwa pma nyii lee kin, <<Piina yeu ba bwaa.>>

²³ Bilatus pira kin, <<Dingin ca? A ninga weleceu you ca?>>

Anda nuwa bwii cwata kwarindi kin, <<Bu piina yeu!>>

²⁴ Pu Bilatus ko yaa tu yo puu wei, anda pma toso kasigu ruuni, dingin tono a dee gundu a car wari yei gawur nuwa bwii a ce kin, <<N yaa wai dwii boore nere woo, yama tiima you ba siya dwii mbiri!>>

²⁵ Nuwa bwii mwa mwa lee kin, <<Yama tiima ya ba siya dwii yiri yi kwaraa yuwa!>>

²⁶ A man manuwe pma Barabas, a din nuwa waci Yesu, a nyii Yesu kacara bu Roma wa ba piina yeu.

Kacara ninga man Yesu nyasi

²⁷ Kacara Bilatus de Yesu miringgi caame gomna, pma yiwe kacara mwa mwa kuranga buri bonggo you.

²⁸ Pma wuronan yo see a teeman yo gatangamau ku wucici cika balaa,

²⁹ Pma menenga metuwal turi a diiman yo dwii. Pma dee jwalu nyiia a wai wu jeu, pma kun kwiyei gawur yei, pma ningaman yo nyasi cegu kin, <<Bundi, balaa wu Yudaya>>

³⁰ Pma tuuman yo tiima, pero pma dee jwalu ku wai yo kwii a ninga pu buwanggu dwii.

³¹ Goro pu pma mata ninga man yo nyasi, pma teeman yo see yo, pma de yo ba piina yeu.

Piingu Yesu yeu

³² Pu pma twiyonggu, pma kaanga yi nere wu kangge wu gwei Sayirin din yei Simon. Kacara bwii kicanga ba de yeu wii.

³³ Pma baanga pu nuwa yiri kin, Golgota, pitindi yei kin, <<Koko Dwii.>>

³⁴ Pma nyii Yesu gundu inabi casinggi tu kwerek ba naa, anda goro pu tiyau, a kwaa naagu.

³⁵ Pu pma piina yeu, pma cwaanga see yo bonggo keegu latombale.

³⁶ Pma sin siyendi, ninga pu swerigu yo.

³⁷ Nuwa bala weleceu you a piina dwii yeu wii nem yi dwii yei kin, <<Wunaa Yesu, balaa nuwa bu Yudaya wa.>>

³⁸ Nuwa piini kuuwa rop kem yi yo wu wiino wai you jeu, wu kangge wai wu miu.

³⁹ Nuwa bu cwiyongu wa ninga pu rweenggu a gepugu dwii a ninggu yo nyasi,

⁴⁰ cegu kin, <<Ma ce min ma repu wei Laa Yambau ma moru wei nyan daa kunong, mira buri mai, ma julo yeu woo, ka ma Bo! Yamba wai!>>

⁴¹ Yito mwaasi yi bagiraa kuruwa wa yi kulumba teeringi wa yi bagiraa nuwa wa pma ninga man yo nyasi.

⁴² Pma cegu kin, <<Yo mira bu kangga anda jaanga mirigu buri yei! Bala wu Israila! Yama ba julo dwii yeu woo, yo mwa yi lee wei jire yi yo.

⁴³ Yo lee jire yi Yamba. Yama Yamba ba mira yo ka kasi yo wei, dingin a ce kin, <Yo Bo! Yamba>>

⁴⁴ Ban kuuwa bu nuwa piina yeu kem yi yo wa rweenga yo mwaasi.

Boori Yesu

⁴⁵ Yake cudu nyanggi, kumjila laka sima bwii mwa mwa kopo yi nyambirangu jor du kunong.

⁴⁶ A jor du kunong Yesu yi yire yi duwei kin, <<Eloi, Eloi, lama sabaktani?>> Pitindi yei kin, <<Yamba mi, Yamba mi, dingin ca ma manggi siyei?>>

⁴⁷ Pu pma bu pitindi pwii wa nuwa yito pma ce kin, <<A yigu Iliya.>>

⁴⁸ Kinongu wu kangge ceero a diini soso gundu inabi ku jomburom a diina jwalu a diiman Yesu nyiyau ba naa.

⁴⁹ Bu kangga bwii ce kin, <<Bu dwiia poo yi ko ka yikwii Iliya ba mira wei yo wai.>>

⁵⁰ Pu Yesu pero yigu yiru yi duwai, piima ya twiyo.

⁵¹ A dwii jore kowe wu laa Yambau ngerenga buri rop toso diyou bee sima. Sima sikto buri swaringi gelenga buri.

⁵² Purongi wumongo buri nuwa bu walwal bu bwaanga wa wunongo yi piima.

⁵³ Pma twiyongu a purongi goro wungu Yesu boore, pma mwatanga gwei du walwal, pma juku buri pmai nuwa tum.

⁵⁴ Pu bagira kacara yi pma bu kem swerigu Yesu wa ko sima sikto buri yi mwa mwa tu ningi wa, pma nuu gwasi wang, pma ce kin, <<Manggu too Bo! Yamba!>>

⁵⁵ Nurumba tum boo pwii pma sugu kwaara. Pma pong Yesu yake Galili pma kalanggu yo wurai.

⁵⁶ A cudu bu boo pwii wa, boo yi bu Maryamu wu Magadaliya yi Maryamu njaa Yakubu yi Yسطسu yi njaa kwaraa Sabadi wa.

Tinggu Yesu

⁵⁷ Pu nyambiranggu n̄inga nem, bagina wu kangge wu gwēi Arimatiya a baa, din yēi Yusupu, yo yiri yēi woo cudu kwatimba Yesu wa.

⁵⁸ A aara bonggo Bilatus, a senggo komoū Yesu, Bilatus sa nuwa ba nyīiya.

⁵⁹ Yusupu diin nuwa cikumanuwe yo burī Yesu a yeu, a kumbulo yi lawan wu walwal.

⁶⁰ A diin yo a puri yēi du puci du wuli dwii sweli, A cenni sweli du duwi nyan puri dwii a mwati.

⁶¹ Maryamu Magadaliya yi Maryamu wu kangge wii pma pisindi puri dwii.

Nuwa bu swerigu puri Yesu wa

⁶² Ku lam pinu nyanggu sabadu, bagiraa kuruwa wa yi Parisayo aanda bonggo Bilatus.

⁶³ Pma ce kin, <<Nere wu gira, yi dangga tu nere wu ciyeni nuwa woo cēi pu boo woo yo pīmau kin, <Goro daa kunong n wuni wēi yi pīma dong.>

⁶⁴ Dingin ton̄o diin nuwa ba swera puri dwii nyan daa kunong, dakali, kwatimba ya ba jinda buri yēi, ba sa nuwa kin a wuni bonggo boore. Ka ningdīi yo ciyeni tu goro yo gwalu wēi tu gawuriyo.>>

⁶⁵ Bilatus nyiī lee kin, <<Bu dee kacara bu sweru wēi wa bu ambira puri dwii bu swera nyan dimbiri mbire.>>

⁶⁶ Pma aanda puri dwii, pma dii mwalinggi dwii sweli dwii, diini kacara ba swera.

28

Wunggu Yesu boore

¹ Goro nyanggu Sabadu yi pin kilang a nyanggu Laadi, Maryamu wu gwēi Magadaliya yi Maryamu wu kangge wii pma mwatanga ba suwa puri dwii.

² Sima sikto buri wang, dingin bacama Mbaa Wu Gira a julo diyou Yambau, a aara puri dwii, a gumbulo sweli dwii a siina dwii yēi.

³ A nyilanggu, see yo populok cika cankar.

⁴ Nuwa bu swerigu wa pma nuu gwasi yēi pma remcuwa yaranga cika nuwa bu bwaanggi wa.

⁵ Bacama wii sa nurumba wii kin, <<Bu nuu ya gwasi, dingin n soma bu kasigu Yesu wu nuwa piina yeu.

⁶ Yaa poo, a wuni cika ku ceu, bambe bu ko pu nuwa kendau.

⁷ Bu ambira kilang kilang bu sa kwatimba ya, <A wuni bonggo boore, anda woo songma Galili a gawur mbiri. Bu kwee wēi yo pwii.> Yoko n sambira.>>

⁸ Dingin ton̄o nurumba bwii yala buri du puri dwii yi gwasi, yi buri degdeg, pma ceendo ba sa kwatimba ya.

⁹ Kinangu kwii Yesu baa bonggo pmau ce kin, <<N cigu mbiru.>> Pma baanga bonggo yoū kwiino mwar yēi a kuraman yo sima.

¹⁰ Yesu sa pma kin, <<Bu nuu ya gwasi, bu ambira bu sa ciyamba muwa ba aanda Galili, pma konggu wēi pwii.>>

Ciyei du nuwa bu swerigu puri Yesu dee

¹¹ Pu nurumba bwii boo nyinou, bu kangga cudu nuwa bu swerigu puri Yesu wa mwatanga miringgu gwēi a sa bagiraa kuruwa wa kana ca tu ningwa.

¹² Pu bagiraa kuruwa wa kaanga yi bagiraa nuwa wa, pma sedo pwii, pma nyiī kacara bwii ken tum.

¹³ Pma ba sa pma kin, <<Bu sa nuwa min, <Kwatimba ya baanga yi kume ba jinda yo pu yi boo diimandu.>>>

¹⁴ Ka doo ciyēi lam bonggo gomna, yo nyan dwii yiri yi diramanu wēi yo gaanggu pero yi yiki mbiri wēi a kuule.>>

¹⁵ Dingin ton̄o pma dee ken dwii ninga tu nuwa sa pmai. Woo labar wasi buri kwaara bonggo nuwa bu Yudaya wa a baa kina nyanggu.

Teeri du girai

¹⁶ Kwatimba ya bu kwap sur wiino bwii a aanda Galili, a cingu ku Yesu sa pmau.

¹⁷ Pu ko yo, pma kuraman yo sima anda bu kangga lee bu kin wii Yesu.

¹⁸ Yesu baa bonggo pmau a ce kin, <<Mwa mwa dimbire wu diyou yi sima nuwa nyingge.

¹⁹ Dingin ton̄o bu ambira a kana piyau miringgi sima bu yiwe nuwa mwa mwa ba yoo kwatimba muwa, bu ningaman pma batisima miringgi din Mbaate yi du Bwiya yi du Bawei du Walwal.

²⁰ Bu pir pma ba ninga pongondi yi kana ca tu n sa mbirai. Jire, n woo kem yi mba kana pene pene, kopo nyanggu gwatugu simai.>>

COL

Bulus a ci nuwa bu ponggu bu gwei Kolosi wa

¹ Wuna lakargar baa bonggo Bulus, nere tumandi Masiya Yesu wu Yamba seka cuunggi dangandi yei yi Timoti bagon yire.

² Yi boo balaman nuwa Yamba bu gwei Kolosi wa, ciyamba yuwa bu yi jire miringgi Masiya wa.

Yama boo niyu yi pidau gaanggu wu Yamba Mbaa yire ba siya kem yi mba.

Bulus ceman kuru nuwa bu ponggu bu Kolosi wa

³ Kana dono jore du yi cegu kuru dingin mba, yi wanan Yamba, Mbaa, Mbaa Wu Gira Yesu Masiya yire,

⁴ dingin yi nuu leegu jire mbiru miringgi Masiya Yesu yi kangam wu bu ningaman nuwa Yamba wa mwa mwa.

⁵ Bu ninga yito dingin manam niyu wu nuwa ruu mbiro diyow, bu gacila bu nuu labar manam niyu a bonggo ciyei jirei, du twii ciyei du teng.

⁶ Ciyei du teng du bambuwe a jegu gawuru, a giru a sima mwa mwa, cika ku ninggu buru a cudu mbiri yake jor du bu nuwa pero bu kuranga boo ni Yambau miringgi jire.

⁷ Bu tilanga bonggo Abaparas bagon wurai yire wu yi kangne, wu ning wurai Masiya yi jirei dingin yo.

⁸ Yo sa yiri duu kangam ku bu ningi miringgi Bawei.

⁹ Dingin tono, yake nyanggu ku yi nuu tu bu ningi, yaa ku lara cegu kuru dingin mba palaka Yamba ba twanga mbira yi somgu tu kasi bu ninga a bonggo somandi yi kurandi tu Bawei nyii.

¹⁰ Dingin bu ninga pisu wu nyaau wu nyii wei giru Mbaa Wu Gira pero diramanu wei yo gaanggu, ninga mbire ba juji kana dono wurai du nyaai, yi giru miringgi somgu Yambau.

¹¹ Yi boo cegu kuru min, Yamba ba ciko mbiro yi kana wono dimbire cuunggi dimbire yo, wu yi yilau, palaka bu nyingga bogu gaanggu yi kanadi yi dirang gaanggu.

¹² Pero bu wananga Mbaa yire, yo wu dina bu yinno nyinggu gedel kem yi nuwa Yamba wa bu miringgi lau ku rang.

Yesu Masiya a gwala kana ca

¹³ Yamba mira yiro kuu lau Balaa Buwai ku rim, a de yiwe kuu lau Bol yo, wu kangne,

¹⁴ Wu waka yiro, pero a par siyei sukom welem yiru.

¹⁵ Nuwa yaa kwei Yamba, anda Masiya wii yo wekilei Yamba wu nuwa yaa kwei wii. Wii yo woo yi dimbire a dwii tu Yamba ruwo mwa mwa.

¹⁶ Dingin Yamba ruu yiringi mwa mwa a bonggo you, yiringi tu diyow yi tu simai, tu nuwa kwei yi tu nuwa yaa kwei, kana lau kana dimbire, kana balamba kana lauri, mwa mwa yiringi Yamba ruwo bonggo you pero dingin yo.

¹⁷ Yo woo pu boo Yamba ruu bu yiringi mwa mwa, pero yo diini yiringi mwa mwa yoo a pisu pmau.

¹⁸ Yo yoogi dwii buri, wu twii ikkilisiya. Yo too toson taawu kana ca, wii yo wu Yamba wun yo gawuriyo a boore, palaka a miringgi kana ca yo ba yo wu gira.

¹⁹ Yamba kasa kana ku Masiya yoo nere, yo cimacima yi Yamba a kana wono nyinou mwa,

²⁰ pero a bonggo Masiya a sipa kana ca yi yo, kana yiri tu simai yi tu diyow, a de pidau gaanggu bonggo pargu siyau tiima ya a dwii yeu.

²¹ Doo, mba bu kwaara yi Yamba, pero bu yoogi bacemba ya, dingin yiringi tu bwii tu bu ningai pero bu danggai.

²² Anda yoko Yamba diini Masiya ba yoo yi buri cika nere ba bwaa ba sipa mbira yi buri yei, palaka bu ninga walwal a gawuri yei, yaa dire pero yaa weleceu.

²³ Anda bu tiina leegu jirei mburu cingcing, bu laamani ya bonggo manam niyu wu bu boo yi tono bonggo ciyei du teng. Too ciyei du teng du bu nuwa, du nuwa wasiman kana we a sima, wu mi Bulus n yoogi kewe n wasiya.

Wurai Bulus dingin Ikkilisiya

²⁴ N woo yi buri degdeg dingin kuule wu n tiigu dingin mba, pero n kasi a buri mi n twanga tu nyonai cuunggi kuulu Masiya dingin buri yei su twii ikkilisiya.

²⁵ Mi n yoogi kewe ikkilisiya, dingin Yamba nyiinggi dingman yo dingin mba, palaka n sambiri ciyei Yamba cimacima,

²⁶ Ciyei Yambai du n sagumbiru doo, too tu tukugai yake ba doo doo, anda yoko Yamba juji nuwa ya.

²⁷ A bonggo nuwa Yamba bwii, Yamba seka ba juku nyaau ku yi yilau ku tukugau, a miringgi nuwa bu yaa yoogi nuwa bu Yudaya wa, wii Masiya a pisu miringgi mbiri, manam niyu wii yilau.

²⁸ Wii yo yi wasigu ciyei a dwii yei yi ningaman kana we dikacene, jukugu kana we yi somandi yiri mwa mwa, palaka yi de kana we biigi a miringgi Masiya.

²⁹ Dingin tono n ningi wurai yi kwasan kwii, yi dimbir Masiya wu wurai miringgi mi.

2

¹ Too tu diina n kasi bu som kwasang kwiiu wurai du n ninga dingin mba, pero yi pma bu Laudikiya wa, yi bu tii bu kogu mu wa.

² N ninga yito dingin n kasi pma ba ciko buru miringgi gaanggu pero ba neca dwii miringgi kangam, palaka pma ba nyingga wuure, jor du pma kuranga pero pma lee yi jire, pero ba som tu tukugai tu Yamba, wu wii Masiya.

³ Yo wu mwa mwa nyaau somandi yi kurandi tukugi miringgi yei.

⁴ N sagumbiru too yiringi palaka kana we ba wele mbir ya yi cewi tu cika jire, anda twii leendi.

⁵ Kana pu n yaa kem yi mba miringgi buru ne, anda n woo kem yi mba miringgi bawei, pero n woo ningi buru degdeg ku n nuu pongondi mbiri yi pitu mbiru miringgi leegu jire bonggo Masiya.

Param buru miringgi Masiya

⁶ Yake ku bu lee Masiya Yesu too Mbaa Wu Gira, bu ninga pisu naapu yi yo pero bu ninga pongondi yi yo.

⁷ Bu ru swandi pero bu mo buru miringgi yei, yi pitu yi dimbire miringgi leegu jire mbiru cika ku yi juku mbira, bu ninga pu wandima.

⁸ Bu ruun tuwe kana we ba dii mbiri ya bu ninga pongondi yi somandi tu nyoi, tu twii ciyendi yi dangandi nuwai. Tu pma jukugu twii teeringi tu simai tibak, twii tu Masiya ne.

⁹ Dingin a miringgi Masiya, Yamba juku buru yei cimacima yi yo.

¹⁰ pero a bonggo naapu mbiru yi Masiya, bu yoo nuwa bu twanggi wa, yo wu jeegi lau dwii balaamba yi dwii dimbire baweingi mwa mwa.

¹¹ A bonggo naapu mbiru yi yo, nuwa mwar mbiri gwane, twii mwargu gwane ku nuwa ningi yi wai ne anda kwii ku Masiya. Yo dema mbir ningandi buru.

¹² Jor du nuwa ningambiri batisima a ninga cika nuwa tin mbiro kem yi Masiya, pero a jor du nuwa wun mbiro batisima a ninga cika bu wunongo kem yi Masiya bonggo leegu jire mbiru yi dimbir Yamba, wu wun Masiya a boore.

¹³ Nang bu cika nuwa bu bwanggi wa dingin welemdi mbiri, dingin gaanggu mbiru twanggi yi welemdi, anda Yamba nyiimbiri piima kem yi Masiya, pero a para sukum welemdi yiri mwa mwa.

¹⁴ A deman siyei bali su dwii yiri dingin dwal pongondi yi teeringi nuwa bu Yudaya wa, Yamba demana bonggo piingu yeu.

¹⁵ A gwala dimbir baweingi yi wu lauri, a dwiiyanga pma melma a gawuri nuwai, a gwala dimbiri pmo a dwii yeu wii.

¹⁶ Dingin tono, bu lee ya kana we ba ko mbira yi welem dwii yiri tu bu jei kana tu bu nai, kana dingin bu yaa ningi waandi su pma ningi, kana waandi pwalau ku pucu kana cwaagu nyangu Sabadu.

¹⁷ Too wekilei yiringi tu too baayi, anda Masiya wii yo wu manggu.

¹⁸ Dingin tono, bu lee ya kana we ba dii mbira bu ninga cingon dwii wu leendu, yi kuraman sima bacamandi, ka bu pong tu pma jukugi yaa ku bu kinggu wej woriri tu Yamba ninga mbir alkawal. pma cegu kin, pma ko somdi a dwii too yiringi pero gaanggi pmai tu bwii ciyeni pma ba gira dwii.

¹⁹ Koo duu nuwau yaa naapu yi Masiya, yo wu twii dwii buru. Masiya wii yo neca buru swii mwa mwa ba yoo tu tiinoi, cika ku penendi yi kiri neca buru, ba gira cika ku Yamba kasu girau.

²⁰ Yake ku bwaanga kem yi Masiya a pera mbira a bonggo ponggu teering tu simai, dingin ca karai kwii bu ninggu pisu cika nuwa bu pong teering tu sima wa,

²¹ cika teeringi tu ce kin, <<Bu tari ya! Bu tii ya! Bu mwani ya!>>?

²² Too yiringi mwa mwa tagi ba bwiiwa, dingin too teeringi, yi yiringi tu nuwa jukuri.

²³ Pma dangandi kin too teeringi jukuri pwii, diini pma ba ninga kwasan kwiiu pala ba jukuya kin pmai ponggu Yamba ku dinggu, diini pma cingon dwii ku leendi, diini ba turongo buru pmai wang, anda yaa dimbire ba ja pma tumgu ningandi buru tu bwii.

3

Pisu wu pucu

¹ Yake ku bu wunongo kem yi Masiya, bu man nii a yiringi tu diyoyu, pu Masiya woo pisu a pu yilau pu Yamba miru.

² Bu ninga dangandi yiringi tu diyoyu, bu ningi ya a dwii yiringi tu simai.

³ Dingin bu bwaangi miringgi ninga buru, anda piima mba tukugi kem yi Masiya bonggo Yambau.

⁴ Nyangu ku Masiya yo wu twii piima mba baa, mba mwaasi bu baanga wej kem yi yo miringgi yilau you.

⁵ Dingin tono bu lara kana tono wurang buru. Ba bu taari, pusi, miyandi, kasigu yiringi tu bu twii, yawo, wu twii kuraman sima buwai.

⁶ Dingin soo welemdi sukum Yambau woo baayi dwii nuwa bu tum too yiringi wa.

⁷ Nang kwii bu tum too yiringi, pu bu pisindi miringgi buri.

⁸ Anda yoko bu lara too yiringi, ba bu sukum, cene, cere, bwiyanggu dinu, yi cewi tu bwii a nyandi mbiri.

⁹ Bu mwaramani ya leendi buri mbiri, yake ku bu du ninga mbiru wu nang,

¹⁰ bu yoo nuwa bu puci wa, bu wakuwa, too buri su puci Yamba mwe, yo wakugu ba yoo cika yo, palaka ba diina bu kuranga yo kundi.

¹¹ yake ku bu yoo nuwa bu puci wa, yoko yaa ner wu Yudaya, kana ner wu yaa yoogi ner Yudaya, wu mwargi gwane yi wu yaa mwargi gwane, rungge, wu yaa pwiya, kewe kana wu yaa yoogi kewe, anda Masiya wii yo neca yiro mwa mwa.

¹² Dingin tono, mba nuwa bu Yamba seka wa, bu walwal bu kangni wa, bu yoo nuwa bu yi bunam wa, nuwa bu yi kalunggu wa, yi cinggi dwii wa, bubuk wa pero yi kanadi wa.

¹³ Bu ninga kanadi yi kana we, pero ka wu kanggi bwiiya mbiri gaunggu bu paraman yo sukum, bu par siyei sukum cika ku Mbaa Wu Gira par siyei sukum mbiru.

¹⁴ Tu gwala mwa mwa bu ninga kangam, dingin kangam wii yo diini kana we ba teca dwii ku nyaau.

¹⁵ Yama pidau gaunggu wu bonggo Masiya ba jee lau a gaanggiri mbiri, yake ku bu yoogi ner wiino, Yamba yi mbira dingin pidau gaunggu. Bu yoo nuwa bu yi wandima wa.

¹⁶ Yama ciyei Masiya ba siina gaunggu mbiru kana dono jore, bu pir buri mbiri, bu ningaman buri mbiri dikacene yi pwii wang, bu pii pii lakargar piiyangi, yi piiyangi terenggu Yambai, yi piyangi Bawei, yi wandima bonggo Yamba miringgi gaanggiri mbiri.

¹⁷ Kana ca tu bu ning wej kana bonggo cegu ciyei kana bonggo ninga, bu ninga tu nuwa bu ponggu Mbaa Wu Gira Yesu ningi, bu wananga Yamba Kwiite a bonggo Masiya.

Pisu wu daa laa nuwa bu pongguwa

¹⁸ Nurumba, bu ninga pongondi yi bwiya mba cika ku daaya nuwa bu pongguwa ba ninga.

¹⁹ Bwiya mba, bu kangman nurumba mba, bu ningamani ya pma cene.

²⁰ Kwaraa, bu ninga pongondi yi kwiimba mba miringgi kana ca, dingin too tu diraman gaunggu Mbaa Wu Gira.

²¹ Kwiimba, bu bwiyamani ya gaanggiri kwaraa mba, dakali gaanggiri pmai ba yara.

²² Kewaa, bu ninga pongondi yi bagiraa mba miringgi kana ca, bu ningi ya a nundi

pmai tibak, cika ku nuwa bu kangga ningi dingin nuwa ba wandi pma, anda bu ninga yi gaunggu kiino bu nyiigu giru Mbaa Wu Gira.

²³ Kana ca tu bu ning wej, bu ninga yi gaunggu mbiru mwa mwa cika ku bu ningaman Mbaa Wu Gira, anda ner ne,

²⁴ dingin bu soma bu yiru wej woriri tu Mbaa Wu Gira ruuman nuwa ya. Dingin Mbaa Wu Gira Masiya wii yo bu ningaman yo wurai.

²⁵ Kana we wu ninga tu yaa kundi yiru wej woriri tu yaa kundi, Yamba yaa seki.

4

¹ Bagiraa, bu ningaman kewaa mba tu [daaya][cimacima], dingin bu soma min mba mwaasi bagira mbir woo diyoo.

Dikacene

² Bu kwasi kwii cegu kuru kem yi ruunggu tuwe yi wandima.

³ Pero bu ce yir kuru, Yamba ba wun yiri nyinou yi wasi ciyei yei, palaka yi wasi ciyei du tukugai a dwii Kristo du nuwa twalangee dingin tonoi.

⁴ Bu ce kuru n wasiya kundi cika ku daaya n ninga.

⁵ Bu sindi siyandi yi pwii cudi nuwa bu yaa ponggu wa, bu ninga wurai yi jore du bu nyngai.

⁶ Yama cewi mbiri ba yoo tu yi kalunggu pero teng kana dono jore, palaka bu puu nyiigu lee wu daaya kana we wu ninga mbir pira.

Cima bu cwata goro wa

⁷ Bagon yire Tikikus wu yi kangne, wu ningi wurai Masiya yi jire basin wurai yire miringgi Mbaa Wu Gira, sa mbiru wej kana ca a dwii mi.

⁸ N woo tum yo bonggo mbiru palaka ba sa mbir tu yi miri pero ba ciko gaanggiri mbira.

⁹ Baa wej kem yi Onisimus bagon yire wu yi kangne wu yi jire, yo wu twii bagon mbire. Pma sa mbiru kana ca tu pinai.

¹⁰ Bagon mi Aristakus wu woo jarum woo cigu mbiru yi Markus wu kaka pmo kiino yi Barnabas woo cigu mbiru mwaasi. Wii yo wu n sa mbir ciyei a dwii yei min, ka baayi bu yiya wari rop.

¹¹ Jocuwa wu nuwa yir kin Yustus woo cigu mbiru mwaasi. Boq nuwa bu kunong boq a ninggu wurai Lau Yambau kem yi mi a cudi nuwa Yudaya bu ponggu wa, pma cingongin gaunggu.

¹² Abaparas kewe Masiya Yesu yo wu twii bagon mbiri, woo cigu mbiru. Woo cegu kuru yi kwasam kwiiu dingin mba, palaka bu tindi tiyei yi dimbire a miringgi tu Yamba kasi bu ningai mwa mwa, bu

siya twanggi pero bu yoo yi kurandi tu manggu.

¹³ N kasi n sambira manggu a ninga wurai wang dingin mba yi nuwa bu gwei Laudikiya wa yi bu gwei Hirapolis wa.

¹⁴ Luka wu yi kangne, nere wu pu nyinou yi Dimas woo cigu mbiru.

¹⁵ Bu lam cijma muwa, ciyamba bu Laudikiya wa, yi Nimpa yi ikkilisiya wu laa you.

¹⁶ Goro pu bu ce lakargar woo a cudi mbiri, bu tumman nuwa bu ponggu bu gwei Laudikiya ba ce mwa, pero bu ce wu nuwa tumman nuwa bu .

¹⁷ Bu sa Arkipus min, <<Ba kwasi kwii ma mata wurai du Mbaa Wu Gira nyii minai>>.

¹⁸ Mi Bulus, n woo bala mbiri binaa cijma yi wai mu, bu dangga mi miringgi cali, boo nij Yambau ba siya kem yi mba.

1TH

¹ Wunaa lakargar twiwe bonggo Bulus yi Silas yi Timoti, aari bonggo nuwa bu ponggu Yesu wa bu gwei Tasalonika bu Yamba Kwiite yi Mbaa wu Gira Yesu Masiya. Boo niuu yi pidau gaanggu ba siya kem yi mba.

Yi ninggu wandima dingin leegu jire nuwa bu Tasalonika wa

² Yi wanan Yamba kana pene pene dingin mwa mwa mbiru pero yi boo ce kuru nyikirik dingin mba.

³ Yi boo danggimbiri a gawuri Yamba yire yi Mbaa yire, wurangi mbiri tu bonggo leegu jire, yi wurangi kangam mbiru tu bu ninggi, yi bogu gaanggu mbiru bonggo manam niuu mbiru miringgi Mbaa Wu Gira Yesu Masiya.

⁴ Ciyamba muwa bu Yamba kangman pma wa, yi soma min Yamba sekambira bu yoo nuwa ya,

⁵ dingin ciyei du teng du yi dembuwe yaa bonggo bene tibak, anda bonggo dimbire, yi Bawei du Walwal, yi leegu miringgi gaanggu jungulong. Bu soma yi duu pisu wu yi ninga a cudu mbiri dingin mba.

⁶ Bu tila yiro yi Mbaa wu Gira, dingin bu lee ciyei Yambai miringi tiigu kuule yi bur degdeg bonggo Bawei du Walwal.

⁷ Dingin tono bu yoo nuwa bu, nuwa bu lee jire wa mwa mwa, tilanu wei ninga mbire a sima Makidoniya yi sima Akaya wa.

⁸ Ciyei Mbaa wu Gira wasi buri bonggo mbire, yaa Makidoniya yi Akaya yi wundu anda leegu jire mbiru bonggo Ciyei Mbaa wu Gira a lama kana piyau. Dingin tono yaa tu yi ce wei a dwii leegu jire mbiru,

⁹ dingin pma ce ciyei dwii kanda ku bu yi yiro. Pma sa yiro kanda ku bu lee jire yi Yamba, bu kwaa buwangi, bu kuraman sima Yamba wu manggu pero yi piima,

¹⁰ pero bu yangu Bol yo wu baa wei diyoo Yambau, Yesu wu yo wun yo boore, wu mira yiro bonggo sukom Yamba wu woo bagu.

2

Wurai Bulus a Tasalonika

¹ Ciyamba, mba yiri mbiri bu soma min bagu yiru bonggo mbiru yaa ku siya nyo.

² Kana ku diwo you, nuwa pu yiri kuule yi rweendi a Pilipi cika ku bu somau, yi kalanggu Yamba yire, yi wasimbiri ciyei du teng a cudu kwaangi wang.

³ Dingin ciyei Yambai du yi wasimbirai yaa miringgi dwii liyari, yaa bonggo

dangandi yiri tu bwii, pero yi yaa ciyengumbiru.

⁴ Anda yi wasigu cika nuwa bu Yamba lee yi pma wa, pero a nyii pma dingiman wasigu ciyei du teng. Yi yaa kasugu yi diraman gaanggu nuwa anda yi kasi yi diraman gaanggu Yamba, yo wu cuu tu gaanggi.

⁵ Bu soma yaa ku yi ce ciyei yi bene du teng, yaa ku yi ce ciyei yi tuko yawo yire. Yamba yoogi seedaki yire.

⁶ Yi yaa kasugu nuwa ba wandiyiro, kana bonggo mbiru kana bonggo weu, na yi kasugu wei, na ninga wurai yi giru yiru ku nuwa tumandi bu Masiya wa, na yi kasa kalanggu.

⁷ Anda yi yoo nuwa bu yi kanadi wa a bonggo mbiru, cika ku njaate sweri kwaraa ya, yi swerambira yito.

⁸ Dingin yi kangmbiri wang, yi ninga bur degdeg yi wasimbiri ciyei du teng du Yambai, bur too ne anda yi nyii piima yuwa dingin mba, dingin bu boo gaanggu yiru.

⁹ Ciyamba, yi kasi bu dangga yi wurai yi kuule wu yi boo tiigu kume yi nyanggu dingin wasigu ciyei Yambai du teng dakali yi yoombiri dingman.

¹⁰ Bu yoogi seedaki, yito mwaasi a bonggo Yambau, kanda ku yi ninga pisu wu walwal yi tungu tu nyaayi pero yaa weleceu, a cudu mbiri bu lee jire wa.

¹¹ Cika ku bu somau yi ningaman kana wono mbire cika ku kwiite ningaman kwaraa ya.

¹² Yi cikombira, yi dorambiri gaanggu pero yi senggombira bu ninga pisu wu daaya gawuri Yambai, yo wu yimbira miringi lau you yi yila you.

¹³ Pero yi boo wanani Yamba kana pene, dingin a jor du bu lee yi ciyei Yambai du bu nuugu bonggo yiru doo, yaa ku bu lee cika too ciyei neri, anda bu lee manggu too ciyei Yambai, du dinggu du wurai bonggo mba bu lee jire wa.

¹⁴ Ciyamba, bu yoo nuwa bu tilanggu nuwa bu ponggu Yamba wa a sima Yudaya wa bu miringgi Masiya Yesu, bu tii kuule a bonggo nuwa mba cika ku nuwa bwii tii kuule bonggo nuwa Yudaya wa.

¹⁵ Pma ji Mbaa Wu gira Yesu yi banabindi pero a kee yiro. Pma bwiyanan gaanggu Yamba wang, pma ninggu cere yi kana we.

¹⁶ Pma kwasugu kwii ba ja yire cegu ciyei yi nuwa bu yaa yoogi nuwa bu Yudaya wa palaka ba yilaniya. A bonggo ninggu yito pma gamaman buri pmai welemdi. Anda sukom Yambau gicila juluman pma.

Bulus kasa ba waata buri a Tasalonika

¹⁷ Ciyamba, jor du yi cwaanga buri yi mba nyan jore banyina, a buri tibak anda dangandi yiri too kem yi mba, yi kasigu pero yi kwasigu kwiiu yi kombira nunge yi nunge.

¹⁸ Yi kasa bagu bonggo mbiru, mi Bulus n ninga pu kasugu bagu yaa daa kiino anda Balaa Buwai laka nyinou.

¹⁹ Dingin manam niu yiru, yi dirang gaanggu yiru yi metuwal gorsondi a bonggo Mbaa wu Gira Yesu nyanggu ku baa wei, bwii mba ne ru?

²⁰ Ku jireu, gorsondi yi dirang gaanggu yiru bwii mba.

3

¹ Dingin tono yaa ku yi pu bogu gaanggu, yi ko a gwala yi sindi siyei a gwei Atina yo wundu yiru.

² Yi tum Timoti bagon yire yi basin yire a wurai Yambai miringgi wasugu ciyei du teng du Masiya. Yi tuma ba cwatambiri dimbire pero ba cikombira miringgi leegu jireu.

³ palaka kana we gaanggu you ba yariya dingin kuule. Anda mba yiri mbiri bu soma min too tu dwii yiri.

⁴ Ku jireu, pu yi boo kem yi mba, yi gicila yi sambira min, yi ti wei kuule. Manggu a ningwa yitwii cika ku bu somau.

⁵ Dingin tono, n jaanga bogu gaanggu kana banyina, n tuma min n nuu labar leegu jire mbiru. N nuugu gwasu ko mwa Balaa Buwai ba teembira miyandi, bu yaranga, wurai yiri ba siya nyo.

⁶ Anda yoko Timoti waata buri bonggo mbire, a de yiwe ciyei du teng dwii leegu jireu yi kangam mbiru. Pero a sayiro kin bu boo yi dangandi tu nyaayi a dwii yiri, pero bu kasi bu koyiro, cika ku yo mwa yi kasigu yi kombira.

⁷ Dingin tono ciyamba, leegu jire mbiru a cikoyiro miringgi mwa mwa turon yi kuule wu yi boo miri.

⁸ Yoko mere, yi para buri yake ku bu tindi tiyei yi dimbire miringgi Mbaa wu Gira.

⁹ Wandima ya ca bu yi ningamanu wei Yamba, a dwii diran gaanggu yiru a gawuri Yambai dingin mba?

¹⁰ Kume yi nyanggu yi kwasigu kwiiu cegu kuru yi kombira kau yi kau, yi kalambira pu bu dwalanggi miringgi leegu jire mbiru.

¹¹ Yama Yamba Mbaa yire yo yiri yei yi Mbaa Wu Gira Yesu ba caryiri nyinou yi baanga bonggo mbiru.

¹² Yama Mbaa wu Gira ba cwatambiri kangam wang dwii kana wono mbire yi nuwa mwa mwa, cika ku yi ningambirau.

¹³ Yama ba ciko gaanggiri mbiri bu ninga pisu wu walwal, bu yoo yaa welem a gawuri Yamba yire yi Mbaa yire, kopo nyanggu ku Mbaa wu Gira Yesu baa wei kem yi mwa mwa nuwa bu bwii boya wa.

4

Pisu wu Yamba kasu

¹ Dingin tono tu cwata gorou, ciyamba, yi senggumbiru pero yi boo cikugumbiru dingin Mbaa wu Gira Yesu, bu ninga pisu wu nyaau, pisu wu diramanu wei gaanggu Yamba, cika ku bu tilanga bonggo yiru. Kana ku bu boo ninggu pisu yito, bu kwasi kwii bu ninga yito.

² Bu soma ciyei du yi sagumbiru a bonggo Mbaa Wu Gira Yesu.

³ Yamba kasi bu ninga walwal. Dingin tono bu cwaa kana kono duu taari.

⁴ Kana we ba som kanda ku sii wei kem yi nur* yo walwal yi nyiigu giru,

⁵ yaa miyandi taari cika ku nuwa bu sombu Yamba wa ninggu.

⁶ Kana we ba ningamaniya bagon yo tuwe, kana ba ningaman yo yiri cika too. Mbaa wu Gira ningamanu wei bali nuwa bu tum too yiring, cika ku yi sambira gawuriyo, pero yi ningambiri dikacene.

⁷ Dingin Yamba yiyirubu kin yi ninga pusi anda kin yi ninga pisu wu walwal.

⁸ Dingin tono, kana we wu kwaa doo ciyei yaa ku kwaa nere anda a kwaa Yamba, yo wu nyiimbiri Bawei du Walwal.

⁹ Yaa tagi nuwa ba balambiri bala a dwii ku bu kangmanu wei buri, dingin Yamba jukumbira kin bu kangman kana wono mbire.

¹⁰ Manggu bu ningaman kangam mwa mwa kiyaa nuwa bu ponggu bu sima Makidoniya wa. Kiyaa, yi boo cikugumbiru bu cwata ninggu yito.

¹¹ Bu kwasi kwii bu ninga pisu wu daayau, bu ninga tu gawuri mbiri, bu ninga wurai yi war mbiri, cika ku yi jukumbirau.

¹² Ka bu ning yito bu yo wei nuwa bu nyaaw, a bonggo nuwa bu yaa ponggu wa pero bu daaniya laa bonggo kana we.

Watugu Mbaa wu Gira

¹³ Ciyamba, yi yaa kasi bu yooya yaa somandi a dwii pma bu daa diima miringi Yesu wa, pma bu bwaanga wa, dingin bu ninga bwiyang gaanggu cika nuwa bu yaa manam niuu wa.

¹⁴ Yake ku yi lee jire min, Yesu bwaawuni, dingin tono yi lee jire pma bu daa diima kem yi Yesu wa, Yamba de wei pma kem yi Yesu.

* 4:4 4:4 Som wei kanda ku sii wei kem yi nur yo, kana ku tari wei buri yei

¹⁵ Cuunggi ciyei Mbaa wu Gira, yo bu yi boo yi piima wa a jor du Mbaa wu Gira baa wei, yaa ku yi gicilu wei nuwa bu bwaanga wunonggu.

¹⁶ Dingin Mbaa wu Gira yiri yei julo wei a diyowu kem yi yire yi duwei yi miu bacama wu gira pero yi wuugu jume Yamba. Pma bu bwaanga miringi Masiya wunonu wei gawuriyo.

¹⁷ Goro yito yo bu yi boo yi piima wa a dwii jore, nuwa de yir wei diyowu kem yi pma miringi tinendi, palaka yi kaanga yi Mbaa Wu Gira a diyowu. Yi sindi siyei kem yi Mbaa Wu Gira kana pene pene.

¹⁸ Dingin tono bu ciko buri yi doo ciyei.

5

¹ Ciyamba, a dwii jorondi yi daandi su too yiringi ningdu wei, yaa tagi yi balambira,

² dingin bu soma wang min, nyanggu Mbaa wu Gira baa wei cika kuwe yi kume.

³ A jor du nuwa boo pisindi pma cegu kin, <<Yi pisindi teng yi pidau gaanggu,>> bur bwijge baa yarman pma, cika ku buu pwii ningaman nurumba bu yi rwiyyengi wa, yaa ba gwala.

⁴ Anda ciyamba, bu yaa miringi kume yi ku nyanggu koo bambo wei cika kuwe.

⁵ Mwa mwa mbiru bu yoogi kwaraa pu rangu wa, pero kwaraa nyanggu wa. Yi yaa yoogi bu kum wa kana bu rum wa.

⁶ Dingin tono yi daaya diima cika bu kangga ningwa, yi ninga pu swerigu pero yi ta buri.

⁷ Pma bu daa diima wa daa yi kume, pma bu nyinma jiri wa, jiri yi kume.

⁸ Anda yake ku yi yoogi bu nyanggu wa, yi ta buri, yi tee leegu jire yi kangam cika dakilau, pero yi tee manam niuu wu mirayiri wei, wu cika dwari boo ken.

⁹ Yamba sekayiribu dingin sukom you, anda dingin yi nyingga mirma bonggo Mbaa Wu Gira Yesu Masiya.

¹⁰ Yo bwaa dingin yo, palaka kana yi boo yi piima kana yi daa diima yi sij wei kem yi yo.

¹¹ Dingin tono bu ciko buri mbiri pero bu mo buri mbiri cika ku bu ninggu yoko.

Dikaciyei yi ciima

¹² Ciyamba, yi boo senggumbiru, bu nyii giru bagiraa mba bu ninggu wurai a cudu mbiri, bu taambiri pero nyiimbir dikaciyei a dwii pisu nuwa bu ponggu wa.

¹³ Bu nyii pma giru kundi yi kangam dingin wurai pmai. Bu sin sindiyei yi pidau gaanggu yi buru mbiri.

¹⁴ Ciyamba, yi boo senggumbiru, bu yerenga nuwa bu yaa ningi wurai wa, bu ciko bu gaanggiri pmai yara wa, bu

kalanga bu yaa dimbiri wa, bu ninga kanadi yi kana we.

¹⁵ Bu lee yaa kana we ba ya tuwe yi tuwe, bu kwasi kwii kana pene bu ningaman bur mbiri tu nyaayi yi nuwa mwa mwa.

¹⁶ Bu ninga buri degdeg kana pene pene.

¹⁷ Bu ninga pu cegu kuru yaa largu.

¹⁸ Bu wananga Yamba a miringgi kana ca, dingin too tu Yamba kasi bonggo mbiru a miringgu Masiya Yesu.

¹⁹ Bu cingeniya ciyei Bawei du Walwal.

²⁰ Bu cediya cewi banabindi,

²¹ anda bu cuu kana ca, bu ta tu nyaayi,

²² bu kwaa kana tono yiri tu bwii.

²³ Yama Yamba, yo yiri yei wu yi pidau gaanggu ba diina bu ninga walwal mwa mwa, pero bu swera bawei mbiri yi piima mba yi buri mbiri yaa welem kopo jor waatigu Mbaa Wu Gira Yesu Masiya.

²⁴ Yo wu sekambira a yinno bu nyii jire yi yo, pero yo ning wei.

²⁵ Ciyamba, bu ce yiri kuru.

²⁶ Bu ci nuwa bu ponggu mwa mwa yi gaanggu walwal.

²⁷ N sagumbiru miringgi din Mbaa Wu Gira, bu ceman kiyaa mba mwa mwa lakargar wo.

²⁸ Yama boo niuu Mbaa wu Gira Yesu Masiya yire ba siya kem yi mba.

2TH

¹ Wunaa lakargar twiwe bonggo Bulus yi Silas yi Timoti, aari bonggo nuwa bu ponggu Yesu wa bu gwei Tasalonika bu Yamba Kwiite yi Mbaa wu Gira Yesu Masiya.

² Boo niuu yi pidau gaanggu bonggo Yamba Kwiite yi Mbaa wu Gira Yesu Masiya ba siya kem yi mba.

Wandiina yi kuru

³ Ciyamba, tagi yi wananga Yamba dingin mba nyikirik, a daaya yito, yake ku leegu jire mbiru a cwatugu buru kwang kwang, pero kangam kana wono mbire a cwatugu buru.

⁴ Dingin tono, yo yiri yiri yi ninggu gorsondi dwii mbiri a bonggo nuwa bu ponggu Yamba wa bu kanga dingin bogu gaanggu mbiru miringgu leegu jire miringgu yi tiigu kuulu yi turom wu bu boo miru.

⁵ Mwa mwa too jukuya kin bali Yambai cimacima, dingin bu yinno bu sindu wei siyendi miringgu lau Yambau, twii tono bu tiigu kuule a dwii lau kwii.

⁶ Yake ku Yamba ninga yo cimacima, tironu wei pma bu turonggumbiru wa,

⁷ anda mba bu nuwa turonggumbiru wa, nyiimbiru wei yoronggu yi yo mwaasi. Too yiri nindu wei a nyangu ku Mbaa wu Gira Yesu waata wei diyow jukuru wei buri yei kem yi bacamandi yei su yi dimbire miringgi cile bwalai.

⁸ Yo ningamanu wei bali pma bu kwaa Yamba wa yi pma bu kwaa ninggu ponggoni ciyei du teng du Mbaa wu Gira yire Yesu.

⁹ Yo mwarmanu wei pma bali su bwii kana pene pene, yo kee wei pma gawuri Mbaa wu Gira pero yi bonggo dimbire yo wu yi yilau.

¹⁰ A kwii nyangu baa wei dingin nuwa ya bu walwal wa ba nyii yo giru, pero pma bu lee jire wa buri baru wei pma mwa mwa. Too mwa ban mba, dingin bu lee jire yi seedaki yire.

¹¹ Dingin tono, yi cembiri kuru nyikirik min Yamba yire ba diina bu yinno yir yei, pero bonggo dimbiri yo ba twanga kana tono dangandi mbiri dingin tunggu tu nyaayi yi kana dono wurai mbiri du twii wei bonggo leegu jirei.

¹² palaka nuwa ba nyii giru din Mbaa wu Gira Yesu Masiya a miringgi mbiri, mba mwaasi nuwa ba nyiimbiri giru a miringgi yei, cuunggi boo nii Yamba yire yi Mbaa wu Gira Yesu Masiya.

2

Ner wu kwaa teeri Yambai

¹ Ciyamba, a dwii waatigu Mbaa wu Gira yire Yesu Masiya yi kanda ku nuwa kurayiru wei a bonggo you, yi senggumbiru,

² gaanggu mbiri ba wuniya kana ba mwaanga buri beda beda, ka bu nuwi kin, nyangu Mbaa wu Gira a lammuwe. Ko wu kangge ba ce yito miringgi bawei, kana miringgi cewi, kana miringi lakargar ba ce kin, bwii bu yo yi bala.

³ Kana we ba ciyembiriya a miringi kana sono nyindi, dingin nyangu kwii na baayi kopo ka nuwa kwaa teeri Yamba gawuriyo, pero ner wu kwaa Yamba wii twiwe wei, wu nuwa ruuman yo bwii ge.

⁴ Yo kwaa kana ca tu nuwa yiri kin yamba, yi kana ca tu nuwa kuraman yo sima, yo der dwii yei a gwala pma mwa mwa. Yo diiri wei Laa Yambau ba sin siyau, ba de bur yei yo yoogi Yamba.

⁵ Yaa ku bu dangga min, yi sambira too yiringi mwa mwa pu yi boo kem yi mba ru?

⁶ Yoko bu som tu jagu yo bagu dingin yo jukuru wei buri yei ka jor yei ninggi.

⁷ Kana yoko ningga wu bwii wii too ningu buru tukugi, anda yo wu jagu wii, jee wei gawure, kopo ka Yamba deman yo.

⁸ Bur ner wu kwaa teeri Yambai wii baa wei anda Mbaa wu Gira Yesu bwianu wei yo yi cewi yei tu nyiia yei, ba ji yo bonggo bagu you a nyangu waatugu you.

⁹ Ner wu kwaa teeri Yamba wii baa wei yi dimbiri wurang Balaa Buwai, wurangi tu gembirendi yi somdi yi yiringi bagu buri, wundu wundu.

¹⁰ Ning wei wurai yi kana ca tu bwii ba ciyengo nuwa bu nyino booru wa, dingin pma kwaa kangam jire wu mir wei pma.

¹¹ Dingin tono Yamba tumuwe ciyendi kwang kwang palaka pma ba lee yi leendi,

¹² dingin nuwa ba ningaman bali pma mwa mwa bu kwaa leegu jire yi jire wa, pero pma nuu tengu tungu tu bwii.

Bu tindi tiyei yi dimbire

¹³ Ciyamba, tagi yi wananga Yamba nyikirik dingin mba bu Mbaa wu Gira kangman pma wa, dingin Yamba sekambira bu yoo bu gawuriyo wa, bu nyingga mirma bonggo Bawei du diini bu ningi walwal yi leegu jire mbiru yi cei du jire.

¹⁴ Tu diinai a yimbira bu nyingga mirma bonggo ciyei du teng du yi sambirai, dingin bu nyingga yilau Mbaa wu Gira Yesu Masiya.

¹⁵ Dingin tono, ciyamba, bu tindi tiyei yi dimbire, pero bu ta tu yi jukumbira bonggo cewi yi bala yiri.

¹⁶ Yama Mbaa wu Gira Yesu Masiya yo yiri yei yi Yamba Mbaa yire wu kangyiro, cikoyiri gaanggu kana pene pene yi manam niuu wu nyaau bonggo boo nii you, ¹⁷ ba ciko gaanggu mbiru ba nyiimbiri dimbire miringgi wurangi tu nyaayi yi cewi tu nyaayi.

3

¹ Cwata goroi you, ciyamba, bu ceyiri kuru palaka ciyei Mbaa wu Gira ba wasi buri kilang kilang pero ba kingga nyiigu giru, cika ku kinggau a bonggo mbiru.

² Pero bu ce kuru Yamba ba mirayiro bonggo nuwa bu bwiiwa bu tum tu bwii, dingin yaa mwa mwa nuwa bu lee jire wa.

³ Mbaa wu Gira wu yi jire, yo nyiimbir wei dimbire, swerumbiru wei bonggo wu bwii woo, Balaa Buwai.

⁴ Yi man nii yi Mbaa wu Gira min, bu ponggu tu yi sambira, pero bu jee wei gawure yi ponggu.

⁵ Yama Mbaa wu Gira ba taa gaangiri mbiri miringgi kangam Yamba, yi boogu gaanggu ku Masiya.

Yeru a dwii kwaagu wurau

⁶ Ciyamba, yi boo sagumbiru ciyei miringgu din Mbaa wu Gira Yesu Masiya, bu neciya dwii yi ner wu ceri wari, wu yaa ponggu tu yi jukumbira.

⁷ Mba mwa yiri mbiri bu soma min, tagi bu tilanga tu yi ningi, jor du yi boo kem yi mba yaa ku yi cera wari.

⁸ Yaa ku yi je jeendi nyo a bonggo kana we, anda yi ninga pu wurai yi cusanggu kume yi nyanggu, daakal yi yoo dingiman a dwii kana wono mbire.

⁹ Yi puu wei yi sambira bu kalayiro, anda yi kasi bu tilanga bonggo yiru.

¹⁰ Kana pu yi boo kem yi sambira min, ner wu kwaa wurai, bu nyiia jeendi.

¹¹ Dingin yi nuugu labar kin bu kangga mba yaa lee wurai, pma yaa ning kana dono wurai buru jagu nuwa ning wurai pmai.

¹² Boo nuwa, yi boo sagu pma, pero yi yerigu pma miringgi Mbaa wu Gira Yesu Masiya ba kingga pidau gaanggu ba ninga wurai, ba jee buri pmai.

¹³ Anda mba ciyamba, bu janganiya yi ninggu tu nyaayi.

¹⁴ Ka wu kangge mbire kwaa ninggu ponggondi yi tu yi sambira miringgi lakargar wunaa, wu yi boo balambire, bu ruun tuwe, bu neciya dwii yi yo palaka ba nuu melma.

¹⁵ Anda bu deriya yo cika bacen mbire, bu ningaman yo dikacene cika ciyate.

Ciyei du cwata gorou

¹⁶ Yama Mbaa wu Gira wu yi pidau gaanggu, yo yiri yei ba nyiimbiri pidau

gaanggu kana dono jore, yi kana wono ninga. Mbaa wu Gira ba siya kem yi mba mwa mwa.

¹⁷ Mi Bulus, n woo balambiri binaa cijma yi wai mu. Too somdi a dwii kana wono lakargar wu n bala, n bali bala yito.

¹⁸ Yama boo niuu Mbaa wu Gira Yesu Masiya yire ba siya kem yi mba mwa mwa.

1TI

¹ Wuna lakargar baa bonggo Bulus. Yamba nere mirma yire yi Kristo Yesu, wu yi man nii yi yo, pma sangge kin n yoo nere tumandi Kristo Yesu.

² N balamin mo Timoti bol mi wu jire miringgi leegu jirei.

Boo niiu yi bunam yi pidau gaanggu wu Yamba Kwiite yi Mbaa Wu Gira Yesu Masiya ba siya kem yi mo.

Dikacene a dwii kulumba leendu wa

³ Pu n mwatigu Makidoniya, n samina ma sin siyei a Apisa palaka ma yera nuwa bu jukugu yiringi tu yaa cimacima yi ciyei Yambai.

⁴ Ma sa pma ba bwiyaniya jor pmai bonggo ba cindi yi dinendi kakaa pma tu yaa matigu. Too yiri din nuwa gwela, yaa kalan nuwa ba man nii yi Yamba.

⁵ Tu diinai n ninggu woo dikacene palaka mwa mwa nuwa bu ponggu wa ba twangwa yi ninggu kangam wa twiiwe miringgu gaanggu ku nyaau, yi dangandi tu nyaai, yi manggu niiu yi Kristo ku manggu.

⁶ Anda nuwa bu kangga poronga bonggo too yiringi tu nyaai mwa mwa pero pma bwiyaanga jor pmai bonggo cewi tu yaa dwii.

⁷ Pma kasi nuwa ba som pma cika kulumba teeringi Musa wa, anda pma som bu tu pma cegi, kana yito pma ce ciyei gek.

⁸ Yi soma teere kundi ka nuwa nindi wurai cimacima yi tono.

⁹ Nuwa ningabu teere dingin nuwa bu tum tu nyaa wa. Nuwa ninga dingin nuwa bu yaa pong teere wa, pero pma bu som bu Yamba wa pero yi welem wa, yi pma bu yaa walwal wa, pero nuwa bu yaa gwasi Yamba wa, pma bu laci Mbaa mba pma yi njaa mba pma pero laci nuwa bu kangga,

¹⁰ yi bu ningi taari wa yi bu daayi nambimbamba wa, yi bu jinani nuwa wa, yi baleenda, yi bu yaa ce jire a kan bali wa. Yi kana ca tu yaa cimacima cima yi yiri tu nuwa jukuya,

¹¹ too baa bonggo Ciyei du Teng du Yamba du yi wuure. Too Ciyei du Teng du nuwa nyingingi.

Wandima Bulus wa dingin bunam Yambau

¹² N wananga Kristo Yesu Mba Wu gira yire, yo wu nyiingge dimbire n ninga wurai yei. Yo kongge n yinno pero sekangge n ninga man yo wurai,

¹³ kana pu n bwiyaanga din Kristo. N rweenga pero n turongo nuwaya. Anda

Yamba nuu bunam mu dingin n ninga miringgi dwal kurandi yi leegu jirau.

¹⁴ Anda Mbaa Wu Gira wu yi nii yi boonii! A twangange yi leegu jirau yi kangam wu bonggo Kristo Yesu.

¹⁵ Tina ciyei jirei, kana we ba kingga ba yiya, "Kristo Yesu ba miringgu sima ba mira nuwa bu yi welem wa" Anda mi n yoogi wu kwecekwece cudu pmai mwa mwa.

¹⁶ Anda Yamba nuu bunam mu palaka Kristo Yesu ba ninga wurai yi mi bonggo kanadi yo wu tum a bonggo pma bu yi welemdi kwecekwece wa. Pero dong bu kangga ba kuranga, pma ba pu jirei, ba nyingga piima bu yaa matuguwa.

¹⁷ Mwa mwa giru yi yilau koo ku Yambau kana pene pene! Yo yoogi balaa wu kana pene pene, wu nuwa yaa kweeyi, wu yaa bwaari, Yo wundu yoogi Yamba. Amin.

Wurai Timoti

¹⁸ Timoti, bol mi, tina dikaceni mi a bonggo mou, cuunggi ciyei banabi du ciyei gawuriyo. Yama ba kala mina ma ninga kwai su nyaai miringgi kwai Mba Wu gira.

¹⁹ Ma man nii yi Kristo miringgi leegu jirau mau, yi dangandi tu nyaai. Dingin nuwa bu kangga ning dangandi tu bwii beere; dingin tono leegu jirau pmau bwiiire.

²⁰ Cika Hamenus yi Aleksanda too yiri pmo. N yiki pma n nyii balaa buwai palaka ba tilanga kanda ku na bwiyani din Yambai.

2

Jukugu yiri dwii kurgu simau

¹ N senggo mina, tu gawuriyo, ma ceman kuru nuwa mwa mwa. Ma senggo Yamba ba kalanga pma; ma dimino cudu pmai yi Yamba; ma wananga Yamba nyan pmo.

² Ma ce kuru dingin balamba yi mwa mwa bu yi giruwa palaka yi siya yi pidau gaanggu yi param buru yi gwasi Yambai yi nyiigu giru a kana wono nyinou.

³ Yito kundi, pero diraman gaanggu Yamba nere mirma yire,

⁴ wu kasi kana we ba nyingga mirma pero ba som jire,

⁵ Dingin Yamba wiino pero woo yi wu cude, yo wundu wu sipi naapu yi Yamba yi nere, wii Kristo Yesu.

⁶ A nyii piimaya dingin ba nyiingaman kana we param buru. Too ciyei du Yamba nyii nuwa bu sima wa a jor du dayai.

⁷ Anda Yamba sekengge, n yoo nere wu wasiri ciyei yi nere tumandi. N juku nuwa bu yaa yoogi nuwa bu Yudayawa a dwii manan niu yi jire. N yaa cegu leendi anda n sagumbiru jire.

⁸ A kana piyau pu nuwa kuru simau, n kasi namirmba ba wun war pmai walwal diyowu ba ce kuru bonggo Yambau, yaa sukondi yi gwela.

⁹ Pero n kasi nurumba ba twiyongo yi see wu cimacima cima wu daaya wu nuwa nyii giru, ba sir ya dwii du yi waandi kwang kwang yi teegu sinariya yi gisi yi see wu yi piru.

¹⁰ Anda nurumba bu ce kin pmai nyii giru Yamba wa, a daaya ba wuuwe nuwa bonggo wuran pmai tu nyaai tu pma ninggi.

¹¹ Nurumba ba tilanga yiri tok yi cinggu dwiiu.

¹² N yaa kasi nurumba ba juku yiri nambirmba, kana ba jee lau dwii pmai. Yama pma ba katwiyowu tok.

¹³ Dingin Yamba ruu Adamu gawuriyo, anda ba ruu Awau.

¹⁴ Wu Balaa Buwei welengo wii Adamu ne, anda wu nuwa welenga wii Awau, wii yo paa teere Yambai.

¹⁵ Anda nurumba nyinggu wei mirma bonggo bigu kwarau. Ka kwasir kwii leegu jirau yi kangam yi pisu walwal yi pisu wu nyaau.

3

Bagiraa Ikkilisiya wa

¹ Tina cedu jirei: "Ka nere kasi ba yoo nere wu gira wu ikkilisiya, a kasa wurai du nyaau.>>

² Dingin tono nere wu gira ba yoo nere wu yaa cedigi. Ba yoo nere wu yi nure wiino, nere wu tagi buri, wu nuwa nyii giru, nere wu lee rungguwa laa you, nere wu puu jukugu yiri.

³ Ba yoo yaa banam nyinma, yi wu ning ruuni. Ba yoo nere wu yi kanadi, wu yaa kwai, wu yaa kangni kene.

⁴ Tagi ba yoo nere wu pu tagu laa you kundi, kwaaraya nyii giru a kana tono yiri pero ning pongondi yi yo.

⁵ Dingin ka nere puu bu tagu laa you ne, nindu wei nye ba puu tagu ikkilisiya Yamba?

⁶ Nere wu gira ba yoo ya nere wu ninga bwiiwa puci, dingin yaa buu ba lee dwii, pero nuwa ningamanu wei yo bali cika ku nuwa ningaman Balaa Buwei.

⁷ Bambang, nuwa bu yaa ponggu wa ba ce tu nyaai dwii yei dingin ba nuu yaa melma pero ba yanniya tandau Balaa Buwei.

Nuwa bu ning kalanggu a ikkilisiya wa

⁸ Yito mwaasi, nuwa bu ningi wurai a ikkilisiya wa ba yoo nuwa bu nuwa nyii giru wa, bu yi jire wa. Ba yoo ya banaamba nyinma wa, yi yawo kasugu kepu.

⁹ Pma ba yoo nuwa bu nyii dwii wurangi leegu jire tu nuwa sombu pero ba siya yi dangandi tu nyaai.

¹⁰ Nuwa ba yesa pma bati. Ka yinno wai, pma ba ninga wurai.

¹¹ Yito mwaasi yi wuramba pma, ba yoo bu nuwa nyii giruwa. Ba yoo yaa nurumba bu yi tu ceruwa. Pma ba taa dwii pmai, ba tu n jirei a kana ca tu pma ningi.

¹² Nuwa bu ningi wurai ikkilisiya wa ba yoo nere wu nure wiino pero ba suwa kwaraya yi laa you kundi.

¹³ Pma bu ninga wurai pmai kundi, nyinggu wei nyigu giru bonggo bu kangga pero cwatu wei leegu jirau pmau miringgi Kristo Yesu.

Ciyei jirei dwii leegu jirau.

¹⁴ N man nii n baa wei bonggo mou yaa sigu. N baligu tina yiringi bonggo mu yoko.

¹⁵ Dingin ka n liyan buri, bu somu wei tu dayai nuwa Yambau wa ba ningai yi buri pmai. Tinaa nuwa Yambau wu yi piima, yo wu yoogi timbau yi taa jirau.

¹⁶ Yaa pira, tina tu tukugai a miringgu leegu jirau yiru:

Kristo a baa miringgi buri cika nere, anda bawei du walwal ce yito a dwii yei.

Bacamandi ko yo,

anda pma wasi ya a duuri.

Nuwa lee jirei yi yo a sima mwa mwa, anda nuwa dee diyowu yi yilau.

4

Dikacene dwii kulumba leendu wa

¹ Yoko Bawei Yambai sagu yiru dak kin, daandi su cwata gorou bukangga kwaa wei manggu nii yi Yesu; pma ponggu wei bawei leendi yi yiri tu wuturindi pirdi.

² Nuwa bwii twii nuwa bu batal wa yi bu mwaran leendu wa, pero dangandi pmai boogi.

³ Pma ce wei kin ninggu laabwiya yaa cimacima pero yaa cimacima ma jee jeendi tu kanggi. Anda Yamba ruu too jeendi kin nuwa bu yi jire wa pero som jire ba jee yi wandima.

⁴ Yake ku kana ca tu Yamba ruu wo kundi, yi kwaa ya kana tono anda yi yiya yi wandima.

⁵ Dingin yi soma a yoo tu nyaai bonggo ciyei Yambai yi kuru.

Kewe Kristo Yesu wu nyaai

⁶ Ka ma sar too yiringi kamba bu namirmba yi bu nurumba wa bu ponggu, ma yo wei kewe Kristo Yesu wu nyaai, wu nuwa taa yi cewi manam nii yi yiri tu nyaai tu nuwa jukumina, ma pongai.

⁷ Ma liyaniya burī gwela a dwii yiri tu twii tu Yambai ne yi bacindi nurumba bu ritengi wa. Yi ku ma ningū wei yito, ma yera burī mai, ma yo nere Yamba.

⁸ Turonggu nem burū kundi banyina, anda pongū ciyei Yambai a gwala a kana wono nyinou, dingin a dee kalanggu yoko yi piima bu boō baa wa.

⁹ Tina ciyei jirei du kana we ba yiya.

¹⁰ Too tu diinai yi ninggu wurai wang pero yi kwasiri kwii, dingin manam nii yiru a bonggo Yamba wii yi piima. Yo wu twii nere mirma nuwa mwa mwa, cika nuwa bu lee jire wa.

¹¹ Juku too yiri pero ma sa kana we tagi ba ninga.

¹² Ma lee yaa nuwa ba cedo mina dingin ma yaa giri. Ma yoo nere wu nuwa bu lee jire wa tilanu wei mwa mwa a bonggo ceu mai yi wurangi mai yi kangam mau yi manam nii mau yi pisu walwal.

¹³ Ma kwasan kwii cegu ciyei Yambai bonggo nuwa, yi wasigu ciyeu pero yi jukugu pmau, kopo ka n baayi.

¹⁴ Ma kwaa yaa somandi tu Yamba nyii mina pu bagiraa ikkilisiya wa cermini war pmai, pma ce ciyei Yambai a dwii mai.

¹⁵ Ma ruun tuwe a too yiringi. Ma diin dwii wurai mai palaka kana we ba ko jegu gawuri mau.

¹⁶ Ma suwa kanda ku ma ningū pisu mau kundi yi yiri tu ma pirgi. Ma jee gawure yi ninggu tono, dingin ka ma ningi, ma mir wei burī mai yi bu nuugu mau wa.

5

Dikacene a dwii wutukola, bagiraa, yi kewaa.

¹ Ma sariya ciyei nere wu gira yi kwai, anda ma kenda man yo miu cika ku ma sar ciyei mba mau. Ma sa ciyei nuwa bu yaa girangi wa cika ku ma sar ciyei ciyamba ma.

² Ma sa ciyei nurumba bu girawa cika ku ma sar ciyei njaa mau, pero ma sa ciyei nurumba bu yaa girangi wa cika ku ma sar ciyei ciyamba ma bu nurumba wa. Ma ninga yi gaanggu ku walwal.

³ Ma suwa kana wono wutukolo wu yaa nere wu su yo.

⁴ Anda ka pma boo yi kwaraa kana kakaa wei, ba ninga tu Yamba kasi a laandi pmai gawuriyo pero pma ba wora kwiimba pma yi sugu pmau. Too yiri tu diraman gaanggu Yambai.

⁵ Wutukolo wu jire twii nure wu yo wundu, wu man nii bonggo Yambau. Yo ce kuru senggī kalanggu Yambau kume yi nyanggu.

⁶ Anda wutukolo wu kasi tengu tibak bawei yei bwaagi kana pu yi piimau.

⁷ Ma sa nuwa bu pongguwa too yiringi, palaka nuwa ba ninga tu daa yei.

⁸ Anda pma bu yaa su naapu pmau, ya cika bu laa pmau wa, pma gwela leegu jirau pmau. Boo nuwa a gwala nuwa bu yaa pongguwa yi bwiige.

⁹ Wutukolo wu nuwa murnu wei kuci bu nuwa kalanu wei wa balama cika mila kun nokono pero wu ning bwiyaate wiino.

¹⁰ Pero nuwa soma yi wurangi tu nyaai baabu: Sugu bakwaraau, yigu rungguwau, cargu mwar nuwa bu ponggu wa, kalanggu nuwa bu tigu kuulu wa yi nyiigu dwii dingin kana tono wurangi tu nyaai.

¹¹ Wutukola bu nyititiwa, nuwa ba ceni yaa kuci, dingin miyam pmou cwanu wei pma yi Kristo pero pma kasi wei perugu laabwiya.

¹² Pma weju wei bonggo degu alkawal pma wu gawuriyo.

¹³ Anda ka nuwa din pma kuci, pma ningi wei kuule, pma bwiyanu wei jor pmai tu ceeri ponggu laa yi laa a casingu burī miringgi wurangi nuwai a cegu tu daabu pma ba ciyei.

¹⁴ Dingin tono n ninga man dikacene wutukola bu nyititiwa ba ninga laabwiya ba bi kwaraa, ba suwa kwaraa pma a lai. Palaka bacamba ba kinggi ya tu ce wei dwii pmai.

¹⁵ Dingin bu kangga pma poranga, pong Balaa Buwei.

¹⁶ Ka nure wu ponggu wu woo yi wutukola a pu n pmai, ba suwa pma. Ba duuriya ikkilisiya, palaka ikkilisiya ba suwa wutukola bu jire wa.

¹⁷ Bagiraa bu ninga wurai pma kundi nuwa ba nyii giru pero nuwa ba ya pma kundi, yaa cika bu kwasugu kwiiu bonggo wasigu ciyei yi pirgu nuwa.

¹⁸ Dingin Dentteere ce kin, "Ma diini ya balantang a nyan gontole jor du bacigu jamau.>> Pero a bonggo wukange kin, "Pma bu ninga wurai wa a yinno nuwa ba ya pma.>>

¹⁹ Ma kari ya twiyau kwaramē wu nuwa dee mo wei dwii bagiraa, kopo ka nuwa rop kana kunong ciyei.

²⁰ Bagiraa bu ninga pu ninggu welem wa, nuwa ba wun pma gawur nuwa bu pongguwa; yito yoo wei dikacene bonggo nuwa bu kangga.

²¹ N woo sugu mau a gawuri Yambau yi gawuri Kristo Yesu yi bacamandi su sekigai, ma pong too teeringi yaa sekigu bu kangga ba du kangga.

²² Ma yaliya sekigu bagiraa bu ikkilisiya wa yi ceringgu pma wari. Ma diini yaa

dwii mai welem nuwa bu kanggau. Ma siya walwal.

²³ Ma naa yaa gundu yi wundu. Ma naa gundu inabi banyina dingin buu pwii mou yi buri mai su yaa sii cingcing.

²⁴ Ma songma min welem nuwa bu kangga dak a der pma bali su kanggi. Anda welemdi nuwa bu kangga tukugi kopo jor du kanggi.

²⁵ Yito mwaasi wurangi nuwa tu nyaai dak, kana wurangi tu nuwa ninga tukugi nyanggu ku kanggu twiwe wei dak.

6

¹ Mwa mwa kewaa ba nyii giru bagiraa pma, palaka ba dee yaa yiri melmai a dwii din Yambai yi yiri tu yi piroyo.

² Ka bagiraa bwii ponggu, kewee ba kwaa yaa nyiigu pma giru dingin twii kappima bu ponggu wa. Kewaa ba ninga wurai yi kwasan kwii wang dingin ba bagiraa pma bwii bu ponggu wa pero kangman pma.

Kulumba leendu wa yi gina wu jire

Timoti, ma juku too yiringi, ma ciko kana we ba ninga pongondi yi tonu.

³ Ka nuwa jukur yiri leendi tu yaa cima cimacima yi cewi tu nyaai tu Mbaa Wu Gira yire Yesu Kristo yi tu yaa cima cimacima yi pisu wu Yamba kasu,

⁴ too leegu dwii pero yaa tu somai. Ko duu nere kasi gwela a dwii cewi. Too dee bwii yi cwaanggu buru yi rweendi pero yi dwal leegu yi buri.

⁵ Boo nuwa pma ning gwela. Dangandi pmai yaa kundi, pma kwaa jire, dangani kin ponggu Yamba twii nyonou kasigu ginou.

⁶ Ponggu Yambau yi gaanggu leppek yiri yei too gina.

⁷ Yi baanga bu sima yi kana ca pero yaa tu yi deru wei ka yi wunni dugu.

⁸ Anda ka yi boo yi jeendi yi see, yi ninga gaanggu leppek.

⁹ Anda nuwa bu kasi gina wang wa yaraman miyandi welem yi tandau yi miyandi cini su dee cusugu, ba bwiiige piimaya mwa mwa.

¹⁰ Dingin kangam kenu too toson taawu yiringi tu bwii tum. Anda nuwa bu kangga kasigu kenu a din pma poranga bonggo leegu jire pero pma ji buri pmai yi bwiyang gaanggu.

Dikacen Bulus wu cwata gorou

¹¹ Anda mo, Timoti, nere Yamba, ma cemin too yiringi mwa mwa. Ma kwasi kwii tumgu tu nyaai yi pisu wu Yamba kasi yi leegu jirau yi kangam yi bogu gaanggu yi cingu dwiu.

¹² Ma ninga kwai su nyaai dingin leegu jire. Ma taa piima bu yaa matuguwa, bu

Yamba yimina mirwa, pu ma ninga bwiyangawu nuwa tum.

¹³ N sa mina a gawuri Yambai, yo wu nyii piima yiringi mwa mwa, yi gawuri Yesu Kristo, wu ce ciyei jire a dwii yei a gawuri Bilatus,

¹⁴ ma ninga pongondi yi too teeringi yaa dire, Kopo ka Mba Wu gira Yesu Kristo waatai.

¹⁵ Yamba wu yi wuure, Yo wu Gira, balaa balamba yi Mba Wu gira wu mba wu girandi wu dee wei Kristo a jor yei.

¹⁶ Yo wundu wu yaa boori, woo yi piima, sii rang wu yaa nere wu lam nem, wu yaa nere wu ko pero yaa wu kwee wei. Gira yi dimbire ko you kana pene pene! Amin.

¹⁷ Ma sa pma bu yi gina pinaa sima ba lee yaa dwii, ba mani ya nii a gina wu yaa sii. Anda ba man nii a bonggo Yambau, wu nyii yiri kana ca dingin nuugu tengu yiru.

¹⁸ Ma sa pma ba ninga yiri tu kundi, ba ninga wurangi tu nyaai tum, ba ninga nii pero ba cwaanga yi bu kangga.

¹⁹ Bonggo ninggu yi too, pma rumanu wei betal buri pmai wu twii taa pisu pmau pina yi gawure, dingin pma ba nyinggu wei piima bu manggu wa.

²⁰ Timoti, ma ning wurai du Yamba nyimina. Ma deman dwii mai bonggo cewi tu nyoi tu yaa walwal yi somandi tu twii leendi

²¹ Nuwa bu kangga poronga bonggo leegu jirau dingin pongi too cini.

Boonii Yambau ba siya kem yi mba.

2TI

Cima Bulus wa.

¹ Tina lakargar Bulus, Wu Yamba seka cuungi dangandi yei ba yoo nere tumandi wu Yesu Masiya. Yamba tungge n sa nuwa ciyei piimai bu ninga alkawal wa a bonggo Yesu Masiya.

² N balamin Timoti bol mi wu n kangne. Boo niuu yi bunam yi pidau gaanggu wu Yamba Kwiite yi Mbaa Wu Gira Yesu Masiya ba siya kem yi mo.

Bulus ciko Timoti

³ Timoti, n wanan Yamba dingin mo, Yamba wu n kuraman yo sima yi dangandi tu nyaai, cika ku kakaa muwa ningau. Kume yi nyanggu, n dangga mini miringgu kuru mu kana dono jore.

⁴ N kasi n komina dong, dingin n danggu gwer merma ma pu yi cwangu buru. Pero n ningwe wei buri degdeg ka yi kiino dong.

⁵ N dangga leegu jirau mau ku manggu, cika ku kaka mo Lowis yi njaa mo Yunis boo yi tono. Pero n soma ma woo yi koo leegu jirau.

⁶ Too tu diinai n dangga mina min, ma jee gawure yi nii du Yamba nyimina a jordu n cermi wari.

⁷ Dingin Yamba nyii yiri bu bawe gwasi, a nyii yir du dimbir, yi kangam yi tagu dwiu.

⁸ Dingin tono ma nuu yaa melma sagu nuwa ciyei dwii Mba Wu gira yire. Pero ma nuu yaa melma muwa, kana ku n woo jarum dingin yo. Mo mwaasi ma cusu wei kem yi mi yi dimbir wu Yamba nyimina dingin ciyei du teng.

⁹ Yo mira yiro yi ninga pisu wu walwal. Ninga bu yito dingin wurangi yiri tu nyaai anda too dangandi yei yake toson taayau, palaka ba juku boonii you ku bonggo Yesu Masiya.

¹⁰ Anda yoko a juki yiri too yiri mwa mwa gembel, bonggo bagu Yesu Masiya, nere mirma yire. A kiyanga dimbir boore pero a juki nyinou piimau bu yaa matir wa a bonggo ciyei du teng.

¹¹ Yamba sekangge n yo nere wu wasir ciyei, yi nere tumandi yi nere wu jukur ciyei du teng.

¹² Too tu diinai n woo cusugu a jarum. Anda n yaa nuugu melmau, dingin n som wu n lee jire yi yo, pero n soma puu wei swerigu tu nyiinggi* kopo nyanggu ku yo waata wau.

¹³ Ma tina cewi tu nyaai tu ma nuwa bonggo mu mwa mwa, ba yoo nyinou wu

ma pong wei. Ma siya yi leegu jirau yi kangam wu yi boo yi tono a bonggo Yesu Masiya.

¹⁴ A bonggo dimbir bawe du walwal du woo kem yi yo, ma swera yiring tu nuwa nyimina kundi.

¹⁵ Cika ku ma soma, mwa mwa nuwa bu pongguwa bu sima Asia a kwaange ban Pijelus yi Amajenes.

¹⁶ Yama Mba Wu gira ba nuu bunam laa Onisiporus mwa mwa dingin baa suwanggi nyikirik pero cikengi. Yaa ku nuu melma muwa kin dingin n woo caligi yi cali.

¹⁷ Ka ba Roma, kasangi kana piyau kopo ka konggi.

¹⁸ Yama Mba Wu gira ba nuu bunam you nyanggu ku Masiya waata wau, Pero mo, ma songi du kalanggu ku ningangina a Apisa.

2

Kacala Yesu Masiya nu nyaa

¹ Timoti, bol mi ma ninga dimbire bonggo boonii ku Yamba nyii yiro bonggo Yesu Masiya.

² Yiri tu ma nuungge pir yei a gawuri nuwa tum, ma piri too yiri nuwa bu yi jire wa bu pma ka pirdu wei bu kangga.

³ Ma bo gaanggu bonggo cusugu kem yi mi, cika kacala Yesu Masiya wu nyaa.

⁴ Kacara yaa casin buri nuwa, dingin ka pma ningi yito yaa ku diramanu wei gaanggu nere wu gira pmo wu de pma wurai.

⁵ Pero nuwa bu ningi kakari curi wa, yaa ku nyinggu wei woriri kopo ka pong teeri kakari.

⁶ Pero bajome wu ning wurai yi kwasankwiu tagi yoo wei wu gawuriyo wu nyinggu wei woriri jangam wurangi yei.

⁷ Ma ninga dangandi a dwii tu n cegu, Mba Wu gira kalaminu wei ma kuranga too yiringi mwa mwa.

⁸ Ma siya danggu yi Yesu Masiya, kaka balaa Dawud, wu wuni a boore. Too ciyei du teng du n wasiri,

⁹ dingin tono, n cusugu pero nuwa calange yi cali cika nere wu welgi. Anda nuwa na puu caligu ciyei Yambai.

¹⁰ Dingin tono n lee n bo gaanggu yi kana ca dingin nuwa bu Yamba seka wa palaka ba nyingga mirma yi yilau ku miringgu Yesu Masiya.

¹¹ Tina ciyei du jirei: Ka yi bwaani kem yi yo,

yi sii wei kem yi yo mwaasi.

¹² -Ka yi bor gaanggu bonggo tiigu kuulu, yi jee wei lau kem yi yo.

Ka yi kwa yo

* 1:12 1:12 tu nyiinggi, kana, tu n nyii yei

yi ka mwa kwa yiri wej.

¹³ Ka yi ningi dwal jirei
yo yiri yei sam sam yi jire,
dingin yo na pu ba kwa buri yei.

¹⁴ Ma dangga kana we yi too yiringi, ma yera pma a gawuri Yambai ba lara gwela a dwii cewi. Dingin koo duu gwela yaa kundi, pero bwianni nuwa bu pma nuugu wa.

Nere wurai wu nyaa

¹⁵ Ma ninga wurai yi kwasam kwiu palaka Yamba ba wandi mina. Ma yo nere wurai wu nyaa, wu yaa ku nuu wej melma, wu jukir ciyei jirei cimacima cima.

¹⁶ Ma kwaa cewi tu nyoi, yi cewi cini tu cwati ninga wu yaa kundi.

¹⁷ Too cewi wasiri siyau cika benteng, Yimenawus yi Pilitus jukuya too yiringi.

¹⁸ Pma du nyinou jirau, pma cegu kin wunongu booru mere a cwiiyo; yito a din nuwa bu kangga du leegu jirau.

¹⁹ Anda jirei Yamba tindi tiyau cika sweli du taa mweendi, balinggi wuna bala: "MBA WU GIRA som boo ya,>> pero "Mwa mwa bu yoogi bu MBA WU GIRA wa tagi ba kwaa tu bwii.>>

²⁰ A laa wu duwe, see jeendi wu kangge menenggi yi sinariya yi asurpa, pero wu kangge menenggi yi souwi yi gari. See wu yi pircu nuwa nindi wurai a jorondi waandi, anda wu yaa pircu nuwa nindi wurai kana kono nyangu.

²¹ Kana we ka cardi buri yei, dur too yiringi tu bwii, yoo wej see wurai wu yi yilau. Yo ningi wej walwal, menenggi dingin Nere wu gira ba ning kana dono wurai du nyaai.

²² Ma cemin kana toño yiri tu dee miyau wu bobiri. Ma kasa pisu wu nyaau a gawuri Yambai yi jire yi kangam yi pidau gaanggu. Ma ninga too yiringi kem yi nuwa bu kuraman sima Yamba yi gaanggu walwal.

²³ Pero n woo sagu mau ma diini ya dwii mai gwela wu ciniyo wu yaa kundi wu dee kwai.

²⁴ Kewe Yamba tagi ba caari ya anda ma ninga man kana we kangam, ma puu pirgu yiri nuwa, ma ta kanadi yi nuwa.

²⁵ Ma cingo miu ka ma sagu ciyei nuwa bu kwaa jire wa. Yikwii Yamba waku wej gaanggiri boo nuwa, pma tilanu wej jire.

²⁶ Pma watanga wej miringgu dangandi pmai, pma gwalu wej tandau balaa buwai. Dingin a ree pma kewuri ba ninga tu yo kasi pma ba ninga.

3

Nyangu ku cwata gorou

¹ Timoti, n kasi ma soma, nyangu ku cwata gorou yoo wej jor du yi buyi wang.

² Nuwa kang manu wej buri pmai, ning wej yawo. Pma ningu wej Gorsondi yi leegu dwii, nuwa bu yi runi wa, yaa pongondi yi kwiimba pma, yaa wandima. pero nuwa bu yaa gwasii Yamba wa.

³ Pma yoo wej yaa kangam, yaa pargu sukum, pma bwiyani wej dine pero yaa tar dwii. Pma yo wej yi tuwe pero kwaa wej yiri tu nyaai.

⁴ Pma cuuru wej basimba pma, pma ning yiri yaa dangandi, pma twanggi yi leegu dwii, pma kasi tengu gwala ponggu Yambau.

⁵ Pma ningu wej cika pma som Yamba anda pma kwaa dimbiri yo. Ma ninga kwaraa yi boo nuwa!

⁶ Pma too nuwa bu teendi laandi nuwa wa, ba lelem nurumba bu yaa pwiyanggi wa, bu welem turonggu pma wa, pero twanggi yi miyandi wundu wundu.

⁷ Boo nurumba kana pene pma ponggu yiri tu puci tu nuwa pir pmai, anda pma jaanga somgu jireu.

⁸ Boo kulumba kwaa jire cika Jannes yi Jambires bu gwela Musa wa. Danggadi pmai yaa kundi, pero yi leegu jirau kwii ku nyoo.

⁹ Anda pma na jee gawure a bonggo too yiri. Kana we somu wej cini pmai cika ku ningwa yi bu Jannes yi Jambires .

Bulus nyii dikaceñe Timoti

¹⁰ Anda mo, Timoti, Ma som tu n pir yei yi pisu wu n ningau, yi yiri tu n manna gawuri. Ma som leegu jirau mu yi kanadi mi yi kangam mu yi bogu gaanggu mu.

¹¹ Ma som nyindi su nuwa turongge yi kuule wu n boo gaanggu miru. Ma som mwa mwa turonggu ku nuwa ningangina a Antakiya, yi Ikoniya, yi Listura anda Yamba mirangge.

¹² N sagumou jire, kana we wu ka kasi ba ninga pisu wu Yamba kasu miringgi Yesu Masiya tii wej kuule.

¹³ Anda nuwa bu bwiiwa yi nuwa bu yi lelu wa gwalanu wej bwiiwe. Pma cionu wej nuwa bu kangga yi buri pmai mwaasi.

¹⁴ Anda mo, ma tina jirei yiringi tu ma tilanga. Ma soma too jirei, dingin ma som pma bu juku mina wa.

¹⁵ Nuwa juku min Lakargar Yamba yake pu ma babwiyayo pero pma pirmin pwii du diina ma yi mirma bonggo leegu jire yi Yesu Masiya.

¹⁶ Mwa mwa Lakargar Yamba too ciyei du baa bonggo Yambai. Kundi dingin pirgu jire, yera yiri yi kuranga yiri tu yaa kundi, mena yiri ka yi ningi tu yaa kundi, pero juku yiri pisu nyaau a gawuri Yambai.

¹⁷ Yamba n̄ndi wurai yi tono ba menenga, ba cipa nuwa ya d̄inḡin kana dono wurangi du nyaai.

4

¹ N wōo sa m̄in d̄ina ciyei a gawuri Yambai yi Yesu Masiya, yo wu nyanggu ku punge n̄ngamanu wei bali nuwa bu kurii yi bu bwaangii wa ka baa jegu lau yau,

² ma wasi ciyei Yambai, kana jor doo kana yaa ne, ma menenga pma, ma yera pma, ma ciko pma kem yi kanadi wang yi jukugu yiri.

³ D̄inḡin jor doo baayi du nuwa na kar twiyau kana ca tu cima cimacima tu nuwa jukuya. Pma ponggu wei tu gaanggu pmai pero pma kasi wei kulumba bu saru wei tu twendi pmai kasi nuugi.

⁴ Pma kwaa wei jire anda kasi wei nuugu bacindi.

⁵ Anda mo, ma taa dwii mai bonggo kana ca. Ma nuu yaa gwas̄i tigu kuulu d̄inḡin Mba Wu gira. Ma n̄nga sagu nuwa ciyei du teng, ma n̄nga kana dono wurai du Yamba nyii m̄inai.

⁶ Cika mi kam, n nyii piima muwa ba yōo nii bonggo Yambau. Jor boori mi a n̄nga nem.

⁷ N n̄nga kwai su nyaai, n mata wurai mi, n taa leegu jire.

⁸ Anda yōko woriri metuwal wurangi tu nyaai woo nyanggu mu, wu Mba Wu gira, wu n̄ng bali su jirei, nyiinggu wei a nyanggu ku waatau. Anda woriri twii buri mi yi wundu ne anda kana we wu yanggu bagu you wa.

Wurai Bulus du cwata goroi

⁹ Timoti, kankam kwasi kwii ma bame kilang kilang.

¹⁰ Dimas kwaangge d̄inḡin kangman yir̄inḡi tu simai, a mwati Tasalonika, Kerisens, a mwati Galatiya pero Titus mwati Dalmatiya.

¹¹ Wu pina bonggo mu buri Luka. Ma denguwe rau yi Markus ka wunuwe bagu d̄inḡin kalanggu wei a wurai mi.

¹² N tum Tikikus a Apisa.

¹³ Ka ma wunuwe bagu ma denguwe landau kororou mu a bonggo Karpus a Tarwasa.

¹⁴ Aleksanda bakwiya a ningangin yiri tu bwii kwang kwang, anda Mbaa Wu Gira n̄nga manu wei yo bali a dwii yiri tu n̄ngai.

¹⁵ Ma ruun tuwe a dwii yei d̄inḡin yo n̄ngga cere wang yi kana ca tu yi ciyei.

¹⁶ Ku gawuriyo nuwa dengge bonggo nuwa baluwa, yaa nere wiino wu baa kem yi mi. Kana we a kwaangge. Yama doo bali ba yo yaa a dwii pmai.

¹⁷ Anda Mba Wu gira kalangge a nyinggi dimbire palaka n pu wasi ciyei du teng mwa mwa, a bonggo nuwa bu yaa yoogi nuwa bu Yudaya wa ba nuwa mwa mwa. Pero a mirangge bonggo boore.

¹⁸ Anda Mba Wu gira yikungu wei bonggo yiri tu bwii a dengge lau ku diyow cingcing. Mwa mwa yilau a bonggo Yambau kana pene pene! Amin.

Ciima Bulus wa bu cwata goroi wa

¹⁹ Ma lam cijma muwa Piriskila yi Akwila yi pma bu pisindi laa Onisibaporus.

²⁰ Arastus a tin tiyei a Korinti, pero n du Tiropimus yaa cingcing a Miletus.

²¹ Ma kwasi kwii ma baa bonggo mu bōo karang n̄nga bu. Ebulus a tumuwe cima ma, pero Pudens yi Linus yi Kilaudiya yi mwa mwa ciyamba bu nambirmba yi bu nurumba wa.

²² Yama Mbaa Wu Gira ba siya kem yi bawei mai. Pero Yama booni you ba siya yi mba mwa mwa.

PHM

¹ wunaa lakargar a baa bonggo Bulus, wu nuwa manna jarum dingin wasugu ciyei du teng a dwii Yesu Kristo, yi bonggo bagonyo Timoti. N balgu mau Pilimon, bagon wurai yire wu yi kanggi,

² yi bagon yire wu nure Apiya, pero yi bagon yir kacala Arkipus, yi nuwa bu ponggu bu kurang buri a laa mau.

³ Yama Yamba mbaa yire yi Mbaa Wu Gira Yesu Kristo ba nyiimbir boo niyu yi pidau gaanggu.

Wandima yi kuru Bulus

⁴ N wanan Yamba mi kana pene ka n cegu kuru dingin mbaa, Pilimon.

⁵ Dingin n ninga pu nuugu leegu jire mbiru a miringgi Mbaa Wu Gira Yesu yi kangam mbiru dingin mwa mwa nuwa Yamba wa.

⁶ Anda n woo cegu kuru min bu dinu wei mangu wai mbiru ku baa bonggo leegu jire mbiru cika ku bu soma pero bu tilanga mwa mwa yiringi tu nyaa twii boo yi tonai bonggo Kristo.

⁷ Kangam mbiru a nyigi bur degdeg yi cingu gaanggu, ba gonmi, dingin wurangi mbir tu nyaai a mwaanga gaangir nuwa Yamba wa.

Bulus ninga senggo dingin Onisimus

⁸ To tu dinai n singu mou, N kasigu a miringgi din Kristo dingin to tu daayai a bonggo mou.

⁹ Anda dingin kangam yiru, n gwala tibak n senggo mina.

¹⁰ N senggo mina ma pir kasugu bol mi, Onisimus. N yoo mba yo miringgi leegu jire jor du woo a jarum.

¹¹ Onisimus yoo bu ner wu nyaa a bonggo mou gaure you, anda yoko tina ner wu nyaa bonggo mi yi mo.

¹² N woo per sukugu yo a bonggo mou, pero kem yi yo woo baayi yi gaanggu mu.

¹³ N kasa n ruwo pina a bonggo mu, kana ku n woo miringgi cali dingin wasugu ciyei do teng, pero na kalanggu wei nyan mo.

¹⁴ Anda n kasa bu ningi kanaca yaa leegu mou, N kasa mo ma kalangge dingin ma kasa, yaa dingin nuwa kaca mina.

¹⁵ Ma cwaanga buri yi Onisimus nyan jor banyina, dingin ma kinga yo dong kana pene pene.

¹⁶ Yaa cika kewe mere a bonggo mou, A gwala pitu kewe, yo yoo bagon yire miringgi kangam, cima cima you a bonggo mu. Yoko ninga wei kundi wang a bonggo mou, mwa mwa cika nere yi bagon yire a miringgi Mbaa Wu Giraa.

¹⁷ Dingin tono ka ma konggi n yoogi bagon mo, ma teranga cika ku ma teranga wu wai.

¹⁸ Kana na bwiyanan ca a kana wono nyinou pero ma pong kanaca wai, bur ma pirangge mi.

¹⁹ MI, BULUS N WOO BALAMIN TINA YI WAI MU: N YAR WAI. PERO YAA KU CEI WAU MIN MA PONGI PII MA MA.

²⁰ Ong, bagon mi, kankam ningangin koo kalanggu dingin Mbaa Wu Gira. Nyingi koo diran gaanggu miringgi Kristo.

²¹ N woo yi param buru ku bala wuna lakargar min ma ningga tu n senggo mina kana tu gwala to ma.

²² Yir tino tu nyonai bagon mi menenggi kang runguwa, dingin n manni min Yamba nuwai kuru mau palaka n waata buri a bonggo mou, /s Cima Bulus bu cwata goro ba

²³ Ipararas, bagon jarum mi a miringgi Kristo Yesu, woo tum miri cima.

²⁴ Yito mwa yi Markus, Aristakus, Dimas yi Luka ba sing wurai mi.

²⁵ Yama boo niyu ku Mbaa Wu Gira Yesu Masiya ba siya kem yi bawe mai.

JAS

Ciima Yakubu wa

¹ Wuna lakargar a baa bonggo Yakubu, kewaa Yamba yi Mbaa Wu Gira Yesu Kristo. N woo balaman, duuri kwap sur rop tu nuwa bu Yudaya wa bu ponggu wa bu weenga a sima mwa mwa. N woo cigu mbiru.

Leegu jirau yi somandi

² Bu ninga buri degdeg ciyamba muwa bu nambirmba yi nurumba wa, ka bu tembirii kuule wundu wundu bu de toq tengu,

³ dingin bu soma cuugu dee giru a miringgi bogu gaanggu

⁴ Yama ba gira, dingin ka borgu gaanggu matu giru mwa mwa, yi biyanu wei, yaa dwal kana ca.

⁵ Ka wu kangge cudu mbiri yaa pwii ne, ba sengo Yamba yire yo wu yi nii nyiiminu wei kana we yaa dwali. Yo na yere mini dingin ma sengo.

⁶ Anda ka ma sengi yo, ma man nii, bonggo Yamba yo wundu. Ma cwaniya gaanggir rop, dingin nere wu cwaanga gaanggir rop cika gwerai gundi du wuturi sukugi.

⁷ Koo du nuwa ba danggiya kin pmai nyinggu wei yiri tu kanggi bonggo Yamba.

⁸ Gaanggir pmai cwanggi rop a bonggo Yambau yi yiri tu sima, pero pma yaa puwii ba tina yiri tino tu ninggi.

Kuule yi gina

⁹ Nuwa bu pu jire wa kana twii bakuuluwa boo yi yiri tu lee wei dwii yi tono dingin a gawur Yamba pma yi giru.

¹⁰ Anda pma bu yi gina bu ponggu wa ba ninga buri degdeg dingin Yamba diina pma cingo dwii. Dingin pma mwatir wei cika pundi tu gulai.

¹¹ Ka nyanggu twiwe wulok siyangi kusuri, pundi tu nyiititi yuyoni, yilau you kwardi. Yito yi bagina, pma kwardu wei puu pma boo kasugu ginu.

Cuugu

¹² Yamba diinan wuure pma bu boo gaanggu yi cuugu. Dingin goro pu mata, yo yiru wei metuwal piima wu Yamba ningaman alkawal pma bu kangman yo wa.

¹³ Anda ma dangga kana nuwa cuumina, ma ce yaa min, "Yamba cuugu mu" Dingin nuwa cuu Yamba yi yiri tu bwii, yikaa yaa ku cuu wei kana we.

¹⁴ Cuugu baa bonggo miyandi welemdi yiri su lamba yiri ba man yiri siyei.

¹⁵ Anda ka Miyam der rwii bir welem, ka welem giri dee boore.

¹⁶ Nuwa ba ciye mbirya ciyamba muwa bu nurba wa yi bu nambir wa.

¹⁷ Kana ca tu nyaai yi tu cimacima baa bonggo Yambau Mba yire, yoo wu ruu rangdi su diyoo. Yo wu yaa wakire kana banyina cika wekilei.

¹⁸ Yo seka ba bi yiro bonggo ciyei du jire. Anda yo a cudu yiringi tu ruu wai yi gwalaman yo kana ca.

Kagu twiyau yi ningu

¹⁹ Ciyamba muwa bu nambirmba wa yi bu nurumba wa bu kangni wa: Kana we ba katwiyau kilang, anda bu yaliya cegu ciyeu, pero bu suku ya kilang.

²⁰ Sukom neru yaa dee ninggu tu Yamba kasi.

²¹ Ma deman cewi yi ningandi tu bwii mwa mwa, ma lee yi ciyei yei Yamba du piya a miringgu gaanggu mau yi dwii cinggi, dingin yi dimbire ba mira.

²² Anda ma kariya twiyau ciyei Yambai tibak. Tage ma ninga tu ciyei. Ka yito ne, ma welenggu buri mai.

²³ Dingin ka ma kar twiyau ma ninga bu pongondi yi tono ne, cika ma suwa kau mau a bajwale.

²⁴ Ka ma kwee buri mai, ma mwatimini, yoko yoko ma mondo kanda ku mai tonou.

²⁵ Anda ka ma su kundi yi teeri Yambai tu nyaai, du nyiiminu wei paran buru, ka ma jee gawure yi tumgu tu ciyei, ma mondo bu tu ma nuwa ne, Yamba diiminu wei wuure a kana ca tu ma ning wei.

²⁶ Ka ma ciyei min ma ponggu Yamba anda ma yaa tar benmai ne, ma welenggu buri mai, ponggu Yamba mau nyoo.

²⁷ Ponggu ku walwal a bonggo Yamba Mba yire twii sugu kwaraa bu yaa kwiimba wa yi Wutu kola a Miringgi kuulu pmo yi nere ba taa buri yei bonggo yiringi tu simai tu bwianu wei yo.

2

Dikacene a dwii degu bu kangga ba gwala bu kangga

¹ Ciyamba muwa bu nambirmba yi nurumba, a pisu mbiru wu bu lee jire yi Mba Wu gira Yesu Kristo wu yi yilau, ma deriya bu kangga gwal bu kangga.

² Cika ka nere wu kangge teewe see wu nyaai yi gilatane sinariya baa Ikkilisiya mbire, wu kangge yika teewe gusingi.

³ Ka ma nyii bagina giru ma sar min, "Siina pisu wu nyaau.>> Anda ma sar ba kuulu wii min, "Mo tin tiyei poo, ka yito ne, ma sina sima a mwar mi.>>

⁴ Ma jukugu bu min, ma kasi wu kanggi wii gwala wu kangge pero ma mwar bali yi dangandi tu bwii ru?

⁵ Bu katwiyou, ciyamba muwa bu nambirmba yi bu nurumba wa. Yamba sekabu bakuulwa bu sima bina ba yoo ba nyauwa a leegu jire ru? Bwii pma bu jee wei lau Yambau ku yo ninga alkawal dingin pma bu kangman yo wa ru?

⁶ Anda bu cedo bakuulwa! Anda twii banyauwa turo mbiri pero dembiri laa balu neru?

⁷ Bwii pma bu rweenga Yesu Kristo, yo wu bu lee jire yi din yei ne ru?

⁸ Ong jire, kundi ka bu ningi pongondi yi teeri Balaa Yamba, du yi kinggai a Demteere; "Ma kangman bapun mo cika buri mai.>>

⁹ Ka ma kangman nuwa bu kangga gwal bu kangga, ma ninga welem. Ma pa teere.

¹⁰ Dingin kana we wu pong teeringi mwa mwa anda kiyanga dino, a paa teeri Yambai mwa mwa.

¹¹ Dingin Yamba wu ce kin, "Ma ningi ya taari.>> Pero wii yo ce kin, "Ma jiriya nere.>> Dingin tono ka ma jir nere anda ma ninga bu taari ne, ma pa teere mwaasi.

¹² Kana ca tu ma ce yi kana ca tu ma ninga, ma ninga cika nuwa ningaminu wei bali yi teere du peri nere gesele.

¹³ Yaa ku nuwa nuu wei bunam pma bu yaa nuu bunam nuwa bu kangga. Anda ka ma nuu bunam, Yamba nuu wei bunam mau ka wuni ninggu bali.

Leegu jirau yaa wurangi kwii leegu jirau bwaagi

¹⁴ Kundi yau ca, ciyamba muwa bu nambirmbawa yi bu nurumba wa, ka ma ciyei min mai leegu jirau anda yaa wurangi ne? Koo duu leegu jirau puu wei mirgu nere du?

¹⁵ Cika ma ko ba gonmo wu nambare yi nure yaa jeendi yaa see,

¹⁶ anda ma se min "Ma ci laamau. Yama ma cii buri mai wulok yi see, ma je jeendi wang.>> Anda ma nyii bu nere wii jeendi kana ba nyina kana see. Too yiri kundi yau ca?

¹⁷ Dingin tono, leegu jirau ku ya kem yi wurangi bwaagi.

¹⁸ Nere wu kanggi ce wei kin, "Ma woo yi leegu jirau; Mi n ko n woo yi wurangi.>> Anda n cegu min, "Ma jukunggi leegu jirau yaa kem yi wurangi. N juku manu wei leegu jirau mu bonggo wurangi mi.>>

¹⁹ Ma ce min ma yi leegu jirau, dingin ma pu jirei Yamba wiino. Ma ninga kundi! Kana wuturindi pu jirei yito, buri pma miri dingin gwasl.

²⁰ Mo ba cine! Ma kobu kanda ku leegu jirau yaa wurangi too tu nyoi ru?

²¹ Ma som bu min kakaa yiri Braima Yamba ko yo nere wu nyaa dingin

wurangi yei pu nyii bol yo Ica ku a kwaare ru?

²² Suwa, leegu jirau you yi wurangi yei a mwatangu kiino. Wurangi yei a diina leegu jire you twangi.

²³ Dingin tono a ningwa cika ku Demciyei Yamba ceu; "Ibrahim lee jirei yi Yamba, anda dingin leegu jire you Yamba ko yo cimacima. Nuwa yi yo kin, basin Yamba.>>

²⁴ Ma kogu, yi yoo nuwa bu nyaa wa a gawur Yambai a bonggo wurangi tu yi ning, yaa bonggo leegu jirau yi wundu tibak.

²⁵ Yito mwa yi Rahab wu twii karmaji nuwa ko yo wu nyaa bonggo wurangi yei pu yo tuko nuwa bu nuwa tumuwe, a juki pma nyinou wu kanggu twee yei.

²⁶ Cika ku, buri ka yaa piima ne bwaagi, yito mwa leegu jirau ka yaa wurangi ne bwaagi.

3

Tagu benu

¹ Ciyamba muwa bu nambirmbawa yi bu nurumba wa, bu duuwa mba ba yoo ya kulumba, dingin bu soma yo kulumba nuwa ninga yiri wei bali su gwala wang.

² Manggu, mwa mwa yi liyani wang. Anda ka nere liyabu bonggo cewi yei ne, woo nere cimacima pero puu wei tagu buri yei mwa mwa.

³ Yi diini gwerai yi tum you ba aara kana piyau pu yi kasu yi linjang ba twitwila a nyiyau you.

⁴ Suwa yi konggorundi su gembirendi mwaasi. Pma gemrendi anda wuturi wu yi dimbire suki pma, kana yito nere wu keeyi ning wurai yi boo ken ba keeyi pu yo kasu.

⁵ Yito mwaasi bene too yiri tu banyinai, anda ce cewi tu girdi dwii nere wang.

Anda cile bwalai ba nyina diinu wei baki du dui ba taawa.

⁶ Anda bene too bwalau. Too tu bwii wang a miringgi penendi su buri. Puu bwiyanggu buri neri mwa mwa. Yo manu wei piima ma mwa mwa bwalau, dingin bwalau yau twiwe bwalau ku yaa dumdu.

⁷ Nuwa pu wei taagu kana konu du nemu yi yidi yi yiri tu wurdu pwii simai yi jinde.

⁸ Anda yaa nere wu pu wei tagu benu. Yaa yoroni yi tu bwii, twanggi yi bwaali boore.

⁹ Yi teran Mbaa Wu Gira Yamba yi tono, jordi kanggi yi sentani bu kangga bu nuwa ruu pma Miringgi mweendi Yambai.

¹⁰ Wuure yi sentanggu twii wei nyiyau wii wiino. Manggu, ciyamba muwa

nambirmba yi nurumba, too yiri ya cimacima cima.

¹¹ Nung bwiyo bwiiwe wei gundu ku teng yi ku suluk ru?

¹² Ciyamba muwa, pwalugu puu wei twiyagu tutwiyari inabi ru, kana sou inabi puu wei ba twiya pwari pwalgu ru? Yaa yiito, yaa ku ma kelu wei gundu ku teng a nung bwiiyo wu suluk.

Pwii du nyaai baayi bonggo Yambau

¹³ Ka ma woo yi pwii yi kurandi, ma jukuya bonggo pisu wu nyaau, ninguwurangi tu nyaai, yi cinggu dwii ku baayi bonggo pwiiu.

¹⁴ Anda ka ma woo yi bwii yi leegu dwii a gaanggu, ma liponiya jire yi giri dwii yi leendi.

¹⁵ Dingin bwii yi kasigu buru too pwii du bonggo Yamba ne, yaa bonggo Bawei du Walwal, anda baa sima yi wuturindi.

¹⁶ Dingin pu bwii yi leegu dwii koo miru, ma nyingu wei gwela yi kana tono yiri tu bwii.

¹⁷ Anda pwii du baa diyow walwal, yi pidau gaanggu, yi miu bubuk kana pene, pene, ning pongondi, twangi yi bunam yi wurangi tu nyaai, yaa cwaani nuwa, kana pene yi jire.

¹⁸ Pma bu kasi pidau gaanggu wa piri goma pidau gaanggu wa ba kaca wurangi tu nyaai.

4

Bame nem yi Yamba

¹ Tu dee gwela ceu yi kwai a cudu mbiri ca? Yaa baayi bonggo miyam buru wu bwii wu wu kwai a gaanggu mbiri ru?

² Bu kasi yiri anda bu yaa kinggi, Bu laci nuwa pero bu ning yawo, anda bu yaa kinggi tu bu kasigu, Bu ningi gwela yi kwai. Bu yaa kinggi tu bu kasigu, dingin bu senggo bu Yamba.

³ Ka bu sengg, bu yaa nyinggi dingin dangandi mbiri yaa kundi, bu kasi dingin nuugu teng mbiru tibak.

⁴ Mba nuwa bu yaa jire wa! Bu som bu min sirre yi sima diini nere ba yoo bacen Yamba ru? N sambira dong: Ka ma kasi ma ninga sirre yi sima wei, ma kasi ma yoo bacen Yamba.

⁵ Bu danggi min Demteere cegu kin, ca pu ce kin, bawei du Yamba dwii yiroy dwii twanggi yi bwii?

⁶ Anda Yamba nyii yiru wei boniiu you ku tum. Cika ku Demteere ce kin, "Yamba kwaa nuwa bu yi leegu dwii wa anda ning tu nyaai bonggo pma bu cinggi dwii wa.>>

⁷ Dingin tono cingo dwii mai a bonggo Yambau, Kwaa Balaa buwai, anda yo ceeru wei ba dumbira.

⁸ Bame nem yi Yamba. Yika baa wei nem yi mba. Car war mbiri, mba bu ning welem wa; bu car gaanggu mbiri, mba bu gaanggu mbiri cwanggi buri wa.

⁹ Bu ninga bwiiyan gaanggu bu jii wiindi, yi merma dingin yiri tu bu ningai, Yama ma ninga bwiiyan gaanggu yi mondo mondo. Yama ma bwiiyan gaanggu yi ku ma rii wei riima, ma ca kau yiku ninguw wei buri degdeg.

¹⁰ Cingo dwii mai bonggo Mbaa Wu Gira, yo wunminu wei yi giru.

Dikacene dwii ninggu balu bonggo nuwa bu kangga

¹¹ Ciyamba muwa bu ce ya tu yaa kundi a dwii kamba bu pongguwa. Kana we wu ce tu yaa kundi a dwii bagon yo, kana ka ningaman yo bali, a ce tu yaa kundi a dwii teeri Yambai pero a ninga bali dwii yei. Ka ma ning bali a dwii teeri, ma yaa ninggu bonggondi yi tono, ma yoo nere wu ning bali a dwii yei.

¹² Yamba yo wundu wii yo wu nyii teere, wii yo ning wei bali, Wii yo yi wundu yi dimbire ba mira yi ba bwiiyan. Dingin tono, ma danggandi min ma we ma ningaman bali bapumo?

Dikacene a dwii manggu nii yi buri

¹³ Bu nuwa mbaa bu ce min, "Kana rengi kana punge yi aandu wei gwei du kanggi yi sindi siyei pwii nyan Milla. Wii ninga lummo yi nyingga keke.>>

¹⁴ Ma som bu tu nindu wei punge yi piima ma ru? Piima ma cika mire, yoko ma kogu ka yoron ba nyina ma kweeyi.

¹⁵ A daaya ma ce min, "Ka Mbaa Wu Gira leeyi, n ning wei tinaa yi twii.>>

¹⁶ Anda bu leegu dwii yi dangandi mbiri. Koo leegu dwii too welem.

¹⁷ Kana we wu som tu daayai ba ninga anda ninga bu, a ninga welem.

5

Dikacene a dwii gina

¹ qBu katwiyow mba bagina: Bu ji wiindi yi kwarendi dingin tiigu kuuu yi yiri tu bwii tu buki buki tu too baayi dwii mbiri.

² Gina mbiri butu wei, pero boboo jee wei see mbiri.

³ Asurpa yi sinariya mo a ninga sasa. Sasa wu ninga wii yoo wei seedaki a dwii mai, pero wee wei nem mo cika bwalau. Ma kuraman buri mai gina a daandi sina su cwata goroi.

⁴ Katwiyow! Ma nuu wii nuwa bu ningamin wurai a kondou, ma kwaa yagu pma kundi. Woriri tu ma kwa yagu pma twii a de kwaran mo. Wiindi nuwa bu kacamin kondou bwii a lam bonggo Mba Wu gira Yamba.

⁵ Ma *sin siyei* a *sima miringgu* tengu *yi ninggu* tu *gaanggu mo kasi*. Ma *ningamin buri* mai tawu ma *duta ma yanggu* nyan ku *nuwa biiminu* wau.

⁶ Ma *kwaa*, ma *laca nuwa* bu *yaa welem* wa, *pma* bu *cebu kana ca* a *dwii* mai.

Ningu kanadi jor cusugu

⁷ *Dingin yi*to bu *ninga kanadi* *ciyamba* muwa *kopo jor bagu Mbaa Wu Gira*. Bu *suwa bajome yo yam kondo you kopo* ka bir *dwii kundi*. Pero tar *kanadi* ba *yam gundu* ku *gawuriyo yi gundu* ku *cwata gorou*.

⁸ N ka *mwaasi* ma ta *kanadi*. Ma *tin tiyei* *yi dimbire*, *dingin* *bagu Mba Wu gira* *ninga nem*.

⁹ *Ciyamba*, bu *ningaman* ya *jaanga ceu* *yi buri*, *dakali nuwa* ba *ninga mbir* ya *bali*. Nere wu *ningi bali woo* *pituu* *nyinou*.

¹⁰ *Ciyamba*, bu *suwa cusangu* *banabindi* su *wasi ciyei Yambai* bu *tilanga bonggo pmau*, *dingin pma bo gaanggu* a *jor tiigu kuulu*.

¹¹ *Yi nyii pma giru* *dingin pma bo gaanggu pmau* a *jor tiigu kuulu*. Bu *nuu labar bogu gaanggu Ayuba* a *bonggo cusugu*, bu *nuu tu Mbaa Wu Gira ningaman yo*. *Mba Wu gira nuu bunam wang* a *kalanga*.

¹² *Ciyamba* muwa, tu *gwala mwa mwa*, bu *wereni* ya *kana yi diyou kana yi sima yi kana ca*. Yama “*Ong*” *mbire* ba *yoo Ong* pero “*Ang Ang*” *mbir* ba *yoo ang ang*, *dingin* bu *yaramani* ya *bali*.

Kuru leegu jirau

¹³ *Woo yi wu tiigu kuulu* a *miringgu mir ru?* Ba *ce kuru*. *Woo yi wu buri degdeg ru?* Ba *pii pii terenggu Yambai*.

¹⁴ *Woo yi wu buri yaa cingcing ru?* Ba *ziyanga kuruwa* ba *ceman yo kuru* ba *comman yo nunggu yi din Mba Wu gira*.

¹⁵ *Kuru* ku *yi leegu jirau weeni wei* *buwai*, pero *Mbaa Wu Gira nyii wei buri cingcing*. Ka *ninga welem wai*, *paru wei* *sukom welem yau*.

¹⁶ Bu sa *buri mbiri welemdi mbiri* pero bu *ceman buri mbiri kuru palaka* bu *yilanga*. *Kuru nere wu pong danggandi Yambai yi dimbire* pero *ning tu nyaai*.

¹⁷ *Iliya twii nere cika yo*, *anda ku ce kuru* ku *jirau kin gundu* ba *yariya*, *gundu yarubu nyan mila kunong yi pwalari nokono*.

¹⁸ *Anda ku* pero *ce kuru dong*, *diyou wun buri gundu ninga pu yarugu sima nyii jeendi*.

Puigu nere wu ponggu wu yaranga

¹⁹ *Ciyamba* muwa bu *nambimba wa yi* bu *nurumba wa*, ka *wu kangge pori*

nyinou jirau, bu *kwasi kwii* bu *waata yi yo nyinou*.

²⁰ Bu *soma min kana we ka puuwe nere ninggu welem*, *mir wei yo bonggo boore*, pero a *dee param sukom bonggo welemdi tum*.

1JN

Ciyei piimai

¹ N woo bala mbiri bala a dwii yo wu twii ciyei piimai, du doo yake taa yau, wu yi nuu yo, yi ko yi nundi yiri, yi mwaanga yi wari yiri.

² Nuwa juku yiri piima bwii, yi ko yo, dingin tono yi nyii seedaki dwii yei, pero yi wasi mbir ciyei a dwii piima bu yaa matirwa, woo kem yi Kwiite, nuwa jakuyiro yo.

³ Yi wasigu mbiru yiri tu yi ko pero yi nuwai, dingin yi kasi bu ninga naapu yi yo. Naapu yiru ko kem yi Yamba Kwiite, yi Bol yo Yesu Masiya.

⁴ Yi boo bala mbiri tina palaka degdeg gaanggu yiru ba twangwa.

Pisu rangu

⁵ Tina ciyei du yi nuwai a bonggo Yesu Masiya yi sagu mbira min, Yamba twii rangu. Kumjila yaa bonggo yo kana banyina.

⁶ Ka yi ce min yi boo yi naapu yi yo, anda yi songma a kumjila, yi cegu leendu pero yi yaa tum jire wii.

⁷ Anda ka yi ning songma miringgu rangu, cika ku yo mwa a miringgu rangu, yi ninggu naapu yi buri yiri, pero tiiama Yesu Bol yo, a car yiro a bonggo welemdi yiri mwa mwa.

⁸ Ka yi ce min yi tij bu ninggu welem ne, yi welenggu buri yiri, yi som bu jire.

⁹ Anda ka yi sar Yamba welemdi yiri, yo wu cimacima pero twang tu yo cei, para yiri wei sukom welemdi yiri, ba car yiro a bonggo wurangi yiri tu bwii mwa mwa.

¹⁰ Ka yi ce min yi ninga bu welem ne, yi de Yamba twii ba leendo, pero ciyei yei yaa miringgi yiri.

2

Yesu twii kalam yire

¹ Mba kwaraa muwa wa, n woo bala mbir tina palaka bu ning ya welem. Anda ka wu kangge ning welem, yi boo yi nere wu kala yiri wei a bonggo Kwiite, wii Yesu Masiya wu cimacima.

² Yesu yiri yei twii nii du yi kinggi pargu sukom welemdi, buri yo ne anda kana wono nere wu sima.

³ Ka yi ningi pongondi yi teering Yambai, too jukuyiro kin manggu yi som yo.

⁴ Kana we wu ce kin, <<N som Yamba,>> anda yaa ning pongondi yi teering Yambai, too baleendo, pero som bu jire.

⁵ Anda nere wu ning pongondi yi ciyei Yambai, wii yo kangman Yamba cimacima. Too kanda ku yi som wei min yi boo pisu naapu yi yo.

⁶ Kana we wu ce kin yo woo yi naapu yi Yamba, tagi ba ninga pisu cika ku Yesu Masiya ningau.

Teeri du puci

⁷ Basimba muwa bu n kangni wa, teeri du n bala mbiri dina, dina du puci ne. Tina teeri du milgai, du bu boo yi tono yake taa yau. Teeri du milga dwii, dwii du bu gacila bu nuwai.

⁸ Anda kana yito teeri du n bala mbiri do, do du puci, Masiya a jukiya kin teeri dina too jire, mba mwa bu jukiya yito. Dingin kumjila weenggu anda rangu wu manggu a swiigu buru.

⁹ Nere wu ce kin yo ninggu pisu rangu, anda kwaa bagon yo wu ponggu, lama yoko woo ninggu pisu a kumjila.

¹⁰ Anda nere wu kangman bagon yo, a ninggu pisu wu rang, yaa ku diinu wei bu kangga ba ninga welem.*

¹¹ Nere wu kwaa bagon yo a pisu pu rim, pero a songma a pu rim, som bu pu yo songmau, dingin kumjila a diina yoo kermo.

¹² N woo bala mbiri mba kwaraa, dingin Yamba gacila para mbir sukom welemdi mbiri dingin din Yesu.

¹³ N woo bala mbiri mba kwiimba, dingin bu som yo wu yake taa yau.

N woo bala mbiri mba kwatimba, dingin bu gwala dimbir Balaa Buwai.

N woo bala mbiri mba kwaraa, dingin bu som Kwiite.

¹⁴ N woo bala mbiri mba kwiimba, dingin bu som yo wu woo yake taa yau.

N woo bala mbiri mba kwatimba dingin bu boo yi dimbire, pero ciyei Yambai doo pisu a miringgi gaanggir mbiri pero bu gwala dimbir ninga Balaa Buwai.

¹⁵ Bu kangmani ya sima, yi kana yiringi tu miringgi yei. Kana we wu kangman sima, yaa kangman Kwiite.

¹⁶ Dingin mwa mwa yiringi tu miringgi simai, cika bu miyam buru, kana ca tu nundi suwi pero kasi, yi yiring tu diin nere lee dwii, too yaa baangai bonggo Kwiite anda twiyongoi sima.

¹⁷ Sima yi miyandi yei mwa mwa matir wei, anda kana we wu ning tu Yamba kasi sii wei kana pene pene.

Dikacene a dwii bacemba Masiya wa

* 2:10 2:10 Lakargarindi su kanggi ce kin yaa tu diinu wei pma ba ninga welem.

¹⁸ Kwaraa muwa, tina daandi su cwata goroi, cika ku bu gacila bu nuwa kin, bacen Masiya woo baayi, yoko bacemba Masiya tum a gacila baanga. Too toño yi soma min yi boo daandi su cwata goroi.

¹⁹ Pma bu bagu ceri yi Masiya boo cudi yiri nang, anda pma twiyongo cudi yiri, bwii boyiwa ne. Kana pma boo boyiwa wei, lama yoko na boo kem yi yo. Anda pma duu yiro, too jukiya kin pma boo boyiwa ne.

²⁰ Anda mba, Masiya nyii mbir Bawei du Walwal, dingin toño mwa mwa mbiru bu som jire.

²¹ N bala mbira dingin bu som bu jire ne, anda dingin bu soma, pero bu soma jire yaa biri leendi.

²² Wu yi leendi wii we? Wii wu kwaa kin Yesu wii Masiya ne. Nere wu kwaa Kwiite yi Bwiya, wii yo bacen Masiya.

²³ Kana we wu kwaa Bwiya, a kwaa Kwiite. Anda kana we wu lee Bwiya, a lee Kwiite.

²⁴ Mba bu du tu bu tilanga yake taa yau ba si siyau a gaanggu mbiru. Ka bu ning yito, bu ning wei naapu kem yi Bwiya yi Kwiite.

²⁵ A bonggo koo naapu, Masiya ninga yir alkawal yo nyii yir wei piima bu yaa matir wa.

²⁶ N bala mbiri tina a dwii pma bu kasi ba ciyo mbira wa.

²⁷ Anda mba, Masiya a nyii mbir Bawei du Walwal du doo miringgi mbiri, dingin toño bu kasi ya kulum wu kanggi tweeyei. Dingin Bawei juku mbir kana ca, yiringi tu juku mbiri twii jire, twii leendi ne, dingin toño bu je gawure yi ninggu naapu a miringgu Masiya.

²⁸ Kwaraa muwa wa, bu ninga pisu naapu kem yi Masiya, palaka yi nuu yaa gwasii kana melma a gawuri yei nyangu ku waata wau.

²⁹ Ka bu soma min Masiya cimacima, bu somu wei min kana we wu ning tu cimacima twii bol Yamba.

3

Kwaraa Yamba wa

¹ Bu suwa kanda ku Kwiite kang yiro wang, ku nuwa yi yiri kin yi kwaraa Yamba wa. Too tu yi yoogi. Too tu diinai nuwa bu sima bu som yiri bu, dingin pma som bu yo.

² Basimba muwa bu n kangni wa, yoko yi yoogi kwaraa Yamba wa, bo yi som bu tu yi yoo wei. Anda yi soma min ka Yesu waatai, yi yoo wei cika yo, dingin yi kwee wei yo cika ku yo yoogi.

³ Kana wono nere wu woo yi koo manam niyu yi Yesu Masiya, sii walwal cika ku Masiya walwal.

⁴ Kana wono nere wu ning welem a yer teeri Yamba, dingin welem twii yerigu teeri Yamba.

⁵ Bu soma min Masiya baa dingin ba deman siyau welem di yiri, pero a bonggo you, yo yaa welem.

⁶ Dingin toño kana wono nere wu pisu a miringgu Yesu Masiya yaa jee gawure yi ninggu welem. Kana we wu je gawure yi ninggu welem yaa ku ti kogu you pero som bu yo.

⁷ Kwaraa muwa, kana we ba ciye mbir ya! Kana we wu tum tu cimacima twii nere wu cimacima, cika ku Yesu Masiya yo cimacima.

⁸ Kana we wu je gawure yi ninggu welem wii wu Balaa Buwai, dingin Bala Buwai ning welem yake taa yau. Bol Yamba baa miringgi sima dingin ba woo siyau wurangi Balaa Buwai.

⁹ Kana we wu twii bol Yamba, yaa jee gawure yi ninggu welem, dingin piima bu puci bu Yamba wa boo miringgu yei. Yaa ku jee wei gawure yi ninggu welem dingin yo twii bol Yamba.

¹⁰ Tinaa nyindi su nuwa kurani kwaraa Yamba yi kwaraa Balaa Buwai wa. Kana we wu ning yiri tu yaa cimacima, twii bol Yamba ne, pero nere wu yaa kangman bagon yo, twii bol Yamba ne.

Bu kangman buri mbiri

¹¹ Tinaa ciyei du bu nuwai yake taa yau, yama yi kangman buri.

¹² Yi yoo ya cika Kayinu, yo wii wu Balaa Buwai pero dong a ji bagon yo. Abila. Dingin ca a ji bagon yo? A jiyo dingin wurangi yei twii tu bwii anda wurangi bagon yei twii tu nyaayi.

¹³ Ciyamba, bu riyani ya buri ka nuwa bu sima wa kwaambiri.

¹⁴ Anda yo, yi soma min yi yeri boore yi baanga bonggo piima dingin yi kangman kiyaa yuwa. Nere wu yaa kangman kappima, lama yoko woo kuu booru.

¹⁵ Kana we wu kwaa bagon yo, twii nere wu laci nuwa. Pero bu soma min yaa nere wu laci nuwa wu yi piima bu yaa matir wa.

¹⁶ Tinaa nyinou wu yi som kanda ku kangam yi tonou, Yesu nyii piima ya dingin yo, yito mwa a daaya yi nyii piima yiwa dingin kiyaa yuwa.

¹⁷ Ka nere wu yi gina kwee bagon yo yi biiki anda kalan bu ne, ba soma kin yo yaa kangman Yambau.

¹⁸ Kwaraa muwa yi jukuri ya kangam yi cewi yi ben tibak, anda yi juki kangam a bonggo wurangi yi jire.

¹⁹ Ka yi kangman buri yi soma min yo yi yoogi bu jire wa. Pero yi tindi wei tiyau a gawur Yamba yaa gwasi.

²⁰ Kana ka gaanggu yiru nyaa yiri dwii welemdi yiri, yi soma min Yamba a gwala dimbir gaanggu yiri pero a som kana ca.

²¹ Anda basimba muwa bu n kangni wa, ka gaanggu yiru nyaa yiri bu ne, yi tindi wei tiyei a gawur Yambai yaa gwasi.

²² Pero kana ca tu yi senggo a bonggo you yi kinggi wei, dingin yi ning pongondi yi teering yei, pero yi ning tu diraman yo gaanggu.

²³ Pero Yamba nyii yir teeri kin, yi lee jire yi Bol yo Yesu Masiya, pero yi kangman buri yiri, cika ku Yesu Masiya sa yiro yi ninga.

²⁴ Kana we wu ning pongondi yi teering Yambai, sii kem yi Yamba, Yamba mwa sii kem yi yo. Bawei du Yamba nyii yiro a diina yi soma min yo sii kem yi yo.

4

Bawei jirei yi du leendi

¹ Basimba muwa bu n kangni wa, bu lee ya jire yi kana wono wu ce kin yo woo yi Bawei Yambai, anda bu cuu pma. Yikwii bawei pmai baa bonggo Yamba ru? Dingin banabindi leendi wa a twiyongo kana piyau a sima.

² Tina nyinou wu yi kurani wei min nere woo yi Bawei Yambai, kana we wu lee kin Yesu Masiya baa miringgi buri, woo nere woo yi Bawei Yambai.

³ Anda nere wu lee bu yito a dwii Yesu, yaa Bawei Yambai, Bawei du woo yi tonoi dwii du baceɓ Masiya, bu nuwa kin baa wei, yoko a gacila baa, a miringgi sima.

⁴ Kwaraa muwa, mba bu yoogi bu Yamba wa, bu gwala dimbire banabindi leendu wa, dingin Bawei du miringgi mbiri a gwala bawei du nuwa bu sima wa.

⁵ Pma bwii bu sima wa, dingin tono kana ca tu pma cegu twii tu simai, pero nuwa bu sima wa nuu pma.

⁶ Anda yi yoogi bu Yamba wa. Kana we wu som Yamba kar twiyau yi yo, anda kana we wu yaa yoogi wu Yamba yaa kar twiyau yi yo. A bonggo yito yi som nere wu yi Bawei du jirei yi du leendi.

Yamba kangam

⁷ Basimba muwa bu n kangni wa, yi kangman buri, dingin kangam baa bonggo Yambau. Kana we wu jukur kangam twii bol Yamba pero a som Yamba.

⁸ Kana we wu yaa jukur kangam som bu Yamba, dingin Yamba twii kangam.

⁹ Tina kanda ku Yamba juku yir kangam you, a tumuwe Bol yo yi wundu a miringgi sima, palaka yi nyingga piima a bonggo you.

¹⁰ Tina kanda ku kangam yi tonou, bwii bu yo yi kangman Yamba ne, anda yo kang yiro a tumuwe bol yo palaka ba yo nii dingin pargu siyei sukom welemdi yiri.

¹¹ Basimba muwa bu n kangni wa, yake ku Yamba kang yiro ko, tagi yo mwa yi kangman buri yiri.

¹² Yaa wu tii kogu Yambau, anda ka yi kangman buri, Yamba ninggu naapu yi yo, pero kangam you twangwa a cuɗi yiri.

¹³ Yi soma min yi ninggu naapu kem yi Yamba, yika pisu kem yi yo, dingin yo nyii yiri Bawei yei.

¹⁴ Yo yiri yiri, yi ko pero yi nyii seedaki bu kangga min Mbaate a tummuwe Bol yo ba yo nere wu mir wei sima.

¹⁵ Kana we wu ce kin, Yesu twii Bol Yamba, a ninggu naapu kem yi Yamba, yika pisu kem yi yo.

¹⁶ Yo yir yiri, yi soma pero yi lee jire yi kangam Yambau wu juku yirou.

Yamba twii kangam, kana we wu jukur kangam, a ninggu pisu naapu kem yi Yamba, Yamba yika kem yi yo.

¹⁷ Kangam you cimacima a cuɗi yiri palaka yi nuu ya gwasi a nyanggu ku Yamba ning wei balu, dingin yi ninggu pisu naapu yi yo a pina sima binaa, cika ku Masiya yi tonou.

¹⁸ Kana we wu Yamba kangne yaa gwasi Yamba. Anda kangam wu cimacima keeri siyau gwasi, dingin ka ner nuugu gwasu a gwasugu tiigu kuulu a nyanggu balu. Nere wu nuu gwasi kangam you yaa cimacima.

¹⁹ Yi jukur kangam dingin Yamba kang yiro gawuriyo.

²⁰ Kana we wu ce kin, yo kangman Yamba, anda kwaa bagon yo wu ponggu, yoogi baleendo. Dingin kana we wu kangman bu bagon yo wu kogu, na puu kangman Yamba wu yaa kogu.

²¹ Teeri du Masiya nyii yiro twii, kana we wu kangman Yamba, tagi ba kangman bagon yo mwaasi.

5

Gwalgu dimbiri sima

¹ Kana we wu lee kin, Yesu wii Masiya, twii bol Yamba, kana we wu kangman Mbaate kangman Bol yo mwaasi.

² Tina kanda ku yi soma min yi kangman kwaraa Yamba wa, a bonggo kangman Yamba yi pongondi yi teering yei.

³ Ka yi kangman Yamba yi ning pongondi yi teering yei. Pero teering yei yaa buu.

⁴ Kana we wu twii bol Yamba a gwala dimbir wurangi tu bwii tu simai. Wunaa dimbiri wu gwala dimbir sima, twii leegu jire yiru.

⁵ Wu gwalu wei dimbir sima we? Kopo nere wu lee jire kin, Yesu twii Bol Yamba.

Seedaki a dwii Yesu Masiya

⁶ Nuwa ju ku Yesu Masiya twii Bol Yamba, bonggo batisima yo yi gundu pero yi pargu siyei tiima ya a yeu, yaa bonggo gundu yi wundu tibak, anda kem yi gundu yi tiima. Bawei mwaasi a nyii seedaki too woo too jire, dingin twii Bawei du jire.

⁷ Woo yi seedakindi kunong bu nyii seedaki kin Yesu twii Bol Yamba.

⁸ Bawei, yi gundu, yi tiima pma nyii seedaki wiino.

⁹ Yi lee yi seedaki nuwa, anda seedaki Yamba a gwala mwa mwa, too seedaki wu Yamba nyiia a dwii Bol yei.

¹⁰ Kana we wu lee jire yi Bol Yamba woo yi woo seedaki a miringgi gaanggu you, anda pma bu lee bu jire yi Yamba, a de twii baleendo, dingin yaa ku lee jire yi yiri tu Yamba ce a dwii Bol yei.

¹¹ Seedaki wii kin, Yamba nyii yir piima bu yaa matirwa, piima binaa a miringgi Bol yei.

¹² Kana we wu woo yi Bwiya woo yi piima, anda kana we wu yaa Bol Yamba yaa piima.

Piima bu yaa matirwa

¹³ N bala mbira tina yiri, mba bu lee jire yi Bol Yamba wa, palaka bu soma min, bu boo yi piima bu yaa matirwa.

¹⁴ Yi tin tiyendi a gawur Yamba yaa gwasi dingin yi soma min nuu yiri ka yi senggi kana ca cuungi dangandi yei.

¹⁵ Yake ku yi soma min nuu yiri ko, yi soma min yo nyii yir kana ca tu yi senggo.

¹⁶ Ka kana we kwee bagon yo ninggu welem wu yinnibu boori ne, ba ce kuru a bonggo Yamba pero yo nyii wei piima pma bu ninga welem wu yinnibu booru. Anda pma bu welem pmau yinno booru, n ce bu min bu ce kuru dingin koo duu nuwau.

¹⁷ Ninggu kana ca tu bwii twii welem, anda woo yi welem wu yinnibu boore.

¹⁸ Yi soma min kana we wu twii bol Yamba, yaa jee gawuri yi ninggu welem, dingin Bol Yamba sweri pma, palaka Balaa Buwai ba mwani ya yo.

¹⁹ Yi soma min yi kwaraa Yamba wa, kana ku sima binaa a wai Balaa Buwai.

²⁰ Yi soma min Bol Yamba a baa a nyii yir somandi dingin yi som Yamba, yo wu twii jire. Yo mwa yi boo ning naapu yi yo wu twii jire, pero yi boo ning naapu yi Bol

yo Yesu Masiya. Yo twii Yamba wu jire pero yi piima bu yaa matirwa.

²¹ Kwaraa muwa, bu ta dwii mbiri kundi bu cwaa kana ca tu demanu wei gaanggu mbiru a bonggo Yambau.

2JN

Cijma

¹ Wuna lakargar twiiwe bonggo mu nere wu gira wu ikkilisiya.

N balaman nuru wu Yamba seka kem yi kwaraa ya,* wu n kangman pma ku manggu. Buri mi yi wundu ne, anda mwaasi yi pma bu som jire wa.

² Yi kang mbiri dingin jire wu gaanggu yiru, pero si wei kem yi yo kana pene pene.

³ Boo niuu yi bunam yi pidau gaanggu wu Yamba Kwiite yi Yesu Masiya Bol Yamba ba siya kem yi yo a miringgi jire yi kangam.

Jire yi kangam

⁴ N ninga buri degdeg ku n nuwa kin kwaraa ma bu kangga boo ponggu jire, cika ku Yamba Mbaa yire sa yiro kin yi ningau.

⁵ N woo senggu mo, nure, yi kangman buri mwa mwa, too teeri du puci ne, doo du yi boo yi tono yake taa yau.

⁶ Kangam wu jireu twii yi ninga tu Yamba ce kin yi ningai. Teeri du bu nuwa yake taa yau, twii bu ninga pisu kangam.

⁷ N ce yito dingin nuwa bu ciyeni nuwa tum a twiyongo kana piyau a sima bina. Pma bu lee bu kin Yesu Masiya a baa miringgi buri cika nere, Koo duu nuwau too nuwa bu ciyeni nuwa wa pero yi bacemba Masiya wa.

⁸ Bu ruun tuwe, dingin bu bwiyani ya wurai du yi ningai a bonggo mbiru, palaka bu nyingga woriri mbiri cimacima.

⁹ Kana we wu tiini bu tu Yesu Masiya jukuya anda cwata yiri tu kanggi, woo nere yaa Yamba. Anda nere wu tiina yiringi tu Masiya jukuya, woo yi Mbaate yi Bwiya.

¹⁰ Ka nere wu kanggi baa jukugu mbiri yiringi tu kanggi tweeyei yi yiri tu Masiya juku mbirai, bu yiri ya pma a laandi mbiri, pero bu ciri ya pma.

¹¹ Kana we wu ci pma a teca dwii yi pma a bonggo ninggu wurangi pmai tu bwii.

Ninggu yorangau

¹² N woo yi yiring tum tu n sambiri wej, anda n yaa kasi n bala mbira a lakargar tibak. N danggigu n kaca mbuwe, ba yi ce ciyei yi nunge yi nunge, palaka buri degdeg yiru ba twangwa.

¹³ Kwaraa ciya mo wu nure wu Yamba seka boo cigu mou.†

* **1:1 1:1** Nure yi kwaraa ya, pitindi yei twii ikkilisiya yi nuwa bu pongguwa. (Yito mwa yi bonggo ciyei 4 yi 5) † **1:13 1:13** Kwaraa ciya mo wu nure, Yo tumgu cijma bu baa bonggo ikkilisiya wu yo twiiwe miri.

3JN

Ciima

¹ Wuna lakargar twiwe bonggo mu nere wu gira wu ikkilisiya.

Aari bonggo basin mi Gayus, wu n kangni ku jirau.

² Basin mi wu n kangni, n woo cemɪn kuru min kana ca ba aara cimacima pero ma kingga buri cingcing, cika ku ma cingcing a miringgi bawei.

³ N ningga buri degdeg wang, pu nuwa bu ponggu bu kangga baanga sangge jire wu mai tono, pero yi kanda ku ma woo ponggu jire kana pene pene.

⁴ Yaa tu diingini ninggu buri degdeg wang, cika ka n nuwi kin kwaraa muwa boo ninggu pongondi yi jire.

Nuwa wandi Gayus

⁵ Basin mi wu n kangne, ma woo yi jire a bonggo wurangi tu ma woo ningaman kiyaa ma bu ponggu wa, kana ku pma twii runnguwa.

⁶ Pma ba sa ikkilisiya wu pina kangam wu ma juku pmau. Kamkam ma kalanga pma, ba je gawure yi songma pma a nyinou wu Yamba nuu wei teng you.

⁷ Dingin pma twiyongo ba wasi din Masiya, pero pma yaa yiri kalanggu a bonggo nuwa bu yaa ponggu wa.

⁸ A daaya yi kalanga koo duu nuwau, dingin yi teca dwii kem a miringgi wurai du jire.

Diyotiripis yi Demetiriyus

⁹ N balaman ikkilisiya lakargar, anda Diyotiripis a kwaa ba yi ciyei yiri dingin yo kasi giru.

¹⁰ Ka n baai, baa n puru wei tu ninggi, yi cewi tu bwii tu leendi tu cej dwii yiri, bur too yi wundu ne, bambam a kwaa yigu kiyaa bu pongguwa bu baanga wa, pero a ja pma bu kasi ba yi pma wa, a kee pma a miringgu ikkilisiya.

¹¹ Basin mi wu n kangne, ma tilani ya tu bwii, anda ma tilanga tu nyaai. Kana we wu ning tu nyaai wii wu Yamba. Anda yo wu ning tu bwii som bu Yamba kana banyina.

¹² Kana we cej tu nyaai a dwii Demetiriyus, jire yiri yei a nyii seedaki a dwii yei. Yo mwa yi nyii seedaki, pero ma soma min tu yi ce twii jire.

Ninggu yorangau

¹³ N woo yi yiring tum tu n sa mini wei, anda n yaa kasi n bala mina a lakargar tibak.

¹⁴ N danggigu n kaca muwe pina yi jor banyina, yi ce ciyei nunge yi nunge.

¹⁵ Yama pidau gaanggu ba siya kem yi mo. Basimba ma mwa mwa boo cigu mou. Ma ci basimba yiwu bu poo wa kana wono wiino.